



ВОЦВЫВ  
КОДЗУВ

9

1967

ОКтябрьской ПЛОЩАДЬ УХТА КАРЫН.

Фото И. Петровлөн.



# ВОИЗЫВ КОДЗУВ

ЛИТЕРАТУРНО-  
ХУДОЖЕСТВЕННОЙ  
ДА ОБЩЕСТВЕННО-  
ПОЛИТИЧЕСКОЙ  
ЖУРНАЛ

Коми АССР-са писательяс союзлн орган

## ТАЙӦ НОМЕРЫН:

### Сӧветскӧй властлы 50 во тыригкежлӧ

- Н. ПОПОВ (ЖУГЫЛЬ). Веж гыяс (пьеса) . . . 3  
В. ЖУРАВЛЁВ-ПЕЧОРСКИЙ. Выль олӧм до-  
рысьяс (висьтьяс) . . . . . 26  
ИЛЛЯ ВАСЬ. Тӧдтӧм салдатлӧн гу (кывбур) . 29  
А. ФИЛИППОВ. Ленька-комиссар (кывбур) . 30  
В. КУРАТОВ. Олӧмыс чуксалӧ (повесть) . . 31  
В. ЛОДЫГИН. Чужан му йылысь кыв. Страд-  
на кад. Абу кокни (кывбурьяс) . . . . . 38  
А. МИШАРИН. Сӧмын сійӧс. Ӧдйӧ паськалӧ.  
Медым велӧдчыны ветлі (кывбурьяс) . . 39

### Челядылы

- И. КОДАНЕВ. Тадзи вӧлі (висьтьяс) . . . . 40

### Публицистика

- В. МЕРЦ. Ловзьӧдӧм му . . . . . 47  
В. БАТАЛОВ. Коммуса гижысьяс — юбилейлы 50  
Г. МАКАРОВ. Мыйта сьлӧн быдтасыс . . . 52

### Критика да библиография

- Е. РОЧЕВ. Колӧ на бурмӧдны . . . . . 55  
И. ТОРОПОВ. Сьӧлӧмысь петӧм кывбурьяс . 57  
В. ШИРЯЕВ. Вӧр-ва йылысь выль книга . . . 95

### Сатира да юмор

- А. МАТВЕЕВ. Жӧник воис (висьт) . . . . . 61

9

СЕНТЯБРЬ

1967

СЫКТЫВКАР

# СЕВЕРНАЯ ЗВЕЗДА

★

ЕЖЕМЕСЯЧНЫЙ  
ЛИТЕРАТУРНО-ХУДОЖЕСТВЕННЫЙ  
И  
ОБЩЕСТВЕННО-ПОЛИТИЧЕСКИЙ  
ЖУРНАЛ

●

ОРГАН  
СОЮЗА ПИСАТЕЛЕЙ  
КОМИ АССР

*Редактор Я. РОЧЕВ*

РЕДАКЦИОННАЯ КОЛЛЕГИЯ:

*А. Ванеев, И. Изъюрлов, С. Попов (зам. редактора),  
С. Раевский, А. Сажин, Г. Юшков (отв. секретарь).*

\* \* \*

Обложка художника М. П. Безносова

//////////////////////★  
**ВЫЛЬ ПОСЁЛОКСА ШКОЛАЎ.**

Фото В. Вежевло́н.



# Советской властьы 30-е тыригкежлө



## Вежгыяс

2 действиеа, 5 картинаа драма

### ВОРСЫСЬЯС:

КАТЬО ДАРЬЯ, 22 арöса.  
ПАРАСЬ, сылөн чой, 24 арöса.  
ПЕДОР МИКОЛ, 35 арöса.  
СНТОН ИВАН, 26 арöса.  
ЕЛИС ВАСЬ, 24 арöса.  
КЛАВДИ, 26 арöса.  
МАРЬЯ КОЛЯ, 14 арöса.  
СЕМО МИКАЙЛО, 50 арöса.  
ОЛЬГА, сылөн гöтыр, 45 арöса.

СЕРГЕЙ, Ольгалөн пи, 20 арöса.  
ДУНЯ, 22 арöса.  
МАРЬЯ, Колялөн мам, 40 арöса.  
НЕНИЛА НАТАЛЬЯ, ёна пöрысь.  
ВЯТКИН, капитан, белбйяслөн карательной  
отрядын начальник.  
Нывбабаяс да ныв-зон.  
Белогвардеецъяс.

### ПРОЛОГ

«Ныв вöли мича. Еджыд дзоридзьясөн вöччöм льöм пу оз вермы венласьны ныв мичлункöд. Шондi водзын, верöтjа вылын кисьмöм озлөн рöмыс оз сяммы вевттьяны ныв чужöмлысь баниёмсö. Видзöдлан том ань вылö, да син водзад тувос асья кыа пöртмасьö. Том нылöс ещö нин мичмöдис авьjа сьлöмыс, кодi сьвккис помтöм тöждьсьöмөн йöзлы шуд перийöм вöсна. Овны да овны эськö том аньлы, гажöдны да ышöдны паськыд му эрдьяслысь дзоридзалан серпассьö!»

Татшöм легенда ветлö Эжва йывса сиктьясын.

Легендаыс чужи кыпыд олöм перийгөн — сьöккыд гражданской война воясö.

Кодi тайö нылыс!

### ПЕРВОЙ ДЕЙСТВИЕ

#### Первой картина

Сцена öтар-мöдар бокьясас паныдаөн кык важ ляпкыд керка: велькыдывьсаыс — Парасьлөн, шуйгавывьсаыс — Клавдилөн. Кильчö вьв, лабичьяса. Посни öшиньяс. Велькыдладорас, Парась керкаланьджык, кузь скамья — сэнi ныв-зон рытйьсьлөннi. Сцена пыдöслань пöвьясысь заплод, сы сайын — ниа да вижöдöм корьяса кызд пуяса сад. Сад сайын тыдалö кык судта бур керка, чардака. Чардакас стеклöа öдзöс петö перилöа балкон вылö. Водзын тыдалö парма.

Водз асыв. Кылö ракалөн кравзöм. Бакöстö мöс. Сэсъя кузя, гораа чукöстчö петук.

Парась керкаысь петö Дарья. Сийб плисöвöй жакеткаа, шевкнитöма; блузкаа да юбкаа, кокас сапожки; чышьянтöм. «Вежов юрсиа кыз кöсаыс коссьыс улöджык лэчö. Пельк тушаа, мича статя, вöсни кока. Вылын вира, сiдзи и ворсö алöй рöмөн векньыдик чужöмыс. Вöсньыд ныр-вома. Гöгрöс синьясыс вазыштöмабсь, быттьö ёна сералöм бöрын», — татшöмөн Дарьяс висьталöны сылөн пöдругаясыс.

Дарьялөн киас гартöм тетрадь, босьттö сийöс шöка улас, медым тасавны кильчö

Әдзәссә — пу вугйә суйә рос, ләччә кильчә  
вывсыс, листалә тетрадьсә.

Петә аслас кильчә вылә К л а в д и, очсалә.

КЛАВДИ. Дарья, асывсянь бара  
Педөр Миколай динад?

ДАРЬЯ. Сәтчә.

КЛАВДИ. Абу тай тәныд дыш!..  
Кутшөм гажаа войпукъястә вөчлыв-  
лн, а өнә кәдзалн.

Дарья серөктә, мунә.  
Локтә П а р а с ь, кыкнан кинас кутә ичә-  
тик сәй кашник, пөлялә кашникас.

КЛАВДИ. Парась, мый кашни-  
кад?

ПАРАСЬ. Әгыр. Батяә шона-  
улыс.

КЛАВДИ. Ой, Парась, сетышт  
меным!

ПАРАСЬ. Пач ломзәда да, босыт.  
Кәсыя тшак пуыштны.

КЛАВДИ. Меным он вичмөд?  
Әтчыд пумөн.

ПАРАСЬ. Ой, әгырәй кусә! (Пө-  
лялә кашникас.) Клавди, босыт  
тассә.

Клавди босытә тас, пырәны Парась ордә.  
Чардак әдзәсәд балкон вылә петә О л ь г а.  
Чәсқыда очсалә: сөмын на чечәма. Сыналә  
сук юрнясә.

Петәны Парась да К л а в д и. Клавди  
кыи кашник да корәник.

КЛАВДИ. Атяә, Парась, әгыр  
вылад да кос тшак вылад. Вот эсыкә  
ещә сов чепөлә кә.

ПАРАСЬ. Кыс бара!.. Мун нин,  
әгырыд кусә!

Клавди ойәстә, кашникас пөляләмөн пырә  
аслас керкаә, Парась — асласә. Ольга по-  
малә сынасыәмсә, пырә чардак әдзәсәд.  
Парась керка трубаыс чепәсий тшыи. Лок-  
тә Ольга, пельпом вылас шоныд шаль.

ОЛЬГА (чуксасә). Клавди!.. Па-  
рась!.. Клавди!.. (Петә Клавди.)  
Мый сы дыра он пет? Сә пөв ләә  
чукәстны! Мунәй Параськәд гумла  
дорә, чөвтәй ид идзас.

КЛАВДИ. Эштам кә.

ОЛЬГА. А мый вөчаннуд? Юр-  
сыынд той корсяннуд?

КЛАВДИ. Парась өнә на локтис  
тиянны вартаннисянь.

ОЛЬГА. Ыджыд тай. Рыныштор  
нянь вартәмнад эз муз.

Петә П а р а с ь, кинас ичәтик чугун.

ОЛЬГА. Парась, мунәй, идзас  
чөвтәй.

ПАРАСЬ. Ветлам. Тшак чугун  
пачә дзумга да.

ОЛЬГА. Бура чөвтәй. Мед арся  
зәр оз йидж.

ПАРАСЬ (чукунсыыс сәдзәдә  
ва — тшак кәтәдәма). Зиям, ичинь!  
(Пырә керкаас.)

Әдйә локтә М а р ь я Коля, лолыс тырә-  
ма. Сийә омөлә вәсни пальтоа, ас кыәм дө-  
раыс ләз гача, картуза, важ сапәга.

КОЛЯ. Ольга тыәтка, кәнә Семә  
Микайләйд?

ОЛЬГА. Мый сийә тәныд ковмис?..  
(Колялыс нырсә ниртыштә. Сера-  
лә.) Лолыд петас!.. Онә тә миянны  
гөрны да пинәвтынә он ков. Мәд  
вөбдз. Тәда, Коля, тә вөвнад радей-  
тан вөдитчыны. Сыыс ме тәнә лю-  
бита. (Кутлә Коляәс.)

КОЛЯ. Ән понды!

ОЛЬГА. Дәзмин?.. Менам аслам  
тә кодьыд оз нин лолы. Нелямын  
арәс бәрад бабаыд абу нин баба.

КОЛЯ. Ольга тыәтка, кәнә, мися,  
верәсыд?

ОЛЬГА. Тәныд верәс колә? А  
мыйла ог ме? Чайтан, менам Ми-  
кайлә метәг тәныд удж сетас?

КОЛЯ. Ме ог удж кузя, Ольга  
тыәтка.

ОЛЬГА. А мыйла локтн?

КОЛЯ. Ключьястә корәны!

ОЛЬГА. Кутшөм ключьяс?

КОЛЯ. Амбарьяссыд.

ОЛЬГА (гажа серамән). Мыйла?

КОЛЯ. Миколай дядә корә. Лок-  
тисны нянтә гижавны.

ОЛЬГА. Миян ордә?! Бласлә  
кростос!

Ольга әдйә мунә, Коля сы бәрыс.

КЛАВДИ. Адәй, адәй! Йәз ам-  
барьястә ветләны! Кәтәртла, видзәд-  
ла. (Мунә.)

Петә Парась, тасалә кильчәсә, локтә Клав-  
ди кильчә помә.

ПАРАСЬ. Клавди, мәдм удж вы-  
лад!.. Клавди!.. Мунәма кә кытчәкә-  
а?.. Әдзәссә гурйив кольәма. (Пөд-  
лалә әдзәссә, тасалә кильчәсә, му-  
нә.)

МАРЬЯ. Көсйи пыравны Миня Ондрей ордө, мися, оз-ө уджодышт. Ог төд, мый и вочны. Лунтыр пес-сян, да истөг көрөб сов сетасны. Да и сийөс оз чукийөн, век нин чиркасны. Мый водзө лоө, Дуныя? Локти Катьо Дарья динө юасьыштны, а сийө со абу гортас.

ДУНЯ. Ог төд нин, Марья! Миян-лы тай, нывьяслы, Дарья мыйсө оз висьтавлы. Войпукигъясөн.

МАРЬЯ. Войпуканинад позьө быд-тор мойднытө. А олөмыд тай абу мойд. (Локтө Коля.) Кольө, мый шлонъялан тани?

КОЛЯ. Ме ог шлонъяв, мамө, а Педөр Миколайлы кесйылөсала.

МАРЬЯ. Лоөма жө тэнад Педөр Миколай!

КОЛЯ. Кызди нө, мамө! Миколай дядь өни Катьо Дарьякөд Семө Мишө амбарысь няньсө гижалөны. Мамө, ой, мыйта няньыс! Садь быр-мөн. А тэ миянөс кыдья няньөн вер-дан.

МАРЬЯ. Кыдьяыс кө лоө, олам нин да. Миян сөрд муяс вылад ня-ньыд оз зэв сувтлы. Шоч восө оз кынмыв. Со таво бара съөд мувоис.

ДУНЯ. Картасайса муястө миян-лы юклисны. Да өд ешө, Марья, нывбабаяслы пайсө өткодя мужи-чөйяскөд сетисны.

МАРЬЯ. Сийө эськө гөльяслы бур-рөс вөчисны. Да кор на өд сэтчө көдзан? Мыйөн?

КОЛЯ. Көдзам, мамө, эн пов!

ДУНЯ (серамөн). Коля көдзас, сөмын сөй!

Локтө Ненила Наталья. Гөрбыла, синьясыс вөймөаьс, упкө-пөдө, бедьясьө. Кнас ичөтик туис, мышкас ноп.

ДУНЯ. Кытчө нин Наталля пөчыс веглөма?

НАТАЛЬЯ. Вөрө кайли. Кач ку-льышти.

МАРЬЯ. Öнисянь кач!

НАТАЛЬЯ. Кысь меным няньыс, кор нэмыс ичөт көшас вөли. Тойны-сө верма ог. Да и тоиныс менам абу... Ыджыд нюр пөлөн турипув вотьшти. Нюрас эг лысьт пырны, джөмдан сәни пөрысьыд.

МАРЬЯ. Кольө, мый тэ сералан пөрысь морт вылын!

НАТАЛЬЯ. Том мывкыднас. Олө-мас уна на эштылас серавны, бөрд-ны. Казялас: серамыд да бөрдө-мыд — кык чойяс. А кужас-ө сор-лавны шөгсө гажкөд?

КОЛЯ. Наталля тьотка, тэ кымы-нөд арөс тыртан?

НАТАЛЬЯ. Кутшөм тэныд съөдз мог! Некор эг төдлы асьыым арлы-дөс, да оли тай со. Енмыс төдө, кы-мын меным арөс. А вот оз босьт ас динас, мөд нэм тшөктө мучитчыны грека му вылын... А өни регыд кокъ-ясөс нюжөда. Ставөн тшыглы зги-нитам!

МАРЬЯ. Эн тунав, Наталля!

ДУНЯ. Гришаыд тай эз лок вой-на вывсьыс. Письмөыс воливлө?

НАТАЛЬЯ. Письмөнад кынөмыд оз пөт. Быдтыли Гришөөс. Быть ме-ным быдты, кор батыс сортовка лэдзигөн пу улө лямали. Мамыс, ме-нам нылөй, биа висьмөн кувсис, кынмалис Миня Ондрейлы лоска видз вылас уялигөн... Мисьтөм чужө-мыд салдатө водзө служитны кольч-чөма... Төв локтө. Пескөй жель мын-да абу. Пестөгьыд да тшыгйөнтө изөймитан. (Сьөкыда мөдөдчө.)

ДУНЯ. Наталля пөч, вай отсала ноптө нуны.

НАТАЛЬЯ. Отсышт, бобөй, от-сышт. (Сетө нопсө Дуныялы.) Сьө-кыд пөрысьыдлы. Войдөр тай эськө Семө Ольгаяслы видз вылас турун-тө быдса юрөн вөли мачала, а өни...

Наталья да Дуныя мунөны.

КОЛЯ (топөдчө мам бердас). Мамө, ме тэно некор, некор ог эновт!

МАРЬЯ. Челядь на тэ менам. Тэ кындзи ешө куйм посни. Кыдзи өт-көнтө быдта?.. Йөз со война вылысь локталисны, а батыды...

КОЛЯ. Быдтам, мамө! Быдмам!

МАРЬЯ. Кежала Семө Ольга ди-нө, оз-ө уджодышт. Талун тэ эн на сөйлы. Кос паренча көть нөнялышт. (Сетө питшөгсьыс.) Век нин кынөм-тө пөръялыштан.

Коля сөйө паренча. Марья мелиа видзөдө пи вылас, ышловзьө, мунө.

КОЛЯ. Ой, Миколай дядь динө вунөди! (Мунө.)

Локтоны Дарья, Клавди да Дуня.

КЛАВДИ. Ой, мый керсьö, ой, мый керсьö! Олöмыс кумыльгаён мөдöдчис!

ДАРЬЯ. Клавди, тэ олöмсö ов, а эн öтторъя каньгы!

ДУНЯ. Клавдилы быдтор нелючки!.. Дарья, тарыт войпукад чукöртчылам?

ДАРЬЯ. Чукöртчылам коркö, Дуня! Сöмын öнi пеша дорын чöрсөн швыркйöдлöмнад менам сьöлөмй мыйлакö оз бурмы.

ДУНЯ. А мый сесся нывъяслы вöчнысö? Öтчукöрнад жö гажтö пычкыштан, нориника лывкйöдлыштан-сьылыштан.

КЛАВДИ. Унджык зон мед эськö волiс.

ДАРЬЯ. Кодлы мый колö!

КЛАВДИ. Тэныд, кöнкö, оз!.. Али бара карыд дум вылад уси? Сэни тай абу жö вый пиын уялöмыд, а прöстö слугаалöмыд.

ДАРЬЯ. Мед. Менö Кронштадтын врач гозья эз увтыртны. Грамотаö велöдисны... Питирын вöлины пöдругаяс, фабрикаын уджалысьяс. Вöлöма да кольöма!

Локтö Елис Вась.

ВАСИЛЕЙ. Оланныд, нывьяс!

КЛАВДИ. Елис Вась локтiс!.. Зон. Окма, öнiя зоньясыд зарни мешöкьяс! Юмов вомъяс!

ВАСИЛЕЙ. Мый бырган, Клавди?

КЛАВДИ. Тэ пыдди. Тэнад öд вомад пыр ва кынöма.

ДУНЯ. Вöралысьясид абу кыввораöс.

ВАСИЛЕЙ. Куим во нин, Дуня, пармаö эг петав. Гажöй быри.

КЛАВДИ. Пармаысь быри, а эз нывьясысь? Тшапитчан? Öнiя зонмыдлы нелямын öдзöс вöсьса. Лёка этшаöнöсь. Вöли менам мусук, уси война вылын. Сьöд синваён бöрдi... А Елис Вась воис дзоньвидза.

ВАСИЛЕЙ. Окоп стеньяссö ме эг жö этша ниртлы.

КЛАВДИ. А мыйла тэ аскöдыд вайöмдыд пищаль? Винтовка пö. Гöтыр пыдди?

ВАСИЛЕЙ. Гашкö и тэнö на ковмас дорйыны.

КЛАВДИ. Менö? Мун сэтсысь!

ДУНЯ. Дарья, Елис Вась Ненила Наталлялы быдса телега конда пес кыскöма. Ме öнтай пöчöс гортас кольбöдi. А Василей кильчö помас сылы пес тэчö. Наталлялы кутшöм нимкодъ лои!

ДАРЬЯ. Збыль, Василей?

ВАСИЛЕЙ. Ыджыд и ваантор. Наталлялөн Гришаыс Гöрд Армияö кольччöма. Пöчсö сылысь пестöг он коль... Дарья, ме эськö тэ дiнö волi да.

ДАРЬЯ. Гажыд быри?

ВАСИЛЕЙ. Эн серав, Дарья!

ДУНЯ. Нывлөн серамыд — зонлы козин.

Дарья мөдöдчö.

КЛАВДИ. Дарья, зон тэ дiнö локтiс, а тэ пышьян!

ДАРЬЯ. Комитетö колö нуны нянь гижöдъяс.

КЛАВДИ (*босьтö сойбордйöдыс*). Елис Вась, эн шогсы. Тэнö ме колльöда. Öнi тiянлы нывьясыд пожтыр! (*Мунöны*.)

Локтö Парась, пыралö керкаас, петö коса пуртөн, керка сайсыс босьтö кыз пу чурка, юкалö сартас.

Локтö Семö Микайлö: косиник, ичöт гöгрöс тошка, пасьталöма важ киссьöм дукöс.

ПАРАСЬ. Батьö, мый тэкöд лои? Татшöм лёк паськöма!

МИКАЙЛÖ. Оз-ö жалныс пет... Мыйла сартассö юкалан?

ПАРАСЬ. Рыгнас Дарья дiнö войпукны пöдругаясыс локтасны. Уна ковмас.

МИКАЙЛÖ. Тi войпукöй, а бать амбарсыд мед нянь гижалöны.

ПАРАСЬ. Чöв, батьö. Оз жö öд.

МИКАЙЛÖ. Гижисны гачтöмьясыд. Дарья тшöтш вöли.

ПАРАСЬ. Дивö тай висьгалан!

МИКАЙЛÖ. Сарайын турун пиын вöлыштiс, да аддзисны жö. Парась, тэ Педöр Миколлы висьтав: сарайö няньсö тi ассьыныд пуктiнныд.

ПАРАСЬ. Мыйла?

МИКАЙЛÖ. Сэки сiйö няньсö ме вылö оз гижны.

ПАРАСЬ. Оз öд, батьö, меным эскыны.

МИКАЙЛО. Мыйла оз? Ти — менам нывъяс. Ас орданыд быттьо некөн видзнысö. Колі эськö, мед Дарьяйд тшöтш шуис. Тэ тшöкты Дарьяйдлы.

ПАРАСЬ. Сёрнитла, батьö.

МИКАЙЛО. Эн нюжöдчы!.. Дарья батьсö оз öмöй дорйы? (Мунö.)

Парась моздорас босьтö юкалöм сартассö, пырö гортас. Локтö Д а р ь я, кöйсö пырны керкаас. Паныд петö Парась.

ДАРЬЯ. Парасковья, кытчö мöдін?

ПАРАСЬ. Педör Миколай дінö муна. Дарья, мый тэ вывтiасян? Босьтан да батылысь нянь гижан! Эз кö вöв батыд, кызди эськö олим! Век нин уджавнытö чукöстлö. Сійö он мöвпышт?

ДАРЬЯ. Чойö, оз öмöй ков мöдәрöсö мöвпыштны?

ПАРАСЬ. Чöv, Дарья! Батыд век бать! (Мунö.)

ДАРЬЯ. Да, бать!

Кост.

Локтö Онтон Иван. Сійö шынеля, красноармейскöй значока картуза, кокас обмоткиа ботинки. Шуйга кыяс раненöй, öшалö бинтысь волыс вылын.

ИВАН. Олан-вылан, Дарья! Кык лун на воёмлы, а тэ йылысь кывлі. Кöсья ачым тöдмасыны. Тэ со кутшöм вöлöмыд! Катьö Дарья! Дарья Кочанова!

ДАРЬЯ. Да, татшöм!

ИВАН. Эг чайтлы!

ДАРЬЯ. А тэ кутшöмön чайтін?

ИВАН (серамön). Вескыда кö шуны, ог и куж висьтавынысö.

ДАРЬЯ. Видзöдчан менö серамыв лэптыны?

ИВАН. Тэ ногön, меным бöрдны колö?

ДАРЬЯ. А тэ мый кöсьян Керчомьяын вöчны?

ИВАН. Допрос? А, тыдалö, тэ ассьыд донсö тöдан!

Дарья пырö гортас. Сайын гудök шы. Иван мунö. Гудöкасыгтырiн локтö Ольга Сергей, гимназист паськöма, матысмö Дарья öшинь улö. Петö Дарья.

ДАРЬЯ. Ольга Сергей, лун шөр лунö гудöкасян? Лöсьыд олöм!

СЕРГЕЙ. А мый меным вöчнысö? Гажтöм, Дарья, Керчомьяын...

Дарья, мыйла тэ öни ныв-зон чукöрö он волевлы?

ДАРЬЯ. Ме, колöкö, пыр ныв-зон дiнын.

СЕРГЕЙ. Ог аддзывлы. А петавлан кö, меным эськö тшöтш долыдджык вöли.

ДАРЬЯ. Тэныд, Сергей, метöг гажöдчаныд сюрö.

СЕРГЕЙ. Оз сюр, Дарья. Сійö öд и эм,— оз сюр!

ДАРЬЯ. Тэ — шуда морт. Велöдчан. Регыд гимназияд бара муна.

СЕРГЕЙ. Ме таво ог мöд.

ДАРЬЯ. Велöдчыны он мун!

СЕРГЕЙ. Öни гимназияын некутшöм велöдчöм абу. Öтторья митингуйтöны. А меным веськодь... Ме зонмавы кöсья! А кодкöд? Тани нывъясыд вывти наивнöйöсь, прöстось. Сöмын ышлолалöны. Нинöм накöд сёрнитны. Зонъясыд грубöсь... А вот тэ, Дарья!.. Тэ уналысь сьöлөмсö верман вöрзöдны.

ДАРЬЯ. Со ещö кутшöмön менам вöвсьöма!

СЕРГЕЙ. Дарья, вай матöджык тöдмасям. Оз öмöй гажаджык ло тэныд и меным? Збыль öд, зэв гажтöм тани. (Кост. Пуктö кисö пельпом вылас.) Дарья, тэ меным сьöлөм вылö воан!

Локтö К л а в д и.

КЛАВДИ. Ой, мый ме аддза! Мый аддза! Ольга Сергей Дарьякöд кутчысьлö! Сергей, он-ö нин корась?

СЕРГЕЙ. Тэ ногön, Клавди, мед Дарья нэмыс идзас вольпась вылын тупляиси?.. Дарья, мöвпыштлы, мый ме тэныд шуи. (Гудöкасыгтырiи мунö.)

КЛАВДИ. Дарья, кутшöм нимкодь, кор зонмыд кутлö! Аддзи да, менам сьöлөмöй коклябөрö тюрөвтiс... Мый нö тэныд тшöктiс мөвпыштны?.. Ольга Сергей сэтшöм озыр жöник! Красуйтчан!.. Любö? Кодлы нö абу любö, зон кö чуктö!

Öдйö локтö Семö Ольга, кнас карнан.

ОЛЬГА (Дарьялы). Кирит менсьым няньöс пеж гижöдсьыд! Öни жö, пырысьтöм-пыр кирит. Карнанöс чегъяла!

Клавди повзё, чепёсйö кильчö вылас.  
Ольга кёсйö кучкыны Дарьяёс. Дарья пе-  
совтö Ольга кныс карнансö, шыбитö.

ОЛЬГА. Йöз амбаръястй шувъя-  
лан! Абу и яндзимыд!

ДАРЬЯ. Тэысь?!

ОЛЬГА. Он на öтчыд ме ордö...  
Кынöмыд... Ме тэнö... Плисöвöй жа-  
кет кышалöма, кöса нюжöдöма, веж-  
нясьö-ветлö!.. Кык кöбыла оланнуд,  
дышныдла керка вевтнуд пож кодь.  
Юр выланыд зэрö. Йöз эмбур вылö  
горшасян!

КЛАВДИ. Ольга тьötка...

ОЛЬГА. Мый Ольга тьötка! Он-ö  
нин видзöдчы дорйыны?.. Бать ни  
мам. Енмысь чöвтчöма. Повны не-  
кодысь! Валяй!

КЛАВДИ. Ольга тьötка, тэ  
Дарьяёс весь вöйпан да карнанöн  
усласян. Аслад моньпу вылö.

ОЛЬГА. Мы-ый?!

КЛАВДИ. Öнй на со Сергейыд...  
Синмöс абу пöртöма, ставсö аддзы-  
лй. Сергейыд шуис: гөн перина вы-  
лын да аслам кй вылын пö узьтöд-  
ла. Абу ме пельташ, кывлй.

ОЛЬГА. Ме... йзöс грабитысьсöс...  
чуркаöс... корысьсöс!..

ДАРЬЯ. А вот босьта дай пета пи  
саяд. Вот олöмыд воссяс!

Кост.

Öдйö локтö Педöр Миколай.

МИКОЛАЙ. Дарья!.. Но, тэ Семö  
Ольгакöд лелькуйтчан?

КЛАВДИ. Дарьяёс коралö.

ОЛЬГА (*Клавдилы*). Ланьтан он!

МИКОЛАЙ. Петкöдла ме тэныд  
сэтшöм корасьöм! Енэжö ёмаöн ка-  
чан!

КЛАВДИ. Мый ме вылö воан-  
ныд! Оз öд менö коравны. Öтка да  
гöль нылыд век мыжа.

МИКОЛАЙ. Тэ, невестапу, муп  
комитетö. Писаркöд арталöй, мыйта  
нянь кулакъяслөн лишалö.

Дарья мунö, сы бöрысь Клавди.

ОЛЬГА. Миколай, дитяöй, мыйла  
миянылсь няньнымöс гижин?

МИКОЛАЙ. Тй тшыгылысьяслы  
бурөн онö сетöй. Ми мырдён бось-  
там! Тй Сöветскöй властьлы.. Мый-  
ла тэ рудзöгтö карта вылад куйöд  
улö да сараяд турун пйö дзёбöмыд?  
Вывтй матö!

ОЛЬГА. Эз-ö ков тэнсьыд юавны,  
кытчö колö меститны!

МИКОЛАЙ. Колй Миня Öндрей  
моз му пйö гуавны. Öдйöджык сйсь-  
мис!

Локтöны Семö Микайлö да Парась.

МИКАЙЛÖ. Парась, висьтав!

ПАРАСЬ (*мöмъялöмөн*). Мико-  
лай... сараяс...

МИКОЛАЙ. Мый?

ПАРАСЬ. Ми Дарьякöд няньсöс...  
батьö ордö...

МИКОЛАЙ. Со ещö мый кöсьян-  
ныд!

ОЛЬГА. Кутшöм тэныд бать! Ба-  
тьён шуысь, родöгöсь бöж!

МИКАЙЛÖ. Ольга!

ОЛЬГА. Мый Ольга? Он-ö тшöк-  
ты чöв овны? Няныс менам!

МИКОЛАЙ. Öти пунт нянь он  
лысьт вöрзёдны! Сййö öнй гöльяс  
комитетлөн учёт вылын.

ОЛЬГА. Бласлö крестос, мый  
шуис!

МИКОЛАЙ. Спекулянтавнытö  
пом!

МИКАЙЛÖ. Эн на кöдзлы!

МИКОЛАЙ. Ми тйян вылö ещö  
контрибуция пуктам. Овмöстö рек-  
ви... рекви... овмöстö босьтам!

МИКАЙЛÖ. Кутшöм закон сер-  
ти?

МИКОЛАЙ. Революция нимөн!

ОЛЬГА. Некутшöм нянь, ни öти  
тусь некодлы ог сет! Вода амбар  
öдзöс вомөн, коскöдз кушöдча,  
чужьясьны кута!

МИКОЛАЙ. Тэ со кызди! А ме  
ключьястö ас ордö босьта. Амбарья-  
с дорад стража сувтöда! (*Мöдöд-  
чö.*)

ОЛЬГА (*потшалö.*) Ог лэдз!.. Ог  
лэдз!..

МИКОЛАЙ. Вешйы сэтысь!

Миколай мунö, сы бöрысь Ольга, горзёмөн:  
«Бур йзöй, грабитöны!»  
Парась шййöвошöмөн сулыштö, кёсйö пыр-  
ны керкаас. Семö Микайлö тойыштö Пара-  
сьсöс. Парась усьö.

ПАРАСЬ. Батьö, мыйысь?!

Микайлö чужйö Парасьсöс, мунö. Парась  
чеччö, бёрддзö.

Занавес.

## Мөд картина

Сийо жө сцена. Коли төлысь кымын. Сёр ар. Кызд пуяслөн корьясыс усьомабсь. Локтө Дарья, уджалан паськома. Чера. Мулдыштөма. Пуксь, перйө зеркало тор, видзөдчө-мичмөдчө.  
Локтө Коля.

КОЛЯ. Ак, мый вөчан?.. (Дарья дрөгмунө, сэсса серөктө.) Видзөдчан, мед мичаджык лоин?

ДАРЬЯ. Корсюрө юрсиястө колө лөсьөдыштны.

КОЛЯ. Ме некор ог видзөдчыв. Нинөмө. Нолтө, петкөдлы. (Босьтө Дарьялысь зеркало торсө, матыстө дзик чужом бердас.) Ныр тыдалө.

ДАРЬЯ (ылыстө Колялысь кисө).  
Өнi?

КОЛЯ. Ой, тайө нө ме? Некор на ачымөс эг аддзыв. Сө дивө тай! Чужом серөй дзик ичөт чойлөн коды! (Гылыда сералө.)

Дарья сералө жө, босьтө зеркалөсө, ещө видзөдлө асьсө, чышкыштө паськомас, дзебө.

КОЛЯ. Кондатө уна пөрөдин?

ДАРЬЯ. Мыйта кражъяли, ставыс аслам.

КОЛЯ. Черыд, көнкө, ныж? Вайлы ме ордө, зудьяла. Нылыдлөн чер дорышыв озджык артмы, мужичөйяс сертиыв.

ДАРЬЯ. Коля, тэ асьтө мужичөйөн лыддян?

КОЛЯ. Көди нө ме?.. Өнi волi Семө Мишө амбарьяс дорө. Миколай дядь тшөктiс видзөдлыны. Дарья, тэнө Семө Ольга өна и видө. Ок кутшөма! Ме көсий тэнө дорйыштны, да кызди тай ме вылө уськөдчас! (Дарья сералө.) Но, тэныд любө? Ме чайтi, скөрман! Нывьяслөн сьбөйяс, тыдалө, мөдджык мужичөйяс ногөнтө... Ой, колө мунны! Миколай дядь, көнкө, шуасьө нин: көнi пө Марья Кольөыс сы дырасө ветлө? Ме ськөд зэв лөсяла, оз позь дөзмөдны. Тэ локтан жө комитетад?

ДАРЬЯ. Локта, дерт. Мысся да, вежся да.

Коля мунө. Локтөны Марья да некымын ны в ба ба.

ӨТИ БАБА. Пыралим шондiбан контораад да тэ, Дарья, абу сэнi.

ДАРЬЯ. Пес кералышти. А мыйла шондiбан?

ӨТИ БАБА. Кызди сэсса шуан гөляяслысь котыртө. Дарья, мый сиктын вөчсьө?

ДАРЬЯ. Асьныд онө аддзөй?

МӨД БАБА. Аддзам — тшыгъялам!

ДАРЬЯ. А кор ми эгө тшыгъявлөй?

МАРЬЯ. Татшөмөдзсө некор на эгө волөй. Челядь эмөсь. Посни челядь! Найө оз төдны, оз гөгөрвоны, мыйла лөө тшыгъявны. Налы колө сөйны, колө сөвмыны-быдмыны.

МӨД БАБА. Видзөдан, кызди луннысь-лун быгалөны, сылөны, гөлөсныс вишкө,— мам сьөлөмыд вирөн ойдө!

КОЙМӨД БАБА. Вунөдны нин кутим, кызди няньсө көтлөны. Идзас да кач вылад дыр он ов.

ДАРЬЯ. Төда, дона бабаяс!

КОЙМӨД БАБА. Дарья, тi озырьяслысь няньысө гижалинныд, асуланыд босьтинныд. Энө кө скөрмөдөй, гашкө, важ моз удж выланыс корлисны.

МӨД БАБА. Өнi матө он сибав на динө, сөйбөмөн сөясны.

ДАРЬЯ. Озырьяс ки пыр видзөдчөмөн, бабаяс, олөм кузя чатөра юрөн он мун!

МӨД БАБА. Чатөртан! Со Павел Өльөксанкөд мый вөчисны. Көди миян исполкомад писарын вөли. Ыджыв сьөлөма морт. Вөлөма... Энлы-энлы... Ог куж шунысө. Коммунистысь вылынджык.

ДАРЬЯ. Өльөксан Павлович гөгөрвоө вөли олөмтө.

МАРЬЯ. Жаль Өльөксан Павлович. Ловья кө вөли, колөкө...

МӨД БАБА. А вот мужикьясыд эз повзыны. Мыйтаөн пырөны коммунистад. Сөмын мыйлакө сэтчө оз быд вөйысьысьсөс босьтны?

ӨТИ БАБА. Менам выжывыс пырис жө. Ме видча, мися, тшыгъялам нин, а тэ кытчөкө суйсян. Да шу көть эн сылы.

МӨД БАБА. Дарья, кывсьө, мукөд сиктясын озырьяслысь няньсө тшыгъялысьясы сөталөны. А тi мый көсьянныд вөчны?

МАРЬЯ. Дарья, кор сөталанныд?

ДАРЬЯ. Председательлысь колё юавны.

МОД БАБА. Педөр Миколай крут морт. Бабаясыдкөд оз зэв сёрнит.

КОЙМОД БАБА. Аслас челядыслөн кыд сора няньсыд кынёмныс дундёма. Ириньыс пойтлө, бөрдө, а сылы ставыс веськодь. Съод войнас пö сөмын гортас петкөдчылас.

ДАРЬЯ. Педөр Миколайлы öнi уджыд тырмө.

КОЙМОД БАБА. Дорйы!.. Ставныд öткөдбөсь! Тэ он жö водзмöстчы, батыд уна няньнад жаль.

Дарья падмө. Кост.

МОД БАБА. Ойя жö да ойя! Мунамöй, бабаяс! Тыдалö, нинём оз пусы.

Бабаяс мунöны. Дарья пырö гортас. Локтöны Клавди да Ненила Наталья.

НАТАЛЬЯ. Локта Катё Дарьяöс видны.

КЛАВДИ. Мыйысь, Наталля пöч?

НАТАЛЬЯ. Пыралi Семö Ольга ордö, мися, Ольга, бобöй, ломтышт пывсянтö, шоныдинас ме тэныд шабдiтö зуала, тэ менö сы пыдди... Семö Ольга пондiс увгыны, ёрччыны... Вөлөмкö, Катё Дарья мыжа.

КЛАВДИ. Тэ он тöд, мыйысь Семö Ольга Дарьяöс увтö.

НАТАЛЬЯ. Тэ уна тöдан! Локпыралам непрака дiнö.

КЛАВДИ. Ме бара ог. Ог, ог. Ог пыр! Ме видчöмястö ог радейт. *(Пырö ас ордас.)*

Наталья пырö Дарья ордö. Недыр мысти петö Клавди, кöйсö пырны Дарья ордö, но шеныштö кинас, мунö. Петöны Дарья *(öнi сийö плицöвöй жакег-каа)* да Наталья.

НАТАЛЬЯ. Дзирнясян пöв вылö сувтöмыд! Став сиктö гудыртан! Бур йöзöс кедзовтан!

ДАРЬЯ. Наталля тьöтка, мый ме лёксö вöчи?

НАТАЛЬЯ. Озырьясöс кöсян топöдны! Гöгыйд оро! Озырьястö он на вен. Озырыд век озыр вöлi, озырөн кольö. Му пуксьöмсяныс сiдзи мунлёма. Озырыд ваö шомтö вöйтас, а изтö веркöсас кыпöдас. Озы-

рыдлөн вомас и пиньыс кучика! А тэ...

ДАРЬЯ. Наталля тьöтка!..

НАТАЛЬЯ. Ланьт! Вунöдчин, мый тэ чурка! Вöльнöй светсö позоритан. Батыд, и сийö тэнö ас дiнас эз сибöд, видзö киссьöм керкаын. Непрака! Öнi жö мун да кор прöща Семö Ольгалысь! Тэ вöсна менö оз уджöд, оз вердышт. *(Мунö.)*

ДАРЬЯ *(öтнасөн)*. Чурка!.. Лöсьöдёмаöсь увгыртана ним... Мед! Мед ме чурка! Мед! *(Мунö.)*

Локтöны Педөр Миколай да Коля.

МИКОЛАЙ. Дарья, тыдалö, абу гортас. Аддзёма пес заптан кад!

КОЛЯ. Воис нин, Миколай дядь. Комитетад мöдö вöлi.

МИКОЛАЙ. Асывсянныс колö вöлi сийö меным.

КОЛЯ. Миколай дядь, тэ меным комитетад ыджыдджык удж сет. Гижыштнытö кужа жö, вöбн-джыниён школаö эштылi ветлыны. Ме мамököд гöльяс пиысь жö. Батёй ни, вöлöй ни — абу. Батё уси германскöй война вылын, а вöвным... Мамö шуб: миян пö, Кольö, вöвным нэмыс бöжтöм.

МИКОЛАЙ. Тэ, Марья Кольö, ичöt на.

КОЛЯ. Мый тэ, Миколай дядь! Кутшöм ичöt? Мамөлөн кöзяин!

МИКОЛАЙ. Мун, мамыдлы тшöкты, мед Семö Мишö амбар дорын олыштас. Лунъягыдтö поэьö и бабалы сулавны. Ме пола, мед кулак гозья амбарсö тшын йылö эз лэптыны.

КОЛЯ. Миколай дядь, амбар дорас, мамö пыдди, ме сулала. Ок ме найöс, озырьястö!

МИКОЛАЙ. Вöч, мый тшöктöны! Ысты мамтö, а сэсся котöртлы Пиля Митрей ордö, мед волас гöльяслөн комитетö.

КОЛЯ. Пиля Митрейöдз куим верст лöö. Сы ыллаö котöртнытö ог вермы.

МИКОЛАЙ. Мудерлуныд! Мед ме вöв сета. Босьтлы. Комитет бердын потшöсö домалёма.

КОЛЯ. Верзёмнад, Миколай дядь, колökö, Кулөмдинöдз сяркнитла! Дарьяс кö аддза, ыста тэ дiнö. Со сийö ачыс локтö. *(Мунö.)*

МИКОЛАЙ. Дарья, кöни тэ вет-  
лöдлан?

ДАРЬЯ. Тэно корся... Миколай,  
няньтö колö заводитны сетапны.  
Уна челядя сёмьяслы сёйнысö ни-  
ном.

МИКОЛАЙ. Тэтöг ме ог тöд?

ДАРЬЯ. Кач вылö нин воöмаоёс.

МИКОЛАЙ. Миян Керчомьяын  
ötкаяс на кач няньнад гырк пытш-  
кöснысö кырлöдлöны. А со Висер  
вожын да Эжва катыдын ни öти  
нбыв пу культöгыс абу кольöма.

ДАРЬЯ. Тэ кöсьян, мед миянын  
гöль йöз сы выйöдз жö воисны?

МИКОЛАЙ. Коді шуö? Ме  
контра али мый?.. Уездсян абу на  
индöдыс, кутшöм вöлöстьяслы нянь-  
сö вичмöдны. Öни карын абу нин ку-  
лакöс нюлысь эсерьяс, а властыс  
миян, большевикьяс киян. Вермас-  
ны шуны: тэрмасяныд, другьяс. Оз  
тэныд шуны, а меным!.. Асланым  
тшыгьялысьяслы сетапны лун-мöд  
ещö виччысьлам.

ДАРЬЯ. Колö йöзыслы висьтап-  
ны, мед лöнясны.

МИКОЛАЙ. Водзвыв висьталан,  
бабаяс матö воштасны. Эн лысьт  
некодлы нинöм шуны! Ті, бабаяс...

ДАРЬЯ. Мый?

МИКОЛАЙ. Вот и мый! Бытьö  
он тöд бабаясöс нор сёлöмьяснас.

ДАРЬЯ. Мамьясыд, кор челядь-  
ныс...

МИКОЛАЙ. Мый тэ меным мамь-  
яс йылысь висьталан! Ачым ог  
аддзы?

Локтöны Онтон Иван да Елис Вась.

ИВАН. Чолöм, другьяс! Варови-  
танныд?

МИКОЛАЙ. Сёрнийд тай эм. Со  
Дарьялы агитация лоö вöчны.

ИВАН. Мый кузя?

МИКОЛАЙ. Ачyd тöдан, мый  
йылысь öни сёрниыс сиктын.

ИВАН. Председатель ёрт, Елис  
Вась кöсйö петны пармаö вöравны.  
Лэдзам огöй?

МИКОЛАЙ. А военной делöö  
коді кутас велöдчыны? Контраяс  
кымынлаын юрсö кыпöдисны.

ВАСИЛЕЙ. Ме сйö школаас би-  
пиын кум во чöж вöлі. Эг этша

сэни винтовкаон да пулемётон вö-  
дитчыв.

МИКОЛАЙ. Ме бытьö войнасö  
паччөр сэрöгын колльöді.

ИВАН. А ковман кö, Василей?

ВАСИЛЕЙ. Марья Коля чöс туй-  
ясöс тöдö. Лызьöн öдийö тövзылас.

МИКОЛАЙ. Винтовкатö аскöдыд  
эн ну.

ВАСИЛЕЙ. Ог. Ячейкаö коля.

ИВАН. Лоö кольны. Лёка этша  
сйö миян.

МИКОЛАЙ. Ладнö кöть ме путь-  
мылі жö аскöд öтиöс вайны.

ДАРЬЯ. Иван Антонович, меным  
тшöтш колö...

МИКОЛАЙ. Винтовкаö кутчысь-  
ны?

ДАРЬЯ. Он тöд, ковмас, Мико-  
лай!

МИКОЛАЙ. Чöv, Дарья! Серам-  
выв лэптасны: со пö керчомсаяс са-  
рапан бöж улö дзесьöны. Бабаяс  
вылö кö воан...

ДАРЬЯ. Миколай, мый ещö тэныд  
месян колö?

МИКОЛАЙ. Меным!.. А мыйла  
меным? Виччысян, мед ме тэно  
ошка?.. Парасьыд видзöдчö дорйы-  
ны Семö Мишöös. А сйö тэнад чой.  
А ачyd тэ он-ö нырйысь Семö Оль-  
гакöд кык вевсьöн рöдняасыны?

ДАРЬЯ. Николай Фёдорович!

МИКОЛАЙ. Вичалан? Сидзкö,  
скöралан? Петкöдла ме тэныд сө-  
тшöм верöс сайö уськöдчöм!

ДАРЬЯ. Иван Антонович!

ВАСИЛЕЙ. Тадзи шуан Дарья-  
лы! Кутшöм тэ коммунист!

Дарья нормö, видзöдлö Елис Вась вылö,  
бöрдзö, пырö керкаас.

МИКОЛАЙ. Дорйысьыс петіс!

Елис Вась скöрмöмön муно.

ИВАН. Миколай, оз ков тадзи  
Дарьякöд. Нылыд быдтор ас сёл-  
лöм бердас матö босьтö.

МИКОЛАЙ. Синваыд налön до-  
рын. А меным кутшöм?

ИВАН. Дарья комбедын уджалö.

МИКОЛАЙ. Быть уджав, кöсйö  
кö лоны мортöн. Гöль йöз пövстад  
грамотнöйясыд оз туплясьны. А  
ныв — ныв и эм. Том нывлön мыв-  
кыдыд — йиавтöм кольта. Он и тöд-  
лы...

ИВАН. Тэ Дарьялы он эскы?

МИКОЛАЙ. Ме ачым аслым унаысь ог эскы. Сідзи олөмыс да сывлытөм кын кокъясьöй велөдісны... Ме пузовта ставнысьö, коді лысытас миянлы туй вомөнөн сувтны! (*Перйö табак көшөл, гартö чигарка.*)

ИВАН. Такөд өттшөтш, Николай Фёдорович, колө йөзлы эскыны.

МИКОЛАЙ. Книга серти кө, гашкө. (*Биваён перйö би, өзтö чигаркасö.*)

ИВАН. Кутшөм чөскыдтөм тшын дукус. Мый куритан?

МИКОЛАЙ. Кушман кор.

ИВАН (*сетö табак көшөл.*) На, менсым гартышт. Макорка. Дунаевскöй на.

МИКОЛАЙ (*босьтö, гартö*). Тэнад и бумагаыс вöсни, трубичаён гартöма. А ме гөтырлысь свертксысь вочасбн гусявля.

ИВАН. Колө кык пельö кульны. Дуллышт, кокниа кульсьö.

МИКОЛАЙ (*биваён перйö би, но оз шед*). Сьököчамачыд, тшакас оз кутчысь. (*Иван өзтö зажигалкаөн.*) Тэнад и зажигалка эм? Тыр морт вөлөмыд. (*Кыскö чигаркасö, тиökмунö.*) Вот тайö мөрччö! Веськыда райö волан.

Локтö Сергей.

СЕРГЕЙ. Здравствуйте, начальство!

Миколай лөгөн видзөдлө Сергей вылө, мунö.

СЕРГЕЙ. Здравствуйте, Иван Антонович!

ИВАН. Чолөм, Сергей...

СЕРГЕЙ. Степанович... Да менö некод оз вичав. Тыдалö, сьöдз эг на быдмы. А Педөр Миколай мекөд оз сёрнит. Мый керан, мужиклөн культураыс оз судзсы. (*Петö Дарья.*) Чолөм, Дарья!

Дарья мунö.

СЕРГЕЙ. Вот, колökö, тэныд и на!.. Иван Антонович, мый Дарья Педөр Миколкөд комитетас сёр вöйдз пукалöны? Абу кө гусятор. Кутшөм налөн — том нывлөн да верстыö мужиклөн öтувья интересыс?

ИВАН. Дарья Педөр Миколайöс велөдö грамотаö.

СЕРГЕЙ. Романтика!

ИВАН. Кодлы кызди!

СЕРГЕЙ. Иван Антонович, ме аскежын мөвпавла: мый эськө ме öнйа кадö сямма вöчныс?

ИВАН. А кызди тэ ногөн?

СЕРГЕЙ. Ме тэнсьыд юала.

ИВАН. Уджыд сюрö. Медтыкө вöлі көсийөмыд... Социалистическöй революциялы отсасыны! Мыйта тани уджыс! Рабочöй класслы да голь крестьяналы велөдчөм йөзыд кутшөма колöны.

СЕРГЕЙ. Ме эг революция йылысь юав.

ИВАН. А тэныд оз кажитчы?

СЕРГЕЙ. Мыйла оз?.. Иван Антонович, а ті менö эськө сибөданыд?

ИВАН. Ас саяд. Ставыс ас саяд, Сергей Степанович! Сöмын ковмас лоны вылынджык сійö классысь, кытысь тэ петін.

СЕРГЕЙ. Крута босьтанныд. Лөньджыка оз позь лөсьöдчыны?

ИВАН. Кызди лөсьöдчыны? Лөсьöдтөмтор лөсьöдны!.. Классөвöй тыш, нем миритчытөм тыш буржуазиякөд, Сергей Степанович! Тшөтш и сиктса кулаккөд! Вот тадзи, Сергей Степанович! (*Мунö.*)

Локтö Клавди.

КЛАВДИ. Ольга Сергей, Дарьятö кыйялан? Дарья ассыс шудсö чужьялө. Ті öд абу рөднöй чоявока.

СЕРГЕЙ. Кутшөм чоявока! Менам батьöй — Степан, сьлөн — Микайлö, менам мамöй — Ольга, Дарьялөн — Катьö.

КЛАВДИ. Тянлысь көть и мыйсюрö босьтисны, тьянлы коли на. Миян дорысь бура оланныд. Ок, эськө, Сергей, ме кө, Дарья мозыд эг жö нин петитчы. Сьөлөмöй, эськө, ог төд, мый керсис... Нель пельö поті.

СЕРГЕЙ. Тэ, Клавди, дука.

КЛАВДИ. Господьöй-енмöй, мый шуис! Мыйөн төдан? Эн на сибөдчыв да!.. Дука! Шуан жö! Медбөрря кывтö медводз швачкан! Дука! Мощи али мый ме? (*Пырö керкаас.*)

Сергей шутьялө. Локтö Семö Ольга.

ОЛЬГА. Сергей, мый шутьялан, омөлясьс чуксалан? Асланым йö-

рэдз кылö. Бара Катё Дарья динö?  
Миянöс грабитö, а тэ...

СЕРГЕЙ. Мамо, эн сюйсы миян  
костö. Ме ачым тэтöг коркö...

ОЛЬГА. Кор став овмöснымöс  
кыскаласны!

СЕРГЕЙ. Эн тöждысь, мамо,  
миянлы кольö на.

ОЛЬГА. Ме тэ вöсна пола. Мед  
корысьö он во... Нинöм тэнад чурка-  
көд оз артмы. Ог кө ме, олөм төд-  
лысь, тэнö велөд... Сергей, тэ гуляй-  
тигад ныв-зонлы ошйысь.

СЕРГЕЙ. Мый йылысь?

ОЛЬГА. Челядь али мый, он ве-  
жөрт? Ошйысь, мый тэ Дарьякөд  
узылн. Некод тэнö сыысь оз дивит.

СЕРГЕЙ. Мый тэ, мамо! Ме, ин-  
теллигент, культурной ныв йылысь...

ОЛЬГА. Йой! Став нылыс öткө-  
дбöсь. Сы вылö и найöс енмыс лö-  
сьөдöма. А янөдан...

СЕРГЕЙ. Сэки Дарья вылö лө  
гöтрасны.

ОЛЬГА. Юртö поткөдла! Киссьөм  
ротöсаяс зэв нин лэптöны. А янө-  
дөм бöрын сыысь öтдортчасны. Мед-  
ыджыд сюраыс, Педөр Микол, ас  
динсьыс вöтлас. Дарьяыд сэтшöма  
яналöмысла сиктысь пышъяс, либö  
асьö решитас. Оз-ö сэки эновтчыны  
миянöс топöдöмысь.

СЕРГЕЙ. Мамо, чайтан, тэ сюсь,  
а найö бöббсь!

ОЛЬГА. Вöч, кызди мамыд тшöк-  
тö! Садь юрөн вытыд оз судзсы,  
стөкан-мөд самöкур ю. Ярлуныд сө  
пöв содö. Дарьятö öти здукөн  
пöрьялан — зэв кө нин тэныд колö!..  
Дитяй, ло батыд кодьон!.. Шонъя-  
ной Степаной, төдмаси тэкөд да  
первой рытнас жö ме тэнад лои.  
(Сергей мунö.) Кодзөм телегент!  
(Мунö.)

Петö К л а в д и. Көсйö мунны. Сцена сайын  
кыптö шум. Клавди повзбөмөн ойöстö, öдйö  
пырö керкаас.

Шумөн локтöны Марья да Ольга, на  
бöрысь Ду ня, Сем ö М и к а й л ö, ныв-  
бабаяс, кык-куим мужичöй.

Марьялөн паськөмыс косясьбөма, чышъяныс  
дзугсьбөма, чужөм бокуыс вирöсь. Ольгалөн  
киас пес плака.

ОЛЬГА. Велöда ме тэнö амбар  
дорын шувъявны!

МАРЬЯ. Меным Педөр Миколай  
тшöктис.

ОЛЬГА. Камунистлысь кывзан!

Öдйö локтö Д а р ь я.

ДАРЬЯ. Мый лои? Бабаяс!

ОЛЬГА. Нянь ковмöма! (Уськөд-  
чö пес плакаөн Марья вылö.) Юр-  
тö...

Дарья пырö костаныс. Ольга лөгөн видзөдö  
Дарья вылö. Йöз пöвстын ызгөм:

— Киөн нин пондöны!

— Та вылö Советской властыс,  
мед гöлясьöс нойтны!

— Асьсö колö зуавны!

Ольга аддзö йöзлысь шызьбөмсö, шыбигö  
пес плакасö, көсйö мунны.

ДАРЬЯ (потшалö). Кытчö  
пышъян!

ÖТИ МУЖИК (кватитö Ольгаöс).  
Тырмас миянöс топöдны!

ОЛЬГА (бöрынтьчö). Бласлö  
крстос!

МИКАЙЛÖ (уськөдчö мужик вы-  
лö). Эн лысьт!

Бабаяс кытшалöны Михайлöс.

ДУНЯ. А гөтырыд лысьтö! (Не-  
тывиштö Ольга юрысь чышъянсö,  
шыбитö.)

ОЛЬГА (воö Ду ня вылö). Тэ!..  
Родбөгсь бөж!

ДУНЯ (тойвиштö Ольгаöс). Ме тэ-  
ныд абу Марья!

ДАРЬЯ. Нуамöй гöляслөн коми-  
тетö!

ОЛЬГА (лэптö чышъянсö). Пеж  
позьяд менö сөмын водзö кокөн  
нуанныд!

ДАРЬЯ. Ачид восьлалан!

ДУНЯ. Мырдөн кыскам! (Босьтö  
сойбордйöдыс Ольгаöс.)

Бабаяс кутчысьбөны Ольга динö. Михайлö  
грөзөн локтö бабаяс динö.

ДАРЬЯ. Батьö, орччөдчы аслад  
кулачкакөд!

МИКАЙЛÖ. Дарья, тэ тадзи...

ДАРЬЯ. Кодлы шуöны!

Кост. Михайлö сувтö Ольга динö.

ОЛЬГА (Микайлöлы). Недöкуны!  
Он вермы öлөдны асьыд чуркатö!  
(Микайлö öдйö мунö.) Мисьтөм чу-  
жөмыд эновтис менö!.. Эновтис!

ДАРЬЯ (Ольгалы). Мун!

МАРЬЯ. Педөр Миколай тэныд  
пуж петкодлас!

Йоз пөвстын:

— Велодасны дорын узьлыны!

— Бур олөмныд вунө!

КЛАВДИ (*тишөкыда кильчө өдзөс  
костодыс кыйкъялис, өні петө кильчө  
вылас, пьидисянь ышловзбө*). Уф!

Занавес.

## МӨД ДЕЙСТВИЕ

### Коймөд картина

Парась керкаын. Сөстөм жыр. Ыджыд сөй пач. Ошинь дорын пызан. Стенъяс пөлөныс лабичьяс. Пачдорса стен бокин залавка. Вевттьома сийөс еджыд пызан дөраөн. Ыргөн самовар сәни, сы бердын сулалө ичөтик зеркалө тор. Некомын тыртөм доз духи улысь. Лөсталан көрөбкаяс. Кымынкө книга, вевттьома сөстөм чышъянөн. Стенас вышивайтөм кык кузчышъян, на шөрын художественной картина. Картинасө да самоварсө кышалөма көчвөнъясөн.

Пызан дорын пукалө Дуня, кыө кепысь.  
Локтө залавка динө.

ДУНЯ. Дарья!

ДАРЬЯ (*петө пач сайысь*). Мый,  
Дуня?

ДУНЯ. Мыйла та мында көчвөнъ-  
сө өшлөмыд?

ДАРЬЯ. Мичаджык.

ДУНЯ. Мый пө и лоө мичаыс?

ДАРЬЯ. Мый синмыдлы кажитчө,  
сийө и мича.

ДУНЯ. Самовартө тшөтш гартө-  
мыд.

ДАРЬЯ. Öнi огө вөдитчөй. Нинө-  
мөн юнысө.

ДУНЯ. Миян мамө тай быд вөс-  
кресенньоө пузөдлө. Пукяс, да  
акйөдлөмөн юө. Щай пыдди — льөм  
кор, а сахарыс — лук. Ме серала,  
а мамө скөрмө. (*Видзөдчө зерка-  
лөө.*) Дарья, ме мича абу?

ДАРЬЯ. Мича, Дуня, мича! (*Кут-  
лө, гажса бергөдлө Дуняөс.*) Зэв  
мича! (*Сералөны.*)

ДУНЯ. Дарья, төнлун меным туй  
вылын паныдасис Онтон Иван. Сув-  
төдiс менө, сөрнитөдө.

ДАРЬЯ. Ме первой адзысьлигөн  
сыкөд неуна пиньбө эг во. А, вөлөм-  
кө...

ДУНЯ. Энлы, Дарья! Ме вөйдөр  
висьтала... Варовитөдө менө. Видзө-  
дө ме вылө. А ме нинөм ог путимы

шуны. Сьбөлөмөй ыркмулө да ырк-  
мулө. Чужөмөй сотчыны пондiс.  
Лои синъясөс увлань лэдзны.

ДАРЬЯ. Ме öнi Иван Антонович-  
көд тшөкыда сөрнитла. Сюсь вежө-  
ра морт. Меным книгагас сетiс,  
тшөктiс лыддыны. Война вылас  
партияө пыралөма.

ДУНЯ. Сийө өд и эм — комму-  
нист. Кысь нин миянлы сэтшөмъяс-  
көд... Сьбөлөмөс каймөстiс, а сәсся  
некор оз зиль аддзөдчывны. Кын  
сьбөлөма, тыдалө... Ставныс найө өт-  
сямаөсь! Со Елис Вась зон жө, а  
мый сыысь!

ДАРЬЯ. Тэ со мый йылысь!

ДУНЯ. Тэ быттьө и он! Быд ныв  
сьбөлөмас кутө кутшөмкө милөйөс,—  
гусьөн-ө, явө-ө.

ДАРЬЯ. Менам некод абу, Дуня!

ДУНЯ. Эн пөръясь. А Ольга Сер-  
гейыд? Сийө тэныд абу вок. Көть  
батыд и...

ДАРЬЯ. Кутшөм вок!

ДУНЯ. Сийө тай и шуа. Клавди  
ошйысь: регыд пө корасясны.

ДАРЬЯ. Тэ и эскан Клавдилы?

ДУНЯ. Мыйла ог? Сергей велөд-  
чөм морт, тэ гижөдтө аддзан жө.  
Сийө миянкөд сөрнитны оз куж,  
тшапитчө, а тэнад сыкөд сөрнитыд  
шөрө, майбыр. Сөмын ог төд, озыр  
саяд лоө-ө тэнад олөмыд?.. Менсым  
сьбөлөмөс Иван вөрзөдiс, мед сийө  
нывлөн дугдывтөг пыдзрасис. Ок  
эськө... Ок эськө, Дарья... Ме эськө  
Иванөс...

ДАРЬЯ (*ышловзбө*). Дерт эсь-  
кө да.

ДУНЯ. Мыйла ме сэтшөм шуд-  
төм? Кодлөн шудыс чукийөн тыр,  
а кодлөн и чунылыс пыдөсын абу.

ДАРЬЯ. Мый пө и лоө шудыс,  
Дуня!

Кутчысыэмөн вель дыр чов олоны.

ДУНЯ. Ме муна сэсса, Дарья.

ДАРЬЯ. Дуня, эн мун.

ДУНЯ. Рытъя идрасян кад. Колө отсыштны мамöлы. Ме регыд бөр локта тэ ордö. Ныв шогöс пальöдны.

ДАРЬЯ. Волы.

Дуня мунö.

Локтöны нывъяс да некымын зон.

ОТИ НЫВ. Дарья, рытйысьны локтам!

ДАРЬЯ. Локтöй, локтöй, пуксялöй! Лабичным тырмас.

МÖД НЫВ. А сэсса мунам ывлаö зонъясöс кутавны.

ОТИ НЫВ (сылö):

Кор нин да бара, кор нин да бара,

Кор нин да бара адзысылам!

Кор нин да бара, кор нин да бара,

Кор нин да бара кутчысылам!

Кор нин да бара, кор нин да бара,

Кор нин да бара окасям!

ЫШЛОЛАЛЫСЬ. Кутшöм нин окасьöм тшыг нисыö пöт олигад!

ОТИ НЫВ. Тэ, Зойö, ёна на эськö шешъялин, Педör Степаныд кө вöлі.

МÖД НЫВ. Том нывъяслы кутшöмкө тшыг. Век тай рушкунымöс мыйöнкö тыртам.

КОИМÖД НЫВ. Öнi оламджык. Рыт и асыв быд сарайын ки изкиөн гургöны. Аттыö сысы Педör Миколайлы.

ЫШЛОЛАЛЫСЬ. Дарьялы тшöтш!

ДАРЬЯ. Менымсö мыйысь?

МÖД НЫВ. Дарья, эн суссысыс миянлы отсасымысь. Тэ и гажöдны на миянöс кужан.

Сайын гудök шы.

Нывъяс пöвстын:

— Ой, гудök!

— Кодi ворсö?

— Петаламöй, кыскамöй татчö!

Кык-куим ныв петалöны, регыд бөр пырöны, накöд Ольга Сергей, гудöка.

ОТИ НЫВ. Сергей, гудöкалышт! Кокъясынымöс веськöдыштам.

Сергей оз ворс. Нывъяс пöвстын:

— Пидзöсчанысьны колö?

— Ворсан кө, мöдысь дзонь рыныш мамыдлы вартам!

ОТИ НЫВ. Дарья, тшöкты. Тэысы полö, тэнсыд кывзас.

ДАРЬЯ. Корöны кө нывъяс, Сергей, мый он ворс!

СЕРГЕЙ. Быд корöм кө могмöдны...

ОТИ НЫВ. Дарьялысь нин он кывзы!.. Нывъяс, мырддымöй гудökсö!

Кымынкö ныв серамөн көсийны мырддыны гудökсö.

СЕРГЕЙ. Дугдöй, нывъяс!

ДАРЬЯ. Сергей, тэныд шуöны: гудökав!

СЕРГЕЙ. Тиянысь он мын!

Сергей гудökалö, нывъяс йöктöны кадриль. Локтö Дуня, пырöмөн тшöтш босытö пара да йөктö жö. Локтö Онтон Иван.

ИВАН. Кöнi ныв-зон, сэнi и гаж!

ОТИ НЫВ. Онтон Иван, сувт мекöд, йөктыштам! (Иван индö ки вылас.) Он öд ки вылад йөкты, а кокъяснад.

ИВАН. А сiдзи и эм, Анна! Дуня, вай мекöд!

ДУНЯ. Мун сэтысь!

Сергей дугдö ворсны, мунö, сайын гудökалö. Нывъяс пöвстын: «Нывъяс, вöччамöй гудök бöрсясы!» Гажа серамөн гузьбöбн ныв-зон муиöны.

ИВАН. Дуня, мыйысь скöрмин?.. Дарья, висытав!

ДАРЬЯ (сералö). Ассысы юав!

ИВАН. Дуня!

ДУНЯ. Ме чайтi... тэ меным... А вöлöмыд...

ИВАН. Мый, Дуня?

ДУНЯ. Кысы нин миянлы тиянлы мусукөн... партийнöйяслы... (Иван чуймылö, сэсса гажаа сералö.) Мый сералан?

ИВАН. Ок тэ, Йигö Дуня!

Дуня нюмунö, збоа окалö Иванöс, серöктö, көсий петны.

ИВАН. Дуня, энлы!

ДУНЯ. Вöтöд! (Мунö.)

ИВАН (сералö). Дарья, ветлам! (Мунö.)

Локтö Семö Михайлö.

МИКАЙЛÖ. Том йöз гажöдчöны. а тэ, Дарья, гортын пукалан?

ДАРЬЯ. Ме ветла жö.

МИКАЙЛÖ. Колö. Том кадö и

гаждчыштны. А верстамман, челядь лосьодан, дугдывтөг пессыны ковмас. Парась абу гортын?

ДАРЬЯ. Ачыл тѳдан, Парасковья луньясын гортын оз овлы.

МИКАЙЛО. Тэ, Дарья, шоча жѳ гортад пукавлан. Талун тай со мыйкѳ-а... Тэ сэтнѳм ныв, олѳм вылѳ он элясь.

ДАРЬЯ. Ки-кокѳй эм на да.

МИКАЙЛО. Сійѳтѳ сідзи, дерт. Быдѳнлѳн эм ки-коkyд. Да сійѳ тай этша на. Быд морт зильѳ корсьны гаж, бур да кокни олѳм. Дай перьяс сійѳс, кужѳмѳн кѳ олас. Олѳмыд чукыля, мукѳд дырйи он сяммы сы кузя восьлавны.

ДАРЬЯ. Мый тэ, батьѳ, олѳм йылысь талун варовмин?

МИКАЙЛО. Аслам нывкѳд нѳ сѳсся и сѳрнитыштны оз позь? Ме чайта, Дарья, тэ сьѳлѳмын мыйкѳ бурсы коли на бать дѳнад... Али тэ менѳ он нин бать туйѳ пукты?

ДАРЬЯ. Ог суссьысь, тэ — менам бать.

МИКАЙЛО. Дарья, Парасьыд норасьліс, тѳян керка вевтныд виялѳ.

ДАРЬЯ. Онѳ оз. Пѳвьясѳн розьясѳ тупкалім. Тѳв пуксис, кос кад, кызкѳ тулысѳдз олам. А сѳки мыйкѳ бара.

МИКАЙЛО. Колѳ выль тьѳсьясѳн вевтгыны. Ог ѳмѳй вермы кызкѳ тѳвбыдѳн лѳсьѳдны. Войдѳр эг вевьявлы, киясѳй эз судзсьывны. А ѳнѳ эштаджык. Ачыл тѳдан, Дарья, мыйла эшта. Батьыдлы лѳѳ аслас нывьяс вѳсна тѳждысьны. Кѳть эськѳ тэ и батьѳ видзѳдчан янѳдны. А мыйла, Дарья?

ДАРЬЯ. Вай, батьѳ, та йылысь огѳ сѳрнитѳй.

МИКАЙЛО. Кыдзи он сѳрнит, Дарья, кор тэ менѳ тѳндзи йѳз вѳдзын...

ДАРЬЯ. А мыйла гѳтырыд лысѳтѳ йѳз вылас усъласьны! Ки улас кѳ сюри чер, и сійѳс эськѳ босьтѳс. Со Ѳльѳксан Павловичкѳд мый вѳчинныд! Большевиккѳд!

МИКАЙЛО. Ми Ѳльѳксан дѳнѳ киясѳс эгѳ лякѳсьтѳй. Тэ, Дарья, Ѳльгаѳс, ичиньтѳ, эн сэтшѳм лѳкѳн лыдды.

ДАРЬЯ. Кутшѳм ичинь, кор ме сы дѳнын эг овлы, эг сѳйлы, эг пась-

тасьлы! А ѳнѳ быдлаын быд ногыс сакѳ мянѳс, кык чѳйѳс. Да меным веськодѳ! Дзик веськодѳ, батьѳ!

МИКАЙЛО. Мед шляпѳдѳчѳ вомнас. Сылѳн сэтшѳм модаыс. Сѳсся, Дарья, мѳдарѳ кѳ шуны, кор ловья вывсьыд кучиктѳ кутасны кульны, сьѳлѳмыд некодлѳн оз лѳпты.

ДАРЬЯ. А тэ эн кульлы?

МИКАЙЛО. Дарья, батьыдлы тадзи он жѳ шу! Ме тѳнѳ ог вид. Ме кѳсья, мед тэ бѳра олѳмѳ эн сетчы. Эскы меным, сьѳлѳмсьян кѳсья, мед тэ вѳлін прамѳй мортѳн.

ДАРЬЯ. А кор ме вѳлі мортнас? Кор, батьѳ!

МИКАЙЛО. Тэ менам сэтшѳм сѳстѳм ныв, авья да зиль. Овны тѳныд колѳ. А тэ босьтѳн да гачтѳма-ьяскѳд йитчин!

ДАРЬЯ. Гачьясѳо налысь тэ новлан!

МИКАЙЛО. Рочад ветлігѳн татшѳм кывьясѳѳ ѳктѳн?.. Дарья, эн ѳтдортчы батьсьыд. Ме тѳныд лѳкѳс ог кѳйы. Бурѳн кора, Дарья! Он ѳвсьы, норасьны кутан. Да сѳр лѳѳ!

ДАРЬЯ. А мый тэ мекѳд вѳчан! Мамѳкѳд моз?

МИКАЙЛО. Мый тэ, нылѳй! Мый ме Катьѳкѳд вѳчи?

ДАРЬЯ (*нормѳ*). Тэ вѳсна ме эг адзыв мамѳлысь небыд кисѳ. Тэ вѳсна ме эг кывлы мамѳлысь мелѳ кывсѳ, эг топѳдчыв мамѳлѳн шоньыд морѳс бердас. Ме эг тѳдлы мамѳс радейтѳмлысь сѳстѳмлунсѳ. Тэ сысь мыжа! Мамѳс тэ виин! Мед гѳтрасьны озыр дѳва вылын.

МИКАЙЛО. Тѳнад мамыд эз вѳв меным гѳтыр.

ДАРЬЯ. Эз вѳв гѳтыр! Он шу гѳтырѳн сы вѳсна, мый энѳ веничайтѳчѳй вичкоын! Лѳсьѳдѳнныд зывѳктана ним «чурка», кодѳс онѳ лыддѳй мортѳн. Мамѳс кувтѳдз нѳйтѳн, а мянѳс, кык чѳйѳс...

МИКАЙЛО. Мыйла мамыд меысь эз лѳдзчысь! Сійѳ меным оз нин ков вѳлі.

ДАРЬЯ (*синваѳн*). Тѳныд кѳ эз ков, мыйла мамѳс мянлы, кык чѳйлы, эн коль!

МИКАЙЛО. Олѳмад скѳрмылан. Морт — морт и эм. Скѳрмѳм йылысь кѳ мамтѳ кучкалі, эг виѳм вылѳ. Ме эг тѳд, мый Катьѳ вѳлѳма

этшом ляб! Менам съёлөмөй меса-  
таын, ас сайын некутшом мыж ог  
кыв. Ог кыв, Дарья! (Мунө.)

Локтө Парась.

ПАРАСЬ. Дарья, мыйла батыө во-  
лис? Зэв зумйшөн мунө. Синватө  
чышкалан? Видис?

ДАРЬЯ. Кутшом сийө баты!  
(Мунө.)

ПАРАСЬ. Мый керан! Кутшом  
эм. (Мунө пач саяс.)

Локтө Семө Ольга.

ОЛЬГА. Некод абу?

ПАРАСЬ (пач сайсянь). Эмось.  
(Петө.) Ичинь усьөма! Пуксы,  
шойчы.

ОЛЬГА. Кытчө и пуксян? Тiян  
улөсныд абу. (Пуксьө лабичас.)  
Парась, өнтай Дарьяд Пиля Мит-  
рейкод волісны мян ордө, став кер-  
канымөс кытшлалісны. Мыйла во-  
лісны? Оз-ө бара мыйкө көсийны  
мырддыны?

ПАРАСЬ. Ог төд, ичинь!

ОЛЬГА. Он өмөй сёрнитлөй?

ПАРАСЬ. Мыйла огө! Ми, кык  
чой, некор огө лөгавлөй.

ОЛЬГА. Кык чой!.. Олом олысь-  
яс! Тiян и кроватныд некөн оз ты-  
дав. Көні и узыланныд?

ПАРАСЬ. Ме кор джоджын, кор  
паччөр вылын.

ОЛЬГА. Тэныдтө шань! А йөзөс  
грабитысьыд?..

ПАРАСЬ. Дарья пач бокин, кык  
скамья орччөдөмөн.

ОЛЬГА. Пыділа дорас, али тала-  
джык дорас? (Видзөдлө өшинь вы-  
лас, сэсянь пачланьө: приметитө.)

ПАРАСЬ. Талаас.

ОЛЬГА. Сідзкө, инө, век пач бо-  
кад узылө?

ПАРАСЬ. Дерт, век. Йөзын тон  
оз узылы. А мыйла юасян?

ОЛЬГА (нормөдчө). Шогөйла.  
Сергей тэныд эз висьтасьлы?

ПАРАСЬ. Эз.

ОЛЬГА. Полө коньөр... Парась,  
Дарьяд менам Сергейсянь сьөктө-  
ма. (Парась чур-чермунө.) Том йөй  
руа зонмөс пөръялөма. Юръяндзим!

ПАРАСЬ. Тайө вывті жө нин,  
ичинь! Быд ногыс кедзовтан да нят-  
төсьтан менсьым Дарьяөс... Ачыд

лөсьөдлан! Татшом ният көлалан  
ныв вылө!

ОЛЬГА. Ме, мам, понда асьым  
пиөс весь позоритны? Чурка вөсна!  
Татшом чойыд ешө на өнджыка  
менө и тэнө конйыштас!.. Ыстылі  
Микайлөос сы дінө. А сийө... Но и  
ныв вөлөма!.. (Кост.) Няныд чөс-  
кыд? Дарөвөйыд!

ПАРАСЬ. Дерт, абу кыдйыд.  
(Пач сайсьыс вайө нянь куд, пуктө  
пызан вылас.) Видлы, ичинь! Небыд  
ид нянь. Талун пөжалі.

Ольга скөрысь шеныштө нянь кудсө джо-  
джас, нянь көрышьяс разалөны.

ПАРАСЬ. Ольга тьөтка, нянь он  
жө джоджө шыбит!

Босьтө кудсө, көсий чукөртны няньсө. Ольга  
нетшыштө кудсө, шыбитө, мунө. Парась  
чукөртө кудйө нянь көрышьяссө. Локтө  
Дарья.

ДАРЬЯ. Парасковья, мый няныд  
джоджын туплясьө?

ПАРАСЬ. Кудйөй мыні. Кын ки-  
ыдлөн. (Босьталө няньсө кудйө.)

Локтө Коля.

КОЛЯ. Дарья, ме тэ дінө бөра-  
водза пыри.

ПАРАСЬ. Кольө, мый тэ Дарья  
бөрся пыр вөтлысян? Кык чойөс ас  
кежын онө кольлөй.

КОЛЯ. Дарья абу тэнад өтнад-  
лөн, а мянлөн ставнымлөн!

ПАРАСЬ. Кока тунс! (Нүө нянь  
кудсө пач саяс.)

КОЛЯ. Дарья, ме өнтай Елис  
Вась ордө пыралі.

ДАРЬЯ. Воөма нин пармасьыс?

КОЛЯ. Иван дядь тшөктөма лок-  
ны. Öти вөралысь сьөрсы велөдө-  
ма. Мөдлаө пө ковмас мунны.  
Дарья, менсьым Василей тэ йылысь  
юасис.

ДАРЬЯ. Мыйла?

КОЛЯ. Ог төд. Эз висьтав меным.  
Уна и прөмыс вайөма. Коперативө  
көсий сетны. Ур куясас ни öти дрөб  
розь абу. Елис Вась кужө öти дрөб-  
өйн урлы синмас инмыны. А тэ  
зськө, Дарья, сідзи витны кужан?

ДАРЬЯ. Ме ог. Көть и лыйсьыны  
велөдчышти.

КОЛЯ. Дарья, ті пө көсьянный  
Семө Мишө керкаын лыддысянн  
вөчны. Меным Миколай дядь вись-

таліс. Тэ Пиля Митрейкөд видлалө-  
мыд. Збыль?

ДАРЬЯ. Збыль, Коля!

ПАРАСЬ (*петö пач сайысь*). Се-  
тас тїяны кодкө ассье керка!  
Дарья, эн сойсьы, кытчө оз ков!  
(*Мунö.*)

КОЛЯ. Ок, лөсьыда и пелькөдам!

ДАРЬЯ. Том йөзлы, дерт, лө  
медуна вын пуктыны.

КОЛЯ. Картинаяс, лозунгьяс  
стеньясас ляскалам, книгаяс чукөр-  
там. Дарья, ме ещө гөрд флаг кор-  
ся. Кутшөм нө лыддысян керка  
гөляслөн, оз кө сәні дөлав гөрд  
знамя!

ДАРЬЯ. Бур эськө, матерьеыс кө  
сюрө.

КОЛЯ. Ме мамөлысь гөрд юбка-  
сө кора, да быгортам... Дарья, Ми-  
колай дядь менө век на ичөтөн лыд-  
дө. Собраннөяс вылын оз лэдз  
сөрнитны. Тэнад пө мамыд эм, мед  
пө сійө висьталас. А менам мамөй  
мый кужас шунысө?

ДАРЬЯ. Тэныд чушө? Тэ детинка  
на и эм да.

КОЛЯ. Тэ сідзи жө шуан! Ме  
чайтї, дорьян. Ме өмөй мыжа, менө  
мамөй сөрөн чужтылөма да. Тэныд  
лөсьыд... Дарья, ме мамөлы тшөк-  
та, мед ветлас поп дінө да чужан  
гижөдын менсьым арлыдөс содта-  
ны. Кык воыд оз и төдчыв. А ме-  
ным лө дас квайт арөс. Верстьö  
зон!

ДАРЬЯ (*ышловзөмөн*). Тэрма-  
сян олөмад?

КОЛЯ. Быть тэрмась! Менам  
быдмигкостї став революцияыс по-  
масьяс. Меным пайыс колө жө. Мый-  
ла нө Ольөксан Павлович на зон-  
поснили кымынысь шуліс: «Тї, том  
йөз, уджалысьлөн пиян, ставөн сув-  
төй гөрд знамя улө!»

Пырөны Парась да Клавди. Парась  
пес тыра моздора, пуктө пессө пач дїнаг.

КОЛЯ. Дарья, ме сәсся муна.  
Парасьыд бара ропкыны пондас.  
(*Сералө.*) Кока туис пө ме! (*Мунö.*)

КЛАВДИ. Дарья, Ольга Сергей  
тэныд поклон ыстїс.

ПАРАСЬ. Мый тэ Дарьялы Сер-  
гей йылысь ызган? Семө Ольга өтар-  
сянь, тэ — мөдарсянь!

КЛАВДИ. Скөрмин, Парась?

Мыйла? Оз меным поклонсө ысты.  
Оз менө көйсы коравны.

ДАРЬЯ. Тэ йөз сьөлөмөн эн ву-  
зась! Эн вузась, Клавди!

КЛАВДИ. Ме тэныд шуд көсья.  
ДАРЬЯ. Потшөс костө сибдөм  
шуд!

КЛАВДИ. Со и угөдит тїяны!

ПАРАСЬ. Мун пет миянысь!

КЛАВДИ. Зэв тай! (*Мунö.*)

Кост. Парась бөрддзө.

ДАРЬЯ. Мый тэ, чойө?

ПАРАСЬ. Ена жө нин гөль нывь-  
яс вылад куражитчөны да тешит-  
чөны.

ДАРЬЯ. Кодї өд куражитчө!

ПАРАСЬ. Со Семө Ольга воліс,  
шуб...

ДАРЬЯ. Мый?

ПАРАСЬ. Нинөм... Сөрө.

ДАРЬЯ. Век гөльөн огө лоөй!  
Муса чойөй, воас кад, гажа гажөн  
гажөдчылам на ми!

ПАРАСЬ. Дарья, ме тэныд лөкөс  
ог көйсы.

ДАРЬЯ. Аддза, муса чойөй.

ПАРАСЬ. Ветла Марья дінө, сы-  
көд өлуртыштам... Онї Марья вось-  
сэдзык чужөма, няньтө сетінныд,  
да челядыс оз тшыгьявны. (*Мунö.*)

Дарья өтнасөн, мыйкө думайтө. Сайын гу-  
дөк шы, нывьяслөн орьясьлана сьөлөм.  
Локтө Елис Вась.

ВАСИЛЕЙ. Позьө пыравны?

ДАРЬЯ. Лок, Василей! Воин пар-  
масьыд? Кутшөма вөралін?

ВАСИЛЕЙ. Кутшөмакө. Ог но-  
рась. Пармаыд оз өтдорт. Пөдруга-  
ястөгьд пукалан? Откөнтө корсюрө  
бурджык овлө... Дарья, ме көсья  
тэнсьыд юавны. Важөн көсья... Да  
ме ог төд.

ДАРЬЯ (*серамөн*). «Ог төдтө»  
мый юасян.

ВАСИЛЕЙ. Дарья, кызкө олө-  
мөй менам тешкодь лоны кутїс.  
Тешкодь, дай ставыс. Войясын воль-  
пась вылын бергала, вида ачымөс,  
а аскөд нинөм вөчны ог вермы. Вөр  
пывсянын, чайтї, ставыс вунө, му-  
дзөм вывсьыд, мися, суркмуна. Он  
на босьт! Коркө эськө и ойбыртла,  
да вөтала тэнө. Садьма, тэ син во-  
дзын. Зїля вөтлыны ас дїнысь. Ни-  
нөм оз артмы. Кымын зїля вөтлы-

ны, сымын ясыджыка тэ сувтан ме водзё. Аслад пельк\*статьяд. Мелі чужёмнад. Небыдик нюмнад. Мыла гөлөснад. Ыджыд сьёлөмнад. Дарья! (Ланьтё.)

ДАРЬЯ. Водзё висътав, Василей... Водзё!

ВАСИЛЕЙ. Тэ кывзан? Эн дёзмы?

ДАРЬЯ. Водзё, водзё, Василей!

ВАСИЛЕЙ. А мыйла меным тэнö ас диньс вöтлынысö! Кор тэтöг менам олöмыс абу... Аддзан кö тувсовья асыа кыа, кодi первойсö полiгтырйи да тэнö дэльöдöмөн ворсö, а сэсся сьавкнитö став ыпъялана мича алöй рöмьяснас, верман öмöй сийö мичьс синтö вештыны, ловъя сьёлöмтö лөньюдны, югдöм олöмсö тупкыны!.. Ме тэныд ставсö висъталi. Öнi, Дарья, тэ менö вид...

Дарья öдöбтöмөн уськöдчö Василей динö, дзебö чужöмсö сы морöс вылö, сыркъялö.

ДАРЬЯ. Меным некод на эз шулы татшöм шоньд кывъяссö, эз сёрнитлы татшöм мелiа.

ВАСИЛЕЙ. Дарья, тэ менö...

ДАРЬЯ. Ог тöд, Василей. Нинöм ог тöд.

Кост. Василей шога мөдöдчö.

ДАРЬЯ. Тэ мунан?

ВАСИЛЕЙ. Мый сэсся. Быть. (Воö öдзöс дорас, кöсий петны.)

ДАРЬЯ. Василей...

ВАСИЛЕЙ. Мый, Дарья?

ДАРЬЯ. Нинöм. Гортад мун, Василей.

Елис Вась мунö. Дарья дыр сулалö думьштчöмөн. Сэсся чужöмыс тырö долыд шуда нюмөн, лöб визыв да кокни вöраса. Локтö Парась. Дарья кутлö чойсö.

ПАРАСЬ. Дугды, Дарья! Мый тэ кöд лон? (Дарья шудаа серöктö, окалö чойсö.) Мыйкö талун зэв нин мелi.

ДАРЬЯ. Ок, муса чойöй менам! (Бара кутлö.)

ПАРАСЬ. Дарья, водам сэсся. Тэныд вольсала?

ДАРЬЯ. Ме тавой тэкöд узя. Кык чой орччөн, топыда кутчысьöмөн узям.

ПАРАСЬ. Ачуд тöдан. (Кылö пырысь.) Кодi нин войнас кыссьö?

Пырö Сергей, гудöка.

СЕРГЕЙ. Ме Дарья динö... локта войпукны...

ПАРАСЬ. Тэ тай нö, Сергей, код!

СЕРГЕЙ. Юышти... самöкур... (Восьтö гудöк, аккорд.) А войпукöм бöрын коми сиктын ныла-зонма...

ПАРАСЬ. Эн бызгы, мый оз ков!

СЕРГЕЙ (нора). Дарья, мыйла тэ менö он сибöд?

ПАРАСЬ. Мун пальöдчы! (Тойлалö Сергейöс, петö, кылö — игналö кильчöсö, бөр пырö.) Он нин мынлы тиянысь ловъя юрөн! (Мунö нач саяс.)

Дарья заводитö пöрччысьны, кусöдлö бисö. Сена вылын пемдö... Кылö ывласянь лыйöм шы, öшинь стеклöясыс зельмуины. Пемыдас Дарьялөн дженьыда горöдöм: «Ой!» Парасьлөн повзём гөлөс: «Дарья!»

Зана вес.

## Нельöд картина

Семö Михайлö керка дорын. Öнi сэнi лыдысян керка. А тавой узöны ыли грездысса партизаньяс. Пемыд. Кык-куим орчча öшиньясын югыд би. Мукöд öшиньясын ломзьялö быс, куслö, бара ломзьялö. Шоньд төвсая вой. Шлапкö-усьöгырысьлым. Керка водзын бипур. Сы динь сулалö Елис Вась, винтовкаа. Локтöны Онтон Иван, Педөр Николай да партизан. Иванлөн кыс бурдöма, бокас кобураын револьвер. Николайлөн мышкас винтовка. Партизан маличаа, соскас гөрд леңта; сийö вöралан пицала.

ИВАН. Василей, эн кынмы?

ВАСИЛЕЙ. Войыс шоньд.

ИВАН. Регыд югдас. Пост оз ковмы. Энö тай лэдзöй аслам полкö. Военной комиссар тшöктiс партизаньяскöд мунны.

МИКОЛАЙ. Öткодь, Иван, көнi белöйясöс нöйтны! Сидзи нин юр вывтыр удж, а контраяс содтöд сьöкыд удж көвьялисны!

ИВАН. Öружьеным этша. А мыйтаөн эськö миянкöд мунисны.

ПАРТИЗАН. Командир ёрт, кор мөдöдчам? Öдйöджык колö, командир ёрт, öдйöджык!

ИВАН. Терпеньюыд абу?

ПАРТИЗАН. Колö мездыны ассьым сиктöс, ассьым семьяöс. Гадьяс воисны, лон вөрьяс пöвсттi пыш-

йыны. Муна тiянкoд водзoс бoсьтны!  
ВАСИЛЕЙ. Рoчeв, кыдзи тэ мa-  
личанaд кутaн бeргaвны?

ПАРТИЗАН. Тaйoн шoныд. A тэ  
вoрaлaн пaськoмнaд сэни турдaн.

ВАСИЛЕЙ. Вoрaлaн пaськoмoн  
пeлькджык лoан.

ПАРТИЗАН. Пeчoрaын вeж мo-  
рoзыд, oк, скoр!

МИКОЛАЙ. Тaни aбу жo лунвыв.  
Кoдзыдыд oз пышгъaв миянысь.

ВАСИЛЕЙ. Рoчeв, мeнсьым пи-  
шaльoс эн тшыкoд. Кoркo кoвмaс  
бaрa вoрaвны. Кoр бeлoйяcoс жугo-  
дaм дa вoйнaсo пoмaлaм.

ПАРТИЗАН. Бур пицaльыд oз  
тшык, Вaсилей.

ИВАН. Мыйкo Дaрьяным oз ты-  
дaв.

ВАСИЛЕЙ. Сийo чoй дiнaс узьo,  
гoртaс.

МИКОЛАЙ. Дa, Дaрья шудa нa  
вoлoмa. Энo тaй вoляco мeным сe-  
тoй. Мe эськo Сeмo Мишo гoзьялы...

ВАСИЛЕЙ. Кoлo дoкaжитны,  
мый нaйo...

МИКОЛАЙ (*зымнитo винтoвкa-  
нaс*). Вoт мe и дoкaжитi эськo!

ИВАН. Сы вылo эм Чe-Кa... Ми-  
кoлaй, пoст вылын тэ сулышт. Мeд  
Eлиc Вaсь выл пoв нямoдaсeя,—  
кoкьясыс шoнaлaсны.

Ивaн, Eлиc Вaсь дa пaртизaн мунoны. Ми-  
кoлaй бипур дoрын куритчo. Юглo. Кeркa-  
ыс дзoнeнaс тыдoвтчo, бaлкoн вылын oшaлo  
нeйджыд гoрд флaг. Лoктo Кoлa.

КОЛЯ. Микoлaй дядь!

Микoлaй кыскo чигaркaсo, тшoкмунo дa  
кызoдo. Кoлa сeрaлo.

МИКОЛАЙ. Кoр нин прaмoй тa-  
бaкыс лoлo?

КОЛЯ. Микoлaй дядь, мe Ивaн  
дядьoс кoрeя. Эн aддзыв?

МИКОЛАЙ. Вoт, пийo, мoдoдчим  
кoнтрaкoд тышкaсьны. Вaж бoрын  
выль пoв пoрк дукoс кывлaм. Жy-  
гoдaм кoнтрaoс стaв Рoссия пaсь-  
тaысь, вoaм гoртo, лoсьoдaм кoмму-  
нa, oвмoдчaм сэки прaмoя. Oтувья  
oвмoсыд — гoльяслoн вын, кулaкь-  
яслы — тaс. Тэ, Кoльo, шудaджык  
миян дoрыс, вaж oлoмысь кyрыдeсo  
эн гумлaвлы.

КОЛЯ. Микoлaй дядь, кoсья вoли  
aскoд бoсьтны тупoсь рудзoг нянь.

A бoсьтa сoмын джынco. Мoд джын-  
co кoлa пoсни чoй-вoклы.

МИКОЛАЙ. Кытчo тэ мoдaн?

КОЛЯ. Тiянкoд!

МИКОЛАЙ. Вoюйтeсь пeтoмa.  
Пукaв пaччoр сэрoгaд! (*Мoдoдчo.  
Пaныд лoктo Дaрья.*) Co eщo мoд  
вeтлoдлo!

ДАРЬЯ (*сeрaмoн*). Дзoнeвидзa нa  
дa, Микoлaй!

МИКОЛАЙ. Oк и aснypa ныв тэ,  
Дaрья!.. (*Мунo.*)

КОЛЯ. Дaрья, Микoлaй дядь  
мeнo oз кoсьи бoсьтны.

ДАРЬЯ. Тэ Ивaн Aнтoнoвичлыс  
юaлин?

КОЛЯ. Ивaн дядь бoсьтaс! Бeлoй-  
яcoс нoйтны мыйлa oз бoсьт!

ДАРЬЯ. A мунaм и эм, Кoлa!

КОЛЯ. Мe тoдi, тэ мe дoр лoан...  
Дaрья, мe тeнсьыд вeк кoсья юaвны  
дa эг лысьтлы. Тэнo oшинe пырyд  
лыйисны, дa eнa пoвзин?

ДАРЬЯ. Рaдлaнaыс этшa.

Лoктo Сeмo Oльгa.

ОЛЬГА. Дaрья, тэ нaкoд мoдaн  
жo?.. (*Дaрья лoгoн видзoдo Oльгa  
вылo, мунo.*) Лoглуныс! Aссьыс  
вoдзджык чужлoмa... Кoлa, дoнa  
пийo, мунaсны дa, aс кeжын кoлaм.  
Oтcасьнытo мeным вoлывлaн? Тэ-  
мea лoсьлaм.

КОЛЯ. Oльгa тьoткa, oг эштe мe  
тэкoд сeрнитныco! (*Мунo.*)

Oльгa дыр видзoдo кeркa вылaс. Лoктo  
Сeмo Микaйилo, видзoдo жo жaлeддзa  
кeркa вылaс.

ОЛЬГА. Oшoдoмaoсь гoрд флaг!..  
Мисьтoм чужoм, кeркaтo сeтин! Пe-  
жaлoны, быд рыт стoмстoя ир-  
кoны!

МИКАЙЛО. Рeгыд дышoдaс. Бoр  
сeгaсны. Энoвтчaсны. Бoсьтaм!

ОЛЬГА. Тэ пoмысь! Oз кo вeсaсь-  
ны, тшын иылo лeптa! Лoсьoдлo-  
мыд чуркa, эн вeрмы рaммoдны.  
Нылыд вoли нырщикнaс кeркaны-  
мoс мырддьoмын. Чуклa кияс! Юр  
чaшкaсo пьдди пaчeсo рoзбoдoмныд.

МИКАЙЛО. Мeдaлин тaй вoрын  
пышьялысьoс.

ОЛЬГА. Мун дa eщo иoз вoдзын  
oшыйсь! Тэ oд aчыд эн лысьт.

МИКАЙЛО. Нo и мeд, эг кo  
лысьт!

ОЛЬГА. Гач новлан! (Бёрддзё.)  
Оз нин сюрлы меным Степан кодъ  
верёсой. Шонъянйой дай Степаной,  
некодлы менё дорйынытё, тэон чө-  
жом овмөстё ставсё кысьтёны.

МИКАЙЛО. Заводитчис обөдня!  
(Мунё.)

Локтёны Клавди да Парась.

КЛАВДИ. Парась, пыралам бать  
керкаад. Сэни узисны партизанъяс.  
Коді эз на удит чеччыны, кок пөлө-  
дыс кыскам. А, колөкө, код динө кө  
шоньд шебрас улас пырыштлам.  
Мый сэсся миянлы, эндөм нывъяс-  
лы! Тэ сы могысь вөччөмыд?

ПАРАСЬ. Дарьяёс колльөдигөн  
лөк паськөм тон ог кышав.

ОЛЬГА. Парась, чойыд мунё жө?

ПАРАСЬ. Мөдөдчө.

ОЛЬГА. Мед шувъялас, велалө-  
ма нин.

ПАРАСЬ. Тян вөсна, тян вөсна  
ставыс тайё! Ті онө сетой лөня  
өлөмсө!

ОЛЬГА. Кутшөм кылө! (Парась  
мунё.) Клавди, мый тэ ныртө ню-  
жөдөмыд?

КЛАВДИ. Дарья жаль.

ОЛЬГА. Чуркаёс жалитан... А  
аски ме динө котөртан: «Ольга тьот-  
ка, няньтө водзөсалышт! Ольга  
тьотка, коркө уджалөмөн вешта!»

КЛАВДИ. Мый скөралан, Ольга  
тьотка? Ог кө ков, өнисянь менам  
волөмөн тэнад өдзөс дзирйид оз  
быр! (Мунё.)

ОЛЬГА. Джөмданныд!.. Дона  
пийй менам, лои тэныд мунны кыт-  
чөкө, мам динад красуйтчыны эз  
сетны! (Мунё.)

Локтёны Дарья да Елис Вась.

ВАСИЛЕЙ. Дарья, бурджык,  
кольччан кө сиктө. Тэныд тані удж-  
ыс тырмас. Тэ он төд. А ме төда,  
аддзылі: воуйтнытө...

ДАРЬЯ. Повзбөдлан? Сьөлөм се-  
төм пыдди.

ВАСИЛЕЙ. Эи дөзмы, Дарья.  
Мөдөдчан кө, мунам инө. Сөмын,  
мися, воуйтнытө...

ДАРЬЯ. Но и шань!

ВАСИЛЕЙ. Водзвыс көйи вись-  
тавны. Мый керан, радейтан сьөлө-  
мыд йөйталө.

ДАРЬЯ (серөктө). Вот и тшөкты  
сылы, мед оз йөйтав.

ВАСИЛЕЙ. Дарья, эн серав ме  
вылын. Ме быттьө и абу полысь,  
збойлуной тырмө. А тэ динын кызд-  
кө воша, быттьө челядьбөн лоа. Сэ-  
тшөм нин, тыдалө, менам сьөлөмөй.  
Тэ он гөгөрво.

ДАРЬЯ. Гөгөрвоа, Василей!..

ВАСИЛЕЙ. Дарья, ме нэм тэнö...

ДАРЬЯ. Эска, Василей. Ме тэныд  
эска!.. Мед эськө миян радейтөм-  
ным нэм чөж мичаммас да ёнмас!

Локтёны Иван да Миколай.

ИВАН. Чолөм, Дарья! Талун ми  
тэкөд эгө на аддзыслөй. Матигө-  
гөрсса партизанъяс семьяныскөд прө-  
щайтчөны. Тэ дась?

ДАРЬЯ. Уна дасьтысьөм оз ков,  
Иван Антонович.

ИВАН. Локтасны и мөдөдчам...  
Миколай, мый тэнад гөтырыд оз  
тыдав? Волас жө өд колльөднытө?

МИКОЛАЙ. Эг кор. Да, көнкө,  
локтас. Он мын сысы. Шлюпкө,  
скөрмөдчө. Кутшөм меным видзөд-  
нысь! Сэсся и челядьбөй...

Сайын лыйөм шы.

ИВАН. Коді сэни лыйсьө? Васи-  
лей, мун өлөд. Нинөм грездө шы-  
збөдны!

Елис Вась мунө.

МИКОЛАЙ. Кодкө партизанлөи,  
тыдалө, берданкаыс ненарошнө  
пезьдис.

Локтёны Елис Вась, Коля да Дуня.  
Коля пицаля.

ВАСИЛЕЙ. Марья Коля лыйөма.  
КОЛЯ. Иван дядь...

ИВАН. Абу Иван дядь, а коман-  
дир ёрт!

МИКОЛАЙ. Устав он төд!

КОЛЯ. Гөрд партизанъяслөн ко-  
мандир ёрт! Кыдзи он гымгы! Пи-  
щальыс батбөлөн да менам. Дзонь  
во эг вөрзбөдлы, пөлать улын өша-  
ліс. Мамөлысь юалі да шуис: өт-  
чыдтө пө, Кольө, колөкө, лый. Гаш-  
кө пө, оз и шогмы нин. Ме дрөбйөн  
луйи, өтка пулятө эг видз.

ДУНЯ. Коля, тэнад вөралан пи-  
щаль!

КОЛЯ. Менам винтовкаыс белдүй-  
яс кыян на!

Локтө Марья, бөрдө.

КОЛЯ. Иван дядь... Ой, коман-  
дир ёрт! Висьтав мамөлы, ми ого  
зимогоритны мундүй. Менсым оз  
кывзы.

МАРЬЯ. Миколай, мыйла ышө-  
данныд Кольдөс?

КОЛЯ. Мамө, со Дарья — ныв, и  
сид мундө.

МАРЬЯ. Ылын на тэныд Дарья-  
дз. Челядь на тэ менам, ва челядь  
вежөра!

КОЛЯ (нора). Мамө, кутшөм нө  
ме челядь? Во джын мысти дас вит  
арөс тырө.

ИВАН. Эн кут, Марья, мед му-  
нас. Тэ гөгөрво...

МАРЬЯ. Гөгөрвоа, Иван. Да пиөй  
жаль.

ИВАН. Ми сэни детинкаөс ставөн  
дөзбөритам.

ДАРЬЯ. Коля, мый тэнад аслад  
синвайд доршасбө?

КОЛЯ. Оз кодкө, а мамөй бөрдө.  
Менам мамөй. Жаль аслад мамөй.

ДАРЬЯ (ышловзбө). Мам... Да,  
мам!

МИКОЛАЙ. Мундүй, шлюпкөй  
Семө Мишө керкаын!

КОЛЯ. Абу Семө Мишөлөн,  
а миян лыддысян!

МИКОЛАЙ. Важ ногнас шусис.

КОЛЯ. Мамө, ок, гажа лыддысян  
керкаын! Пыралам сэтчө.

Коля да Марья мундөны.

ИВАН. Василей, ветлы. Эн лэдз  
шогсыны Марьялы. Мам сболөмыд,  
төдан...

ВАСИЛЕЙ. Кывза, командир ёрт!  
(Мундө.)

ДУНЯ. Иван, шуан, мам сболөм.  
А менам?

Локтөны том и олөма йөз, на пөвстын  
Клавди.

ОТИ НЫВ. Дарья, локтим тэнө  
коллөдны.

ДАРЬЯ. Став партизаньясөс кол-  
лөддөй, дона пөдругаяс!

ЫШЛОЛАЛЫСЬ НЫВ. Ассы-  
ным мусукьясөс тшөтш.

ИВАН. Дуня, вайлы лыддысян

керкаыс гудөксө. Гажөдыштам том  
йөзс.

МИКОЛАЙ. Кутшөмкө гажөд-  
чөм! (Мундө.)

ИВАН. Дуня, ветлы. (Дуня бөрд-  
дзө.) Но, Дуня!

ДУНЯ. Бара өтнамон коля. Шог  
пыкны.

ИВАН. Мөд ногыс оз позь, Дуня!

Дуня мундө.

ЫШЛОЛАЛЫСЬ. Иван, сболө-  
мыд оз доймы, Дунятө бөрдөмон  
колян да?

Локтө Ненила Наталья.

НАТАЛЬЯ. Көсья Катбө Дарьяөс  
аддзөдлыны. Дарья, тэ пө мунан  
война вылө. Сэни аддзан менсым  
Гришөс да мясян ыджыд поклои  
висьтав. Мед, инө, воюйтас. А ме  
кызкө ола. Пасибө, нянтө сетин  
да. Пөрыс мортөс тшыгөн кулө-  
мысь мездин.

ДАРЬЯ. Наталля тьотка, нянтө  
гөляслөн комитет сетис. Сылы па-  
сибөыс.

НАТАЛЬЯ. Ог төд, дитяөй. Ме  
тэнад кыыс босьти. Бать амбарсыд  
сетин. Эн тусьөн, а пызбөн — Гри-  
шавид пө Гөрд Армияын служитө да.  
Сов юкыштин и. Сө пасибө. Мед ен  
сетас тэныд дзоньвидзалун да  
ыджыд чассьө!.. Мед туйыд шөвк  
дөраөн вевтгысяс.

ЫШЛОЛАЛЫСЬ. Дарья, тэ му-  
нан, да миянөс гажөдысыд бырө.

ОТИ БАБА. Сболөм сетысыд оз  
коль.

ДАРЬЯ. Чөлөй, дона пөдругаяс,  
ставыс тиянлы кольө да сюрө. Ась-  
ныд аддзанныд, олөмыс веж гыясөн  
мөдөдчис, муткыртө-гызбөдө, веса-  
лө му вылысь лөксө, матыстө бур-  
сө, сийө бурсө ешө мичмөдас. Ме ог  
вермы лөнътасын овны, сболөмөй  
тшөктө лоны веж гы йылас... Кольө  
уна во, он төд, колөкө, бур йөз и  
миянөс шонид кывйөн казгыштас-  
ны... Дона пөдругаясөй, ме тиянлы  
эг на ошйыс: менө коммунистьяс  
босьтисны асланы партияө!

Гөлөсьяс:

— Медья, Дарья!

— Сийө туй вылө сувтөмыд, да  
босьттөг оз овны!

— Кузь нэм да бур шуд тэныд!

ДАРЬЯ. Войдөръя гольсыс голь сирота, парма пиысь петом ныв ола да уджала оти партияын Ленин ёрткөд! Ленинкөд, коді му вылын шондисө бергөдіс мянлань банон!

Йоз повстын ошкана шыяс.

Локтоны Коля, Марья, Елис Вася, партизаньяс. Коля пищала, нопья, киас зиб йылө гартөм гөрд флаг.

Гөллөс:

— Марья Коля гөрд флага!

КОЛЯ. Гөрд знамятөг нө кутшөм партизаньяс! (*Разьё да шевкнитө гөрд флагсө, сэтчө гижөма: «Мед оласны Советьяс!»*)

МАРЬЯ. Кольө, мөдөдчин кө, бура ветлы, Эн янөд мамтө да чой-вокьяст!

КОЛЯ (*топөдчө мам бердас*). Мамө, ме вөсна тэ некор он янав! Дона мамөй, сы кузя эн пов!

Локтө Ду ня гудөкөн.

ИВАН. (*босьтө гудөк*). Ёртьяс, мөдөдчамөй!

Ворсө «Смело мы в бой пойдём», мөдөдчө. Коля гөрд знамяөн водзвылын, мамыскөд орчөн, на бөрысь мукөдьяс муноны. Дарья нывьяс топыд кышын мөдөдчө жө. Одиө локтө Парась, вайө еджыд дөраысь вурөм волыса ноп.

ПАРАСЬ. Дарья, сөянтор пук-тышти.

ДАРЬЯ. Аттьө, чойөй!

Оти ныв босьтө Парась ордысь нопсө.

ПАРАСЬ. Прөщайтлы, Дарья! (*Кутлө, бөрддзө.*)

ДАРЬЯ (*нормө*). Парасковья, огө жө бөрдөй!.. Аддзысьлам на ми тэ-көд!.. Бура ов!.. Прөщайтлөй, пөдругая!

Гөллөсъяс:

— Бур туй тэныд, Дарья!

— Врагьясөс венөмөн локны!

Сайын Иванлөн гөллөс: «Партизаньяс, на ремень! Шагом марш!» Ставон муноны. Гудөк шы улө сьылөм: «Смело мы в бой пойдём за власть Советов». Сьылөмыс вочасөн ылысмө.

Занавес.

Витөд картина

СЦЕНА ВОДЗВЫЛЫН ВИСЬТАЛОМ:

— Дарья тышкасис Печораын партизанской отрядын. Ас воуйтөм йылысь эз висьтавлы. Гашкө, эз көсий. А, колөкө, эз удит. Ті юалөй ныв йылысь партизаньяс отрядын командирлысь, Иван Антоновичлысь. Сийө висьталас, кызди ныв ён тышьясын уна пөрийө петкөдіс би пиысь ранитчөм гөрд партизаньясөс. Ныв-партизанкалөн ёсь пуляясыс эз этша белобандитөс дугөдны дона мунымөс пежавны.

Командир вөлі скуп ошкөмьяс вылад. Но радейтөмөн шулис Дарьяөс смел партизанкаөн.

Ті юалөй вөвлөм том партизан Марья Колялысь. Сийө өні верстьө морт, олөмын уна сьөкыдсө аддзылис. Дарья йылысь казьтыліг сьлөн гөрддзасьөм горшыс унджык висьталас кывьяс дорысь.

Ті юалөй зумыш пармалысь, паськыд морөса Печора пөлөн нюмьялыс гажа расьялысь. Ён тышлөн сьөкылдуныс инмылис да төдчылис и налы. И паськыд парма, гажа расьяс меліа шувгөмөн коми нылөс казьтыласны.

Отчыд Дарьяөс мөдөдісны коллөдны ранитчөм партизаньясөс ылөджык тылө. Командир эз төд, кытчө сэтьясян лон Дарья. Войнаыд война и эм: унаысь ёртьясөс өта-мөдсыс янсөдлө.

А Дарья...

Арестной жыр. Нинөм абу, табуретка кызди. Паськыда вөсьбө өдзөс, тыдовтчө белогвардеец винтовкаөн. Тойыштөны Дарьяөс. Пөдлалөны өдзөссө. Дарьяөс вайисны вопрос вылысь, чужөмыс блед, плешас вомөныс кузь вир гадь. Отпөлөса, чувки кежысь.

Кост,

ДАРЬЯ. Кыдзи эськө не сетчыны враглы!.. Дона Василей, кылө оз сьбөлөмыд, кытчө веськаліс тэнад Дарьяыд? Он кө төд, бурджык. Тэныд и меным бурджык!

Калькнитөм өдзөсөд шыблалөны Дарьялысь көлуйсө: чышыян, платтьө, плисөвөй жакетка, гын сапөг. Өдзөссө швачкөмөн пөдлалөны.

ДАРЬЯ. Кутшөм окота на овны! Аддзвыны олөмсө!

Көмалө гын сапөг. Пырө Вяткин. Кокнас вешталө джодж шөрысь Дарьялысь көлуйсө стен бокас.

ВЯТКИН. Но мый, Кочанова?.. О, плешкад пас пуктөмаөсь!.. Юр вундысьяс менам тани. Нинөм он вөч, карательной отряд!.. Менө чуймөдө, мыйла большевикьяс том нылөс биө шыбитөмаөсь. Сэсся некоднин абу? Көні налөн сьбөлөмыс!.. А,

Кочанова?.. Да, эгö кужöй овны, ас костаным тышö воим. Отсöг вылö локтисны бокöвöйяс. Быттö бур жöникъяс коралöны корысьмөн невестаöс. А ми, войнайн коньöр воём невеста нин, ешö на лэптысям, ышнясям. Сидзи, Дарья Кочанова?

ДАРЬЯ. Мися жö быттöкö бур жöникъясыд тэнö асланыс паськөмөн юр вывсяньыд кок улöдыд аскалөмаöсь, ассыныс öружийö öшлөмаöсь.

ВЯТКИН. Кутшöм мисьтöм кывьяс тэнад: «асыкалөмаöсь», «öшлөмаöсь»! А ме кöсья вöли... Кыдзкö тешкодя артмö, мыйла тэ допросьяс вылын... кызди и шуны небыдджыка... ыръянитан? А вермин эськö аслыд ёна отсавны... (Друг.) Кочанова, ме кöсья тэнö вöля вылö лэдзын! Нывбабаяскöд ме ог тышкась, сэтшöм грек ас вылö ог босьт! Мый татчö шуан? Ас саяд ставыс. Он верит? Вермас лоны, мый тэ меным он верит! Но ме тэныд збыльсь шуа. Оз и уна ков. Висьталан, мый меным колö, и мун, кытчö гажыд! Кочанова, мөвпыштлы... А öни шойччышт. Шойччöм бöрад вежöрыд сöздджык... Жаль, вольпасьыд абу тани, но том морт кызкö-мыйкö. (Мунö.)

Вель ыджыд кост.

Пырö белогвардеец. Кост.

БЕЛОГВАРДЕЕЦ. Кывзы, нылö... Ог тöд, кызди тэнад ним-овыд. Менам эм тэ кодь ныв. Видзöда тэ вылö, да... ме ог тöд... Мед он жö веськав миян унтер киö. Сийö тэ кодьястö!.. Кевмы енлы, мед он веськав унтер киö!..

Пырö Ольга Сергей. Сийö белöй унтер-офицер, бур английскöй френча, крагиа, бокас кобураын револьвер, киае плётка.

СЕРГЕЙ (белогвардеецлы). Пет!

Белогвардеец öдйö петö.

ДАРЬЯ. Ольга Сергей!.. Тэ тани?!

СЕРГЕЙ. Дарья, тэ?! Кыдзи нö?.. (Кост.) Быдөн воши. Ог и тöд, нимкодьясны али абу... Коді лысьтис тэнсьыд кымöстö дойдны?.. (Пуксьö табуретка вылö.) Важөн Керчомья-ысь? Кыдзи нин бара сэнi йöзыс олöны? (Чеччö.) Йöйыд, пукси. А

нын сулалö. Дарья, пуксьы... Дарья, мый нинöм он шу? Шу мыйкö... Кöсьян тöдны, мыйла ме тани?

ДАРЬЯ. Нинöмла!

СЕРГЕЙ. Тэнö оз интересуйт? Ме гөгөрвоа, мыйла оз... Ме татчö веськалi...

ДАРЬЯ. Ог кывзы. Ог кöсйы кывзыны, Ольга Сергей! (Ыджыд кост.)

СЕРГЕЙ. Дарья, а ме тэнö некор эг вунöдлы. Весиг сьöкыд кадьясö менам мөвп вылын тэ вöлин. Уна-ысь ассым юавла, мыйла миян тэ-меа костын нинöм эз артмы? Эн шензьы, Дарья. Гашкö, тани абу и лöсьыд панны татшöм сёрнисö. Да мый керан? Сьölөмыдлы он тшöкты. Дарья, кад кольöм бöрын, висьтав, мыйла тэ менö тойыштiн?

ДАРЬЯ. Сидзи нин тай лои.

СЕРГЕЙ. Тэ эн вöвлы кокни руа. Тэ тöдин, тэ аддзылин — ме тэнö радейтi... Дарья, мый нюмъевтiн? Чайтан, ме пöръяла?

ДАРЬЯ. Кутшöм радейтöм тэнад сьölөмö тöрас, кор тэ... Да мый тэ-көд весьшöрö кыв песны!

СЕРГЕЙ. Мый тэ кöсйин шуны?.. Дарья, мыйла тэ он кöсйы гөгөрвоны менö? Кутшöм тэнад сьölөм?

ДАРЬЯ. Кутшöм эм!

СЕРГЕЙ. Меным зэв-жаль, мыйла тэ сюрöдчин миян киö. Тани...

ДАРЬЯ. Да, мыйла ме сюри тiян киö!

СЕРГЕЙ. Дарья, ме тэнö нинö-мысь ог дивит. Ог вермы. Ог дивит, мый тэ йитчин Педөр Миколайяскöд. Ог дивит партизанавнытö му-нöмысь. Сöмын...

ДАРЬЯ. А тэ меным висьтав, мыйла менсьым сьölөмöс нетшканныд? Öти здук кежлö, лун ни вой, спокой онö сетлöй. Пычканныд-пычканныд. А мый эськö и пычканныд! Мый тiянлы мясян колö?

СЕРГЕЙ. Миян начальник виччсьö, мед тэ прöща корин, мед тэ сетчин миянлы. Дарья, тэ верман сийöс вöчны. Нинöм он вошты. Не тэа-меалы олөмсö вежны. Мед мукöдьяс сы кузя тильсöны... Меным капитан тшöктис табн сёрнитны (лэптыштлö плёткасö). Но ме ог вермы тэкöд. Ог вермы, Дарья!.. Эз ков тэныд сюрöдчыны татчö!

ВЯТКИН. Кочанова, шойччыштин? Али эз лэдзны? Но öd мөвпыштнытö, мый ме тэныд сөветуйтi, абу дыр. Да мый сысыс кöсйыси тэныд. Господин унтер-офицер, сёрнитчин? (*Сергей лэптыштлö пельпомъяссö.*) Кызди нö сiдзисö, Кочанова? Тэ век ассыд. А ме надейтчи. Жаль!.. Кочанова, вот ме офицер, капитан, тэкöд сёрнита, кад ог жалит. Омоль öмöй, кор зiля тэнö пальöдны ылавлөмсыд? Мый керан, олөмад унаөн ылавлөны... А тэ эскö мый вöчин, вöли кö ме тэ местаын, а тэ кö вöлин ме местаын?

ДАРЬЯ. Ме эскö тэнö ляк пуö зарвидзан ув йылö öшöдi!

ВЯТКИН. Но вот. Ме тэкöд бурөн, а тэ пузин. (*Мунö.*)

СЕРГЕЙ. Дарья, мый тэ вöчан?! Капитан, начальник! Сы сайын ставыс. Татысь кö мөдöдас, дорйысыд мөдлаын оз ло... Дарья, он кö тэ ачид кöсйи, капитанкөд ме сёрнита, тэнад нимсян сёрнита. Дарья, эн лёкмöдчы. Чöv ов. Лöсьыдджык тэныд лö. Дарья, кевмысьömөн кора, чöv ов! Ме öни жö сёрнита капитанкөд. Абу на сёр! (*Мунö.*)

Дарья öтнас. Чышкалö пöсьö.

Пырöны Вяткин да белогвардеецяс.

ВЯТКИН (*спокойнö*). Босьтöй!

Белогвардеецяс локтöны Дарья дiнö.

ДАРЬЯ. Кутшöм лёк, кор öружйö веськалö зверьяс киö!

БЕЛОГВАРДЕЕЦ. Ланьт!

ВЯТКИН. Мед висьталас!

ДАРЬЯ. Кылан тэ, белобандит! Уна вир уджалысь йöзлысь юин, но генераллысь чин он удит öшöдны. Некор он удит. Оз лэдзны! Эз весьшөрö веж гыас кыптыны. Ойдöм ютö он потш! Пöдтасны тiянöс!

ВЯТКИН (*спокойнö*). Кочанова, ставыс?..

ДАРЬЯ. Кылан, господин капитан, пöдтасны!

ВЯТКИН. Нуöй!

Белогвардеецяс чүргöдöны штыкьяссö. Дарья мөдöдчö петны.

Пырö Сергей.

СЕРГЕЙ. Господин капитан!

ВЯТКИН (*босьтö плицövöй жа-*

*кетка*). Кочанова, босьт. Ывлаын төв. (*Сетö белогвардеецлы.*)

СЕРГЕЙ. Дарья, тэ эн кывзы менсым?!

Дарья мунö, сы бöрысь белогвардеецяс.

СЕРГЕЙ. Господин капитан, мый тi кöсьянный вöчны Кочановакөд?

ВЯТКИН. А тэ ногөн, господин унтер-офицер, кызди?.. Мый мукöдкөд, сйö и тайö врагкөд. Сйöс тэ вöчан, господин унтер-офицер! Тэнад киясыд оз тiравны.

СЕРГЕЙ. Ме ог вермы, господин капитан.

ВЯТКИН. Господин унтер-офицер, Кочановаөс тэ лыйлан!

СЕРГЕЙ. Ме... ог вермы!

ВЯТКИН. Важөн-ö сэтшöм небыдөн лоин, господин унтер-офицер?

СЕРГЕЙ. Ме ськөд öти сиктысь.

ВЯТКИН. Со ещö мый!

СЕРГЕЙ. Ме Дарьяөс радейта!

ВЯТКИН. Вот ме и видзöдла, кутшöм тэ воин, большевикьяскөд тышкасысь.

СЕРГЕЙ. Да, но Дарья...

ВЯТКИН. Господин унтер-офицер, ме тэныд приказывайта!

СЕРГЕЙ. Господин капитан!

ВЯТКИН. Господин унтер-офицер!

СЕРГЕЙ. А пöщада кö Дарья корас?

ВЯТКИН. Лыйлыны! Дарья Кочанова — коммунистка.

Сергей чуймö, сулыштö, крута бергöдчö, кöсйö петны.

ВЯТКИН. Господин унтер-офицер, мый колö шуны, кор командир...

СЕРГЕЙ. Кывза, господин капитан! (*Мунö.*)

Кост. Сайын винтовкаясысь залп, сэся револьверьсь лыйöм шы.

Пырö Сергей, кияс револьвер.

ВЯТКИН. Ставыс?

СЕРГЕЙ. Кытысь нывлөн сы мында чорыдлуныс!

ВЯТКИН. Ставыс, господин унтер-офицер?

СЕРГЕЙ (*шога*). Ставыс!

Вяткин перйö записнöй книжка, сэтсысь öти визь черкнитö, сйöй книжкасö зептас.

Ывлаын, кылö, кыптö бушков.

## ВЫЛЬ ОЛӨМ ДОРЫСЬЯС

### НАРОД ЛОЛЫШТАС — БУШКОВ КЫПТАС

Фёдорлөн став рёдыс кузнечьяс. Прадедыс, дедыс, батыс — ставныс мастерьясөн нимавлісны. Сиктын сідзи и вёлі шуёны: «Қодлы мый, а налы — накөвальня».

Церковно-приходскөй училищевн нель класс помалөм бөрын Фёдор тшөтш жө сувтис горн дорө.

Батысө сылысь төдісны кызди грамотнөй мортөс. Қодлы колө вөлі норасьөм гижны либө прошение, мунісны Қисляков дорө. Эз өтказы-вайтлы некодлы — коми кыйсысьлы, ни озырьяслы батрачитысь ненецлы. Ставсө өткодя кывзвыліс, довкйөдліс юрнас да заводитліс гижны грамота, ачыс кывмөн шуалыс быд кыв. Сьөкыда водісны букваясыс бумага вылө, быттьө накөвальняө кучкалісны мөлөтөн.

Фёдорлөн батыс радейтліс пукавны мудөд вылын да сёрнитны лөнь рытьясө крестьяна олөм-вылөм йылысь.

— Вот висьтав тэ, вокө, кызди тайө артмө, — заводитліс сійө. — Нэм чөж мөлөтөн кленөдча, а гөльлунысь эг петавлы.

Отсасысьыс сылөн, пиыс, дерт, нинөм эз на кужлы та вылө вочавидзны. Но батыслөн татшөм юасьөмыс сатшкысьліс вежөрас. А регыд мысти сійө төдмасис «политикьяскөд» да пондіс лыддьыны запретитөм книгаяс.

Первой мирөвөй война дырйи Фёдор — ыджыд тушаа, паськыд пельпомьяса зон ылө веськаліс гортесян-

ыс. Окопө сійөс эз нуны — лөи механикөн Кронштадтса мастерскөй-ясын. Салдатьясысь кындзи, тани уджалісны Питерса слесарьяс. Найө и вайисны крепостьө революция йылысь юөр.

Начальство кам пөдлаліс крепостьса воротаяс, эз лэдз петавны сэтсыс, медым салдатьяс да матросьяс эз өтувтчыны властылы паныд кыпөдчысьяскөд.

Но верман өмөй кутны народөс, сійө кө нин кыпыда лолыштіс да веськөдіс пельпомьясө? Народ лолыштак — бушков кыптак!

Мездлунлөн төлыс пөльыштіс и служивөйяс чужөмө. А олөмныс налөн вөлі рабочөйяслөн да крестьяналөн дорыс сьөкыдджык на. Муштруйтисны да наказывайтисны — та вылын и кутсис царскөй армияын да флотын дисциплинаыс.

Пемыд войын Фёдор өртьясыскөд пышйис карө, а асывнас нин тышкасис казакьяслы паныд Литейнөй пос вылын.

Уна өртөс воштісны сэни. Казакьясөс пасьвартөм бөрын босьтісны налысь вөвьяс да котыртисны сотня. Командирнас сэни лөи Путиловскөй заводса рабочөй.

Көді эз эскы революцияө, көді виччысис на царлысь престол вылө воөмсө, налы сотняса командир шуліс:

— Нэм чөжыд рабөн лоөм дорыс бурджык көть өти луи овны мездмөмаөн. Туйыс? Көні вөля, сэни и миян туйным.

— Лөвйөн колин? — мастерскөйясө воөм бөрын юалісны Қисляков-

лысь.— А ми чайтім, важон нин тошкөбтисны тэнө.

— Нинөм мекөд оз ло, а вот Николашкаос турбыльтім трон вылысь!..

Фёдорлөн став рөдыс кузнечяс, и сийө мөвпавлис нэмсө коллявны наковальня дорын, а артмис ставыс мөд ног. Февральскөй революция вөлі сөмын заводитчөмөн. Кор салдат мөдөдчис гортас, сэк ёртгьясыс тшөктисны босътны сьорсьыс винтовка да патронгьяс. Згөдитчисны найө сылы: ковмис на тышкасны чужан муын Совет власть вөсна.

Кор воис мирнөй кад, сиктсаяс панисны ТОЗ<sup>1</sup> котыртөм йылысь сёрни и төд вылас налы бара уси кузнеч.

— Сийө аддзысьлөма Ленинкөд дай велөдчыштөм морт. Сылы и председателён лоны,— сёрнитисны скод вылын асланыс сиктсаясыс.

— Да, Фёдор аддзылис да кывзылис Ильичөс. Медья ёна сылы йиджисны вөжбрас кывгьясы йылысь, мый өнисянь му и ва, вөр и мупытшса озырлунгьяс — ставыс пыр кежлө вуджөны народ киө.

— Юаланныд, кутшөм Ленин? Сийө прөстөй, кызди правда. А правдаыс көни? Сэни, көни йөз, көни народ. Удайтчис и миянлы сывны ассьыным сьыланкывнымөс... Көди өтувгья олөм вөсна? Заводитам гижавны,— собраниелы шуис сийө.

Гижисны, көкьямыс семья. Найө и лоины будущей колхозлы подулөн. Онө тайө колхозыс ыджыд да зумид, сийөс төдөны став республика пасьтаын.

Улөдз копыртчылис йөзыслы Фёдор да нөшта содтис:

— Отка ньөртө чегны кокни, а видлы корөсь... Сидзи и ми. Отувнад бурджык олөм лөсьөдам.

И ковмис кузнечлы дорны эз амысьяс, а вель олөм. Уджыс төдтөм вөлі, сьөкыд. Быдлаын аслыс ковмис пример петкөдлыны.

Колхозө воис трактор, а кызди сийөн вөдитчыны, сиктын некод эз төд.

— Тэ председатель, тэ и пуксы руль сайө!

<sup>1</sup> ТОЗ — товарищество по совместной обработке земли.

Кытшовтис машина гөгөр Фёдор, видлалис сийөс, гыжйыштис баялбөжсө да заведитис моторсө, кодө вөлі нөль да джын вөв вына. Таргыны кутис трактор, нетшкысьыштис места вылас, ыргянитыштис да мөдөдчис сикт кузя.

Сы бөрся не сөмын челядюлов котөртисны, но и олөмаяс. Кыдз нө он котөрт татшөм шензьөданатор бөрся!

Сэки гашкө и гөгөрвоисны: важсө он бергөд. Весиг пырисны колхозө найө, кодгьяс водтэ отдортчылисны.

Фёдорлы ковмылис рытгьяснас висьтавлыны колхозникгьяслы машиналөн секретгьяс йылысь: зажигание йылысь, цилиндргьяс, сцепление йылысь...

Трактор не сөмын гөрис. Сийө и вартис, и төлөдчис, и югыд би сетис, и тьөс-плака пилитис. Көрт вөлыд ёна вынаджык вөлөма прөстөйсьыд. Мужикгьяс пыдди пуктыны кутисны сийөс.

— Олыштам — не татшөмтор на лоө. Властьным онө миян,— шульвлис председатель.— Артыштлөй, во чөжөн мыйта вөчим...

Усть-Цильма районун эм гөрдөй нима — «Рөдина» колхоз, а сэни олө заслуженнөй колхозник Фёдор Александрович Кысляков. Сийө важон нин петис пенсия вылө, но аслас вын сертиныс век на уджалө.

— Ов йөзлы бур вылө, и найө некор оз вунөдны тэнө! — радейтө шульвлыны пөрысь морт том йөзлы.

## ТИМАНСА АРТЕЛЫН

Карын овны лои зэв сьөкыд: дорывв арестуйталисны. И сэки төд ылас уси Фёдор Лесуковлы, кызди сийөс корлис коркө ас динас Семён Калмыков зуд вөчысь артельбө. «Мортыс сийө шань, оз вузав. Поэяс мыйкө дыра олыштны сы дорын».

Усть-Цильмаын Фёдор аддзысис төдса проводниккөд, сэсся найө дыр катисны пыжөн Пижма ю кузя, мунисны подөн пемыд парматэ, медым веськавны Тиман из дорын уджалысьяс динө — зуд вөчысь артельбө.

Фёдор суис Калмыковөс гортсьыс. Сийө пилитис ёртгьяскөд песчаник да шыльөдис-вөчис зудгьяс.

— Сидзкө, миян дорө жө ковмис

локны? Но, шойччышт кузь туй бõрад, а сәсся и сёрнитыштам.

Аслысног олісны тайõ йõзыс. Найõ кõtь и вõліны важиник паськõмаõсь, но эз кажитчыны дикарьяс кодьõн. Фёдорõс тõдмõдісны артельõн уставõн, висьталісны асланыс удж йылысь, олõм йылысь.

А уставыс вõлі аслыссяма жõ. Уджалісны кõкъямыс часõн, сейиспы õтув. Очередьõн дежуритлісны базаны. Қадыс кадõ петавлісны пармаысь став артельõн, ветлісны сиктõ пызыла километр ветымын сайõ да бõр волісны сьõкыд нопьясõн.

Артельса быд член пуктыліс пай, а Фёдорлõн зептас тõв шутляліс.

— Ме чайта, мездам сійõс взносись?— шуис Калмыков.— Мый сылысь босьтан — артельõн устав арталõ положениесõ мортлысь, код бõрся кыйõдчõ полиция...

Бõрынджык Лесуков тõдмаліс, мый сійõ оз õтнас ов гусьõн, унаõн пышйõмабсь арестуйтõмысь зуд вõчысьяс артельõ.

Семен Калмыков тшõкыда ветывліс гõраяс дорõ, вайывліс сзтысь уна из.

— Быдтор тані эм, Фёдор,— шуывліс сійõ.— Бргõн руда, сернõй колчедан, нефть, асфальтитьяс, слюда, топазьяс. Кывсьõны сёрнияс и зарни йылысь. Сиктъясысь мõдысджык корам том йõзõс да заводитам перйыны... Озыр край. Оні кõзьяныс сьлõн абу. Но лоас!..

Тадзи мунісны Тиманса коммунистической артельын луньяс. Луннас тõчитісны из, рытгорувнас босьтлісны ружьеяс — ветлісны кыйсьыны.

А войясын — книгаяс. Уна чукõрмõма налõн сійõ. Вõліны сәні и запретитõм брошюраяс, и Ленинлõн статьяяс газетьяс. Қызкõ тай веськалõмабсь пемыд пармаõ!

Лесуков гõгõрволіс, мый сьлõн другыс, Калмыков, ваялõ книгаяссõ, но Семён та йылысь чõв оліс, а юасыны эз вõв лõсьыд.

Сõмын сәки, кор Калмыков воліс Архангельскысь, висьтавліс заводьясын забастовкаяс йылысь, прокламацияс йылысь, военной неудачаяс

йылысь да шуавліс: «Кымын лёкджык, сымын бурджык!», ёртъясыс гõгõрволісны: ветліс сійõ не сõмын артельõн делõяс кузя, не сõмын зудьяс нуис. Калмыков быдлаõ вевьявліс. «Стелла Полярэ» заводын кõ вõлі массовка, йитõны сы нимõн. Подпольщикьяс пõлучитісны заграницаысь письмõяс — бара жõ эз ло Семёнтõг; Архангельскса рабочõйяс сувтõдісны кõзьян водзас требоваиниес — Калмыковтõг тайõ эз арты. И артель вõсна сійõ ёна тõждысис, артель быдмис, ёнмис, кõtь губернатор эз вынсьõд уставсõ.

Сõмын õтчыд веськыда висьталіс, кор воис карысь юбр: «Петроградын, Москваын главнõй деспотсянъ медбõрья жандармõдз ставсõ чышкыштõма. Действуйтõй».

— Чукõртчõй, ёртъяс! Воис мян кад! — нимкоды горõдіс Калмыков.

Йõз пырысь-пыр чукõртчисны.

— Кõкъямысõд лун нин Россияын абу царь! — гораа висьталіс Калмыков.— Онісянъ мян власть! Кõкъямысõд лун исправник гусьõн видзõ йõзысь революция йылысь юбр... Колõ бõрйыны уездса временнõй правление.

Зуд вõчысьяслõн артель мыйкõ дыра кежлõ дугдіс уджавны. Сәки эз зудйõдз вõв делõыс.

Ни Фёдор, ни ачыс Калмыков сәки эз на тõдны, мый водзын найõс виччысьõны ыджыд сьõкылуньяс: испанкаõн висьмõм бõрын Семён кутас туплясьны садьтõгыс, Игнатий Тепляковõс белõйяс шыбитасны юкмõсõ, Лесуковõс нуасын Мудьюгõ.

А тайõ кадас Ильич гижас записка, медым учёнõйяс судзõдасны Ухтаса нефть йылысь даннõйяс.

Збыльмисны Калмыковлõн кывьясыс: став страналы тõдсабсь талун Печораса из шом бассейн, Ухтаса нефтянõй промысельяс. Медводдза изыскательяслõн трõпаясõд мунõны геологьяслõн отрядьяс.

Миян районын эз на чужны карьяс, но найõ дзик лоасны. И шõр уличанас карын лоас Калмыков нима улича, йõз оз вунõдны большевиктысь, землепроходецтысь, мечтательтысь нимсõ.

## Төдтөм салдатлөн гу

Мёскупа<sup>1</sup> шёрын  
Баситөм йёрын,  
Кремль стена бердын,  
Эм — төдтөм салдатлөн гу.  
Йёзыс кор мунё  
[Ветлысь сэн уна],  
Сувтышлө сэтчө,  
Чөв ланьтлө, нинөм оз шу.

Тырөма чветөн  
Гу вылыс, сэтөн  
Лун и вой ломзё —  
Ыпьялө куслытөм би.  
Куйлө, дерт, татөн  
Кремль бердын матын  
Кодлөнкө батыс,  
Верёсыс, сё муса пи!

Ог төдөй, коді  
Му пиё водөм.  
Нимыс ни овыс...  
Ог төдөй, кутшөмджык ёрт  
Столица шёрын  
Гажа сад йёрын  
Аддзёма аслыс  
Нэмчөжся нималан горт.

Гашкө нө айө  
Куйлысьыс тайө!  
Ыджыдджык вокөй!  
Ог төдөй, ог төдөй ми!  
Сё рёма дзоридз  
Кремль стена дорын,  
Факелөн ыргө —  
Ыпьялө куслытөм би.

Лелькуйтөм гортъяс  
Куйлысьяс, ёртъяс,  
Ставнымлөн миян  
Бать и пи, сьёлөмшөр ёрт:  
Кось вылө петіс,  
Олөмсө сетіс,  
Геройөн уси  
Чужан му шуд вөсна морт.

«Куслытөм слава!»—  
Отвылысь ставөн  
Геройлы сиө  
Йёз миян, Сөветскөй му.  
Мёскупа шёрын  
Баситөм йёрын,  
Кремль стена бердын  
Эм — төдтөм салдатлөн гу...

<sup>1</sup> Мёскупа — Москва, коми йёзкоцса кыв.

## Лёнька-комиссар

Лёнька... Лёнька... Сөмын дас кык арös...  
Кызьöд во. Но дзевсьöм врагыс яр.  
Войвыв сиктö локтис рытнас карыс  
Ыджыд вокыс, краснöй комиссар.

Сьöкыд тышын кыпöдчö коммуна.  
Туйыс тöдтöм. Ставлөн торья куд.  
Вокыс дорö сувтысь абу уна:  
Оз на тöдны, кутшöм öтув шуд.

— Взвейтесь кострами синие ночи,—  
Юргö сьылöм, шызьö арся вой.  
— Мы пионеры — дети рабочих,—  
Гуся враглысь сотö бурдтöм дой.

Сьылö Лёнька. Ськөд сиктса челядь.  
Алöй галстук. Медводдза отряд.  
Уна гөлöс уна мам-бать пельöдз  
Вайö локтысь олöмлысь выль лад.

Вөрзис сиктыс: голь и шөркодь олысь  
Котыртчöны — велöдö сідз кар.  
Öзйö бипур. Бипур — сиктлы колан.  
Лыддьö клятва Лёнька-комиссар.

— Тіпкö сьөлöм. Миян эм нин вынним.  
Гырысь йбэкöд йитам посни шаг,  
Мед коммуна...  
Торкис гора лыйöм.  
Дзоля мортöс виис ыджыд враг.

Тайö вöлі кызьöд вося арö,  
Висьталö кыздз вижбдыштöм лист:  
«Сиктын ставыс лоис коммунарөн,  
Коммунарьяс — быдөн коммунист».

# Оломыс чуксалё

ПОВЕСТЬ

8

Эз гажаа овсыы Алёшалы тайё луньясас. Съёлөмсө нюкыртис забеднөысла. Дугдис серавны, этша сёрнитис. Откажитчис и мотоциклөн гуляйтөмысь. Медся ёна яндысис батьсыс, көть сийё нинөм эз шу. Мый думайтис Фёдор Максимович, пиыс эз төд, но гөгөрвоис: батыс оз верит йёз сёрниё.

Сидоров весиг омөльтчис. Медколана могнас вөлі — корсьны рөсадэ. Совхозлөн эз нин вөв, надейтчыны нинөм. Вөлі өти петан туй — сетны ассьыныс, налөн эз на пуктыссьны.

Тайё мөвпнас юкисис батыскөд. Сэсся висьталіс ёртъясыслы. Петя да Валя ошкисны, шуисны гортъяссьыс корыштны жё.

Алёша гөгөрвоис: ёні сылөн воши авторитетыс. Тайё мөвпсө төд вылас кутөмөн и шуис ёртыслы:

— Петя, корсьлам вожатойёс.

Никодим Петровичёс суисны пажнайтанинас.

— Кызва,— шуис сийё да корис пионерьясёс пуксыыны.

— Ми аддзим рөсдатө,— гажаа юөртис Валя, коді тшөтш вөтчис зонкаяс бөрся.— Аски мөдам пуктыны.

— Бур. Кытысь?

Алёша висьталіс.

— Н-да, а детдомлысь эн юалё, гашкө, налөн колыштіс? Сельно пуктывлө и. Вообще, корсьлөй ещө, эз на ставыс пуктыссьны.

— Асланым кө оз тырмы, вөлисти,— шуис Петя.

— Бур. Действуйтөй,— ошкис Никодим Петрович, сэсся казяліс Сидоровлысь места вылас педзөмсө, юаліс:

— Мый ещө?

Алёша корис ас пьддиыс звеньевөйөн пуктыны Петя Расовөс.

— Ладнө,— көсийсис вожатөй.— Сөвет вылын сёрнитам.— И челядь мунігөн нин юаліс:

— Тималөн кутшөм здоровьеыс?

— Оз нин вись,— шуис нывка,— лунтыр «змеяыс» лэдзалө.

Туй вывті мунігөн Петя друг сувтіс.

— Ёртъяс,— шуис сийё,— войыс ёні югыд, повны нинөмысь. Позьё рөсасасө тавой пуктыны.

— Правильнө!— мича лөз синъяссө ёртыс вылө чөвтліс Валя.

Ок, мыйтөм радлун ыпнитліс Алёша чужөмын! Синъясыс ломзылысны.

Рытьядорыс челядь чукөртчисны му вылө. Быдөнлөн киас вөлі рөсада тыра чуман либө таз.

— Вужьяссө эн дойдалө,— велөдіс Валя.

Гусьөник унмовсис сикт. Лөнис том йөзлөн ува-авакылөм, а челядлөн мыгөрьясыс пыр на тыдалісны му вылын.

— Ва новлөмысь, тыдалө, мездыны көсийё,— кымөртчөм энэжө видзөдігмоз шмонитис Петя.

Мукөдыс чатөртчисны жө.

Природа вөчис ассьыс удж. Пөлыштіс төвныр, гартчигмоз прөйдитис му вывті, тшын-буссө гудралігтыр саялі шор мөдарө. Сэсся челядь аддзисны, кутшөм скөра да повзьөдчөмөн лыбис сикт весьтө кымөр. Первой кузякодь, ыджыд лов шыён мурөстис, сэсся шаркнитис анькытш гырся зэр тусьясөн.

— Котөртам.— Алёша кыскыштіс Валяёс да уськөдчисны неылын су-

лалысь амбарлань. Лэб улын Алёша, Петя да Валя топодчисны ота-мод дорас, кылісны ёрта-ёртыслысь сьёлөм тіпкөмсө. Друг лои пемыд. Зэр ншта өддзис, гымалөм чорзис, повзьөдчис син ёран чарбинас. А отчыд сэтшөма сюр-сярмуні матігөгөрыс, мый Валялөн личавліны кок сөнъясыс.

Тайө здукас Сидоров аддзыліс: мыйкө биа сю кольта кодь лэччис скөтнөй двор вылө. Недыр мысти пуркнитіс сьөд тшын. Детинкалөн кодзавлі сьёлөмыс. Сійө гөгөрвоис: мыйкө омөльтор лои.

— Пөжар!— горөдіс зонка.

Здук кежлө ставөн шөйөвошлісны. Медводз кватитчис Алёша.

— Валя, котөрт сиктө, йөзөс чуксав, а ми мунам фермаө.

Сотчис мөс карта. Тшыныс пуркыис розя өшиньясөд, өдзөс костъясті да душникьяс пыр. Зэрысла сійө эз вермы лэптысьны сьнөдас да разаліс ферма пасьята.

Алёша матыстчис өдзөс дорө, тіралысь княсөн кутчысис иганө. Петя өшиньсө жүгөдіс. А мөсьяс лёмысь бакісны... Детинка кызмырдөн восьтіс өдзөсөд да тювкнитіс картаө. Курыд тшын сатшис горшас, пөдтіс. Алёша разяліс мөсьяслысь домъясөс, вөтлаліс ывлаө. Сидоровлөн кольмөмысла кутіс бергөдчыны юрыс. Мырдөн сорөн стен боктыс петіс ывлаө, турбыльтчис-водіс зэр улө. А гымыс век на мураліс, повзьөдліс небыд сьёлөмаясөс.

## 9

Макар скөраліс: төрыт пөшти некод эз вөв нимлунсө ыдждөдлысьыс. Вит-квайт морт, и ставыс шылльө-мылльө. Қорліс сиктеса участкөвөй милиционерөс, сельпоса юралысьсөс, сельсөветысь служакөс да Никодим Петровичөс — некод эз локны.

Талун вөскресенньө, сійө туплясис койка вылын, пөкмелля пөжис. Сергейлысь корө то йөв, то пув ва. Мамыс вина сетліс, но эз ю, рыт кежлас пө колө пальөдчыны, карсян кодьясөскө виччысис.

Лун шөр гөгөр корис Сергейөс,

гижыштіс записка да бара ыстіс Ягдорө.

Асныров сөліс аслас драндулет вылө, төвзис пода туй кузя вөр вомөн. Воськыдасө лыддисны верет вит-ө-квайт, а кытшолөнсө — кык мында. Но Изъя шор вомөн поскыс эз вөв, да машинаяс веськыдасө эз ветлыны.

Сергей бура төдіс местаясөс, унаысь воліс шор дорас өмидз да сэтөр вотны. Отчыд весиг тани ёна повзьыліс. Зонпосникөд сійө вотчис лунтыр, а рытьядорыс матыстчис шор дорө юыштны. Толькө на копьртчис, лөсьөдчис юны, а син улө веськалі мыйкө сьөд, сувтса бугыля — кань дорысь ыджыд. Ваыс югыд, пырыс тыдалана, Сергей бура аддзис зверсө.

«Кульыс!»— йирмөг котөртіс мыш кузяыс.

Зонка сэсся эз ю ни эз мыссы, оз төд, кызди муніс ёртьяс дорас. Бөрынас вөралысьяс висьталісны: сійө пө чув, ваын олысь, мича, дона зверь.

Ягдор сиктысь Асныров корсис синпөла дядьбөс, код дорө отчыд воліс нин, сетіс гижөдсө.

Мөдыс син пөвнас лапйөдлігтыр лыддис да шуис:

— Хорошо, рытнас кута виччысьны.

Сергей та кежысь и бергөдчис. Қор локтіс аслас сиктө, паныдасис Петя Расовкөд.

— Дыр на пышьялан?— скөрысь юаліс кузь тушаа зонка да кутчысис велосипед көлесаясас.

— А тэд кутшөм делө?

— Зульөда кө, кутан төдны «кутшөм делө»!

Сергей шөтөясис:

— Видлы!

— Мый огыс,— пиньсө векуыштіс Петя-Великан.

— Он лысьт да?!

— А вот и лыста!— мыччөдліс кулаксө.— Верман этійө сойпом гөрөдас люкасьны.

Дыр на, гашкө, чокышасисны кык петук, эз кө журкнит-лок мотоциклөн Алёша Сидоров.

— Йөйминнды?— янөдіс и көртіс звеньевөй,— а ещө пионерьяс!

Сергей тракнитчис да кутіс пыш-

йыны, сэся вель ылісянь нин грө-  
згчис:

— Сюрлан коркө, сюрлан, асьтө  
зульдә!

— О-ок! Ещө менө зульдөны  
дай,— ёсяліс Расов,— не видать!

Алөша серөктіс да шыасис Петя  
дорө:

— Төдмав, мый ме тэ йылысь  
думышти?

— Ог куж.

— Висьтала, сөмын не лөгась-  
мысь. Но?

— Но,— көсийсис мөдыс.

Сидоров кутіс лыддыны:

Расов Петя великан,

Сиктын первой хулиган.

Тэ кө сійөс дэльөдан,

Печиктас да летитан!

Петя дузгысискодь, и Алөша юалис:

— Дөзмин тай?

Мөдыс лэптыштліс пельпомъяссө.

— Мыйла хулиган? Ме некодөс  
на эг зунбөдлы.

— Йөй. Шмонита ме,— серөктіс  
звеньевөй.

Петя тшөтш вожасис мотоцикл  
вылө да кутіс кевмысьны.

— Гөйгөдышт. Сикт помөдз нулы  
да бөр вай.

— Он пов?

— Ог. Ме гуляйтлі нин мото-  
циклнад.

Алөша личкыштіс педальсө, и  
машина уркнитіс-заводитчис.

— Кутчысь!— горөдіс водитель,—  
төвныр моз нуа.

Асныровъяс кильчө дорын сулаліс  
турунвиж рөма фургон — көрөбка  
кодь, жөчөн эжөм кузова автома-  
шина.

«Локтөмаөсь нин, тыдалө, кар-  
сьыс»,— гортас пыригөн мөвпыштіс  
Сергей.

Пызан саяс пукалісны куимөн:  
Макар, банбокъясө лэдзөм тошка  
төдтөм сьөд морт да мамыс. Став-  
ныслөн чужөмъясыс өзійөны, синъ-  
ясыс волялөны. Пызан вылын кык  
тыртөм водка доз.

— Сідкө, тэ ме дор?— Макар  
юасис сьөд мортыслысь.

— Дерт, өти туйвеж юждамө.

Макар тані вөлись казяліс зон-  
каөс, корис чуньнас.

— Сетін?— юалис сійө.

— Ага.

— Мый шуис?

— Хорошо пө, рытнас пө куга  
виччысьны.

— Пөрядок!— радліс Макар да  
син пөвнас мигнитіс төдтөм дядь-  
лы. Сэся кыскис «куима» да мыч-  
чис Сергейлы.— Шутөвтлы еджыд  
дозла.

— Коддзанныд,— өлөдіс Анна  
Ивановна, но сылысь кывсө некод  
пыдди эз пукты.

Ошинь увті мунігөн Асныровөс  
мышсяньыс йөткыштісны да сэтшөм  
чорыда, мый чергысис муө. Сэся  
усьөм бөрас мөдысь зутшкисны  
лөпаткаяс костас... Синъяссьыс би  
чеччис, но вежөрыс уджаліс на.  
Детинка чожа видзөдліс мышлань,  
а сәні... сулаліс ыджыд сюръяса кө-  
за, кодөс люкасьөмысла нимтісны  
Таранөн, лөсьөдчис водзө нуөдны  
ланөм тышсө. Серөжа регыдджык  
чеччыштіс бөкө. Звермөм пемөс  
сюръяснас гөрыштіс эжасө.

— Пөж горш!— скөрмис детинка  
да уськөдчис кутны Таранөс. Зонка  
кабыртіс сійөс клешиөн моз сюръ-  
ясөдыс, мөдіс кыскыны карталань.  
Көза пыксис, эз мун, тракийс юрсө,  
көсийс мынтөдчыны ки улысь. Дөз-  
мөм детинка чорыда песовтіс юрсө,  
водтөдіс муө. Таран нориника да  
кузя бакөстіс, тыдалө, гөгөрвоис,  
мый ворссис, кокъяс вылө сувтөм  
бөрын сійө дышпырысь восьлаліс  
картаө.

Серөжа гөгөрвоис, мыйла лөга-  
сьөма Тараныс.

Асывнас сійө петкөдліс кильчө  
вылө цветъяс, кодъяс сэтшөм мичаа  
дзоридзалісны. Недыр төлөдөм бө-  
рын зонка вылысь петіс, медым  
пыртны, но аддзис цветъяс дорысь  
дыш да горш Таранөс, коді чөсма-  
сис чөскыд көра быдмөгъяснас.  
Асныров скөрмис көза вылө, квати-  
тіс кильчө тассө да куим-ө-нөльысь  
кучкис мыш кузяыс.

— Вот, лукавөйыд,— доймөминсө  
малаліс Сергей,— абу, небось, ву-  
нөдөма...

Рытнас сөрөн нин (Сергей узис  
жө нин) Макар садьмис, кутіс  
пальөдны гөстьөс.

— Чеччы, кѳнкѳ, виччысѳны нин.  
Гѳсть сѳѳкыда кыпѳдчис диван  
вылысь, кѳдзыд ва чапкис чужѳмас  
да, кыв ни джын шутѳг, петис ывлаѳ.

— Сергей, чеччы,— Макар чук-  
салис тшѳтш вольпасын чѳскыда  
нискысь зонкаѳ.— Тѳ мунан миян-  
кѳд.

— Кытчѳ?— синъяссѳ тилис де-  
тинка.

— Сѳни аддзан,— вомалис Макар.  
Кабинаын Сергейѳс пуксѳѳдисины  
шѳрас. Руль сайѳ шняпкысис тѳд-  
тѳм дядьѳ, веськыдвылѳ — Макар.  
Машина петис гусѳѳникмоз да биасъ-  
тѳг веськѳдчис мир туй вылѳ.

— Ягдорѳ?— очсыштіс зонка.

— Да,— нурбыльтис Макар.

Серѳжа сѳсся Ягдорѳдз эз шы-  
асьлы.

Сикт дорѳ локтігѳн кутшѳмкѳ  
мужичѳй сувтѳдиси машинасѳ, кат-  
тыысис подножка вылас да чирѳм  
гѳлѳсѳн юалис:

— Некод эз паныдасъ?

Шофер пыркнитис юрсѳ: эз пѳ.  
Сергей тѳдиси син пѳла дядьѳѳс,  
кодлы вайис луннас записка.

Ягдор сиктти гусѳѳн жѳ прѳйди-  
тисны. Сѳсся лѳчисны чѳй горув,  
вуджисны шор вомѳн да сувтисны  
порсь картаяс дорѳ.

— Стѳрѳжыс абу?— шѳпкѳдиси  
Макар.

— Код, самѳкурѳн юктѳди,— гу-  
сѳѳн вочавиджис син пѳла морт,—  
картаас дасътѳма нин сизим порсь-  
пи.

Сергейѳс тшѳтш чеччѳдисины каби-  
наысь.

— Тѳ мун сѳтчѳ сувт,— зонкалы  
тшѳктис Макар.— Кутасны кѳ лок-  
ны — висъталан. Ми двѳрас лоам.

Асныров мунис карта пельѳсѳ,  
сюся мѳдиси дзоргыны туй вылѳ.  
Войыс вѳли кымѳра, но гѳжѳмнад  
му эжыс тыдалис, позис ылісянь ка-  
зявны мортлысь мыгѳрсѳ. Детинка  
вель дыр сулалис, син доймытѳдзыс  
кыйѳдиси, кытчѳдз сійѳс эз чукѳстны.

Бѳрсѳ мунисны нѳльѳн, син пѳла  
дядьѳ пукаліс кузовын.

Асланыс сиктѳ локтѳдз машина  
кежис кук йѳрлань, кѳни олисны и  
узылісны куканьяс.

Сергейѳс бара колісны потшѳѳ

дорѳ кыйѳдчыны, асьныс машина-  
нас пырисны кук йѳрѳ.

Потшѳѳ бокас сулалис пѳрысь по-  
жѳм, шувгис-норасис да шенасис  
лапьяснас, быттьѳ вѳтлалис номъ-  
ясѳ. Детинка первойѳ сѳ бѳкѳ  
пыксѳѳмѳн кыйѳдчис, сѳсся катты-  
сис пожѳм вылѳ: ылысьджык тыда-  
лас. Пуксис медкыз ув вылас.  
Мыйкѳ дыра пукаліс, сѳсся вуджис  
мѳд ув вылѳ, кысянь туйыс ѳнджы-  
ка тыдалис.

Бѳр муниганыс Сергейла сувтис  
машинаыс.

— Тѳ нинѳм ѳн аддзыв и ѳн  
тѳд,— ѳлѳдиси Макар.— Смотри!  
Висъталан кодлыкѳ — юртѳ орѳда!  
Вот так.

Сергейѳс чеччѳдисины сикт динаныс,  
да куйм дядьѳ машинаѳн тѳвзыш-  
тисны водзѳ.

## 10.

Алѳша петис ѳшинь улѳ гѳжъя-  
лыштны. Войнас зѳрѳма да ѳни вѳли  
лѳсьыд, ыркыд. Синѳдыс сѳстѳм,  
ѳвтіс турун кѳрѳн. Лѳз енѳжын  
быльсвиджис шондѳ, югѳрыс купаит-  
чис ва гѳпьясын, нюлис град йѳрысь  
лысвасѳ. Лѳѳм пу вылын дѳзольгисны  
лѳбачьяс, дугдывтѳг нюжйѳдлісны  
ассыныне сьыланкывсѳ, кодлѳн эз  
вѳв пом ни заводитчѳм. Кѳк улын  
муыс шоныд, небыд. Керка стеньяс  
вазѳѳмысла сѳѳдасѳѳмаѳсь, ѳни ру-  
алисны-косьмисны, быттьѳ петѳмаѳсь  
пѳсь пывсеянысь ыркѳдчыны.

Сидоров пукаліс шондѳ водзын  
синъяссѳ кунѳѳмѳн да эз казьявлы  
Валялысь локтѳмсѳ. Зонка чуймис:  
нывкалѳн мелѳ мича синьясыс ты-  
рѳмаѳсь синваѳн, руд кѳсаыс дзуг-  
сѳѳма, киясыс лѳтмуномаѳсь.

— Валя, мый лѳи?— повзис Алѳ-  
ша,— мыйла бѳрдан?

— Мамлѳн куканьяс вошѳма,—  
синдорьяссѳ чышкаліс нывка,— тѳ-  
рыт лыдди, быттьѳ ставыс вѳли, а  
талун оз тырмы.

Детинка матыстчис ныв дорѳ, ку-  
тис такѳдны.

— Петис, кѳнкѳ, кук йѳрсыйс, ли-  
бѳ пыйшин ѳзим вылѳ.

— Матѳгѳрсѳ корси нин, некѳн  
абу,— водзѳ сыркъялис Валя.

Звеньевѳйлѳн сьѳлѳмыс нормис жѳ.

— Чукостам ёртгяснымос да корсям,— шуис сійо.— Тэ чукост Тимаос, ме — Сергейос да Петяос.

Серёжа Асныров сөмын на чеччөма, мысис порог дорын.

— Сергей, мунамö кукань корсьны!— чукөстис Алёша.

— Никодим Петровичлы ме висьтавлі нин, мися, ми мунам татысь.

— Кытчө?— чуймис Алёша.

— Каро!— тшапа шуис Сергей.

Вежос сайысь петіс Макар. Ошлөн кодь сьöкыд туша улас дзуртисны дждож плакаяс. Сійо, буракö, кылöма детинкаяслысь сёрнисö да тшөтш сүйсис.

— Педөр пийс прав,— папироска öзтігмоз висьталіс сійо,— куканьсö, дерт, колö корсьны. Висьталöны, брат, кöйнгяс пö велöны, вермас травитчыны... Тэ, брат, вай ветлы, отсышт ёртгясдылы,— тшöктис Сергейлы.

Фермадорса кук йөрö чукөртчисны челядь, эз вöв сөмын Тима, но и сійо регыдөн локтіс, пöсвятöдзис котөртöма.

— Дыш Парпони!— Рыжикос көритіс кызіник Настя.

Кукань корсьыяс торйөдчисны. Öтияс мөдөдчисны сьөрдо, öзимгяс вылө, мөдгяс веськөдчисны сөнгясти да лөггясти, коймөдгяс көйгисны ветлыны Öзын ты дорөдз.

Сергей да Тима веськалісны öтлаө. Öтиыс дзик еджыд, мөдыс чим гөрд юраөсь. Найö дружитісныкодь да пырджык öтлаын ветлөдлісны. Найö мөдөдчисны Öзын ты дорө. Кольөм во вошлі жö öти кукань да сэтысь адзисны. Таво пö, гашкө, бара сэтчө лэччис.

Со и Öзын ты. Лунвысянь пöльтысь төвру улын ва веркөсыс серласьыштис, посныдик гыаскөд ворсіс шонді югөр. То сэн, то тан чеччалісны черияс...

Водзті татчө чери кыйны воывлөмны весиг карсянь. Сэсся кыздсюрö да мыйөнсюрö кыйөмнад дзикөдз бырөдөмаөсь. Öні тыас черисö выльысь рөдмөдісны, весиг стөрөжос индісны, коді öтчыд садьтөгис повзөдліс тайö зонкаяссö чери гусялгөн. Бур ещö, некодлы эз и висьтавлы, тыдалö.

Ты дорын кукань некөн эз тыдав.

Асныров виччысьныс эз вермы, кор нин талун луныс кольö. Төдіс, куканьыд оз сюр. Став корсьысьöмыс весьшөрö. Сэсся, медым кыздкө кадсö коллявны, шуис Тималы:

— Вай купайтчам.

Рыжик быттö корөмсö и виччысис.

— Давай.

Пөрччисысны да ызгысисны ваö. Бура дыр чілзисны, резсисны, ордгисысны варччөмөн, сэсся петісны да нюжгөдчисны гождьявны.

Лун шөр бөрын челядь выльысь чукөртчисны кук йөрö. Ставныс мудзөсь, жугыльөсь. Кукань эз сюр.

## 11

Асныровгяс вежон чөж нин вузавлісны эмбурнысö: лөсьөдчисны карө мунны. Керка-карта иналісны сельполы, скөтсö — мөс, ыж, көза да порсь — сетісны яй вылө, а керка пытшкөсса песни көлуйсö вузавлісны кодлысюрö. Аски көйсисны вөрзгыны.

Макар төрыт нин петіс удж вывсьыс, тэрмасис эштөдчыны аски кешлө. Отсаліс чукөртны көлуй, төбны чемодангяс. Кодыр ставсö лои дасьтöма, Макар ытіс Анна Ивановнаө сельпоө трудөвөй книжкала: муан пö да ковмас карад уджавны. А Сергейос мөдөдіс Ягдор сиктö.

Макарлы тайö и колі. Сійо пасьталіс ассьыс медбур костюмсö, жугөдіс Асныровгяслысь сундук, кватитіс медбур паськөмгяс тыра чемодансö и... көйис пышйыны. Сійо водзвын нин корис другсö машинаөн да сикт помас тшөктис виччысьны. Но петнысö эз удит. Сергей дорö локтісны Тяпкин да Митя. Мужичөйлы эз позь нөти манитчыны, вермас шедны капканö. Коліс пырьсөтөм-пыр жö мыйкө думыштны, медым вөтлыны детинкаясөс, но быттö нарошнө юрас нинөм эз во.

— Педөр пийд Сергейлысь фотоаппарат гусялөма,— медбөрын адзис жö петан туйсö.— Муніс корсьны.

Не веритны эз позь. Детинкаяс уськөдчисны өдзөсö. Макар эз нюжмась — грезд сайті веськөдчис мир

туйлань. Но кутшомкө помка вөсна другыслөн машинаыс сикт помыш эз сулав. Пышыйсылы ковмис вичысьны пöпутной автомашина.

Сергей локтис Ягдор сиктысь да пыр и казалис Макарысь вошомсö.

— Көнi дяядыд?— юалис вокыслысь.

— Мунис,— веськодпырысь шуис джодждöд самосвал кыскалысь вокыс.

Сергей видзöдлис паськом тыра чемодансö — абу. Сундукныс восьса. Тэрмасьмөн гижыштис записка, колис пызан вылö, ачыс чожа мунис мир туй вылö.

Сылы везитис, öтик-кö, купайтчанинысь локтигөн детдомса челядь аддзылöмны чемодана мортлысь мунöмсö, мөд-кö, сийö жö здукас сюри пöпутной автомашина. Сергей вöзыйсис да пуксис вевта кузовö. Машина шургис öдйö, корсюрö тёпканьсöд катлöдлис да чечöдлис. Зонка шашаритчис, мед не усыны.

Вөр туйтi мунигөн нин машинаöс мöдысь сувтöдисны, кодкö, мужик гөлөса, вöзыйсис пуксьöдны. Сэсся кузовö лыбис чемодан, мыччысис кык ён ки, сы бöрын мортыс. И машина бара кутис тövзыны водзö.

Сергей эз виччысь Макаркöд тадзи паныдасьöм. Öнi гусьон радлыштис: машина вылас кö пö пуксин, другөн он чеччы. Воам пö кутшомкö сиктö да явита.

Макарлы детинкакöд паныдасьöмыс эз жö во сьлöм вылас, но эз петкөдлы.

— Подөн мөдöдчи, мися, кутшомкö машина вөтöдас да пуксьöдас,— висьталис сийö,— районöдз колö лэччывын, кутшомсюрö справкаяс босьтны.

— Пөръясь!— сöмын и удитис шуны Сергей.

Макар кватитис сийöс шошаöдыс да каньöс моз шыбитис кузовысь.

Детинка грипкысис туй вылö и воштис садсьö.

Талун асыв Алёшаöс бара водз садьмөдисны: батысь нуöдис кузнечаö отсасьыштны. Детинка зилис восьлавны батысь моз жö зумыда,

катласьтöг, шочиника кияснас öвтчигтыр. Батя-пия восьлалисны и нюмъялисны. Öтиыс радлис, мый сьлөн эм зэв шань да тölка бать, мöдыс гусьöник нимкодясис пинас. Алёша ичöтысянь радейтис ветлыны кузнечаö. Сийöс кыскис кортакöлуйыс. Лунтыр шом пинь да сёмöм кортъясөн вöдитчöмысь гортас волис син ни пель. Сöмын еджыд пиньяс жервидзисны. Сэсся тöдлытöг да аслас чередөн визувтисны вояс, а детинка пыр быдмис да сөвмис, батлы лон ён ки пöлөн, сы кодь жö здоров, удж радейтысь.

Нöрыс бокын, вивзвыса здоридзьяс пöвстын, сёльгисны-сьылисны небыдик гөлөсьяса лэбачьяс. Рысь ва кодь лөз енэжын чолөмасис шондi, аслас вильыш югöрнас гильöдiс мунысьяслысь чужöмнысьö.

Зонка морöс тырнас лолалö сьнөдсö, оз вермы пöтны. Сылы окота висьтавын батыслы асланыс удж йылысь (налөн став рөсадаыс чужис, да öнi листьясыс ки пыдöс пасьтабсь нин), но кутчысьö, гашкö пö, чайтас ошйисиг.

Локтисны важ кузнеча дорö, кодi пöлынтьчöма бок вылас, быттьö кöсийö шорас ызгысьны, медым мыськыны сьöдсö да буссö. Тасянь неылын камвидзис мөд виль сруб, кодöс толькö на лөптöмабсь. Вольöм керъяссяныыс öвтис на уль сир дукөн. Танi и камгыны-дорчыны регыд кутас Алёшалөн батыс.

— Ыджыд да шоньд лөö кузнечаыс?— юалö пиыс.

Батыс видзöдлö сы вылö, көвалда кодь кисö пунктö пельпом вылас, усьяс пырыс нюмъөвтö.

— Дышгьяс, пиö, сöмын кынмöны, а зиль мортыдлы уджыд чай юöm кодь: ныр йылыс пöсялöма, мышкусьыс ру кайö... Шоныдыд, зонмö, ки помын, абу би дорын...

Лун шөр гөгөр батыс бөр нин ыстис Алёшаöс.

Шор туйтi кайигөн, нем виччысьтöг, пывсян сайсянь петисны кыкөн — Тима да Митя. Сувтисны Алёша водзö, потшисны туйсö.

— Сюрин!— морөссö чургöдис Митя.— Ми тэнö пыр на кыйöдам.

Он дзёбсы. Мыйла фотоапаратсё гусялін?

Сидоровлы тайё вёлі виччысьтём-тор, сэзь луно гымыштём кодь.

— Кутшом фотоапарат, код-лысь?!

— Эн соссы! Сергейлысь бось-тёмыд.

— Чёвлё, мый нинём абусё изан-ныд!— синъяссё шармодіс Алёша.

— Макар аддзылёма!— шуис Ры-жик, а Митя нин горзіс:

— Тима, кут, шобам зепъяссё!

Сылён важён нин лёгыс петіс зве-нневой вылө, оні косьис «мынтысь-ны», та вёсна кияснас шашаритчис Сидоровлы голяас.

Алешалён быри терпеннёыс. Зэ-лөдчис, мый вынсыс тойыштіс Ми-тяёс. Мёдыс пласьтмуні гатшён.

— Кут сійёс, кут!— ёртыслы гор-зіс Митя.

Тима, быттё шыр кыйодысь кань, гусьёник матыстчис да чеч-чыштіс Алешалы сьылі вылас. Си-доров тругысис кымынь. Пансис тыш.

Вермис татшом «ворсёмыс» мись-тёма помасыны, эз кё Алёша чукөст кузнеча дорысь понсё. Серкё кыліс кёзяиныслысь гөлөссё, уськөдчис. Зонкаяс повзисны, чепөсийсны пыв-сянлань, пельбөсөдыс кутісны кат-тыгысны. Паськыд морөса пон кы-кысь чеччыштёмөн и суөдіс Тимаёс. Сирпиньён кутчысис гач кокас, мө-діс тракйыны. Гач кок пөвнас Тима кавшасис пывсян вылө.

### 13

Гортас пыравтөг Алёша котөртіс Асныровъясё. Анна Ивановна вёлі өтнас. Сійё пукаліс өшинь дорын, лимзіс-бөрдіс.

— Мыйкө лои, Анна тьөт?— зіліс төдмавны зонка.

— То,— синвасө чышъян помнас чышкышталіс нывбаба,— Сергей бумага кольёма.

Алёша босьтіс бумагасё, лыддис:

«Мам! Макарыд пышйёма.

Нуёма паськөм тыра чемодан-

тө дай став деньгатө. Ме вөтча сы бөрся, а тэ явит сельсөветө».

— Муртса удиті сельпоө ветлыны трудкнижкала, и со яндысьтём син-мыд мый вөчис мянөс. Рёзөритіс!— бөрдём сорён шуаліс нывбаба.— Надейтчи сы вылө. Керка вузалі, став эмбурөс сеталі, а сійё сьёмнас пышйис...

### 14

Колис төлысь. Макароэс кутісны кар дорысь, судитісны Чоййыв сик-тын. Анна Ивановна чуть синъяссё сылысь эз парсав,, ладно, милицио-нерьяс кутісны. Син пөла дялбөс пуксьөдісны жө, совхозысь скөт гу-сявлөмысь да Макарлы отсасьө-мысь. А вот шофёрсё абу на аддзө-маөсь, пышйёма пө кытчөкө.

Төрыт Серёжа локтіс карса болъничаысь. Юрыс бурдёма, новлө кепка, мед шырөминис оз тыдав. Ачыс вижөдөма, омөльтчөма, ки-ясыс нөшта еджыдөсь лоөмны. Та-лун сійё сулаліс отрядной пионер-скөй сбор водзын.

Детинка висьталіс ставсё, нинём эз дзёб: мед пө, колөкө, бөрынас мый думайтөны, кыдзи видөны, көть судитөны, а сөвस्थ्यс колөб сөстөм.

Сергейкөд орччөн сулалө Тима, мөдар бокас— Митя. Кыкнанныс лэдзөмаөсь юрысө, дзоргөны муө, тыдалө, яндзим жө. Но Алёша ни-нём на эз шу, эз көрит найөс. Сійө төдө: детинкаяс переживайтөны, сэсса извинитчасны да корасны прөститны... А Сидоров прөститис нин ёртъяссө. ...Пионерьяс водзын Никодим Петрович лыддьө Указ, көні висьтавсис, мый пөжар дырйи мөсьясөс спаситөмысь Коми АССР-са Верховной Сөветлөн Президиум награждайтө Алёша Сидоровөс, Валя Пунеговаөс да Петя Расовөс Почётной грамотаясөн. «А совхоз— Артекө путёвкаөн»,— содтө бөрынас вожатой.

Алёша сулалө ёртыясыскөд да оз эскы аслас пельяслы. А сьөлөмыс нимкодьясь, выныс кык пөв содө.

## ЧУЖАН МУ ЙЫЛЫСЬ КЫВ

Менам юрсиқод ворсодчө төлыс,  
Синмын вералө вбрыс и ю.  
Стройка шыяслөн юралысь йөла  
Сьөлөм радлунөс бокө оз ну.

Коми муёй дзик помтөм и дортөм,  
Сылөн енэжсьыс паськыдджык от.  
Кытчөдз воөдчан — сәни и гортын,  
Кодкөд аддзысян — сійө и ёрт.

Каръяс чужисны ыджыдөсь, ёнөсь,  
Сиктъяс пыкөны Эжвалысь кыр.  
А өд неважөн шулісны: Ёма  
Коми вөр-ваөд ветлөдліс пыр.

Локтө аския луныс тыр горөн,  
И ми сылысь пыр виччысям звөн.  
Ленин орденөн мичмөдіс морөс  
Том республика — шудыс со кбн!

## СТРАДНА КАД

Лөз ли енэжыс, гым ли шыалө —  
Водз зэв асывнас вошө ун.  
Коса-кураһөн рытя кыаөдз  
Мунө видз вылө садьмөм лун.

Долыд чужөмөн йөзыс мунөны:  
Гожся луныс оз мөдысь су...

Ситеч дөрөмъяс, пажын чуманъяс,  
Сера чышьяньяс — быдса дзу.

Миян войвылын, коми войвылын  
Югыд гожөмыс страднадыр:  
Чеччан — горөдчө петук сёр вылын,  
Водан — шондіыс дзебсьө пыр.

## АБУ КОКНИ

Зорөд чөвтөм — абу кокни удж:  
Сола, курыд ваон лэччө пөсьыд.  
Состө сәки пуджан көть он пудж,  
Вын кө абу — зорөдтө он лөсьөд.

Зорөд чөвтны быдөн оз и куж:  
Сямлун колө, лэбыныд пыр ёсь мед.

Зорөд ачыс турун моз оз чуж:  
Тэчан подув, шөр, и вылыс ёсьмө.

Шойччөг воө, кодыр пуксяс вой,  
Аскинас көть удж вылад он петав...  
Но оз некор лигышмунлы сой,  
Эбөстө кор Рөдиналы сетан.

\* \* \*

Сөмын сийөс шуа ёртөн,  
Коді олөм тышөн вуджө,  
Коді удж вылын и гортын  
Төлка мортөн лоны кужө.  
Қодлөн бур да ыджыд сёлөм,  
Қодлөн вир-яй пуө-ворсө,  
Қодлы ме моз колө сьылөм,—  
Сийө лоас меным ёртөн.

\* \* \*

Өдйө паськалө косяс улын,  
Ыдждө ласталөн шьльөдөм от.  
Мыссьө лысваөн водігас турун,  
Тюрө му вылө синва кодь войт.  
Шонді енөжөд вывланьө кывтө,  
Қосьтө виддзыслысь ньылөдөм бок.  
Ныжмис ытшкысьлөн косяс вывті,  
Да и чорзыштис турунлөн кок..  
Эн кыв колиплысь дзользьөмсө войдөр,  
Юртө лэптывтөг уджалін кор.  
Вай жө личөдлы өні мудз сойтө,  
Кывзышт вөр-валысь лывкйөдлөм гор.

\* \* \*

Медым велөдчыны ветлі,  
Мамө лосьөдліс кузь ньөр.  
Өні ас нянь вылө петі,  
Қнига сайө пукси бөр.

## ТАДЗИ ВӨЛІ...

### Шуда лун

Собод сиктын паськаліс шензё-дана юөр: «Чож ю дорё вьль мельнича стрөитісны. Сійө не сөмын нянь кутас изны, но и сетас матігөгөрсә сиктъясө югыд би».

— Кызди нө мельничаыс бисө кутас сетны?— дивуйтчисны өтияс.

— Сөрөм тайө!— эскөдана шу-львлісны мөдъяс.

Сэсәя гожөмнас сиктө воисны монтёръяс, томысь-томөсь, ёнысь-ёнөсь. Найө чарла кодь көрт крукөн, кодөс көрталөмаөсь кокас, ур моз пелька кайлісны столбъяс вылө, нюжөдлісны сэтчө провод, гартлісны сійөс еджид чашкаяс гөгөр. Аръя-вылыс проводъяс пыртісны и керка-ясө.

Яша Қанов да Костя Симпелев вөтлысисны монтёръяс бөрся, бидөңлысь юасисны:

— Кор нө югыд битө сетад?

— Регыд нин, регыд. Тырмас тіянлы куткырвидзны пешаяс дорын.

Көсйисны лөсьөдны югыд би и Яша баблы, коді оліс важ керкаын өтнас, но сійө нинөм вылө эз лэдз, пондіс шенасыны, ёрны ставсө:

— Оз ков меным антихристыдлөн биыд. Мунөй, эн пежалөй керкасө.

— Но и но... Аслыд жө югыдджык эськө лои. Од ачыс кутас өзйыны, сартас ни карасин оз ков,— дивитіс бабсө Яша.

Монтёръяс помалісны ассыныс уджнысө да бөр мунісны карө. Көть и өні унджык керкаысын өшалісны аслысыяма кузьмөс лампочкаяс, но

югыд би пыр на эз вөв. Сиктса олысыяс важ моз быд рыт өзтывлісны карасин лампаяс, а көнсюрө и юкавлісны кос сартас да синъяс доймытөдзыс пукавлісны пешаяс дорын.

Яшалөн важөн петө лөгыс тайө яга бабалөн кодь ёсь пиньяса пеша вылас, позис кө, пачас шыбитіс эськө. Мамыс быд лун тшөктө сылы юкавны сартас, сэсәя колө видзөдны пеша бөрсяыс, мед бурджыка ломтысяс сійө. Урокъястө некөні велөдны, курыд тшыныс вель дыр бөрдөдас. Мукөд дырйи зэв окоата петавны иславны либө ворсыштны, но петан өмөй кытчөкө, кор би колө видзны.

Детинка зэв частө видзөдльвлө матичын өшалысь лампочка вылө да кевмысьө: «Но өзйы нин, өзйы, он өмөй аддзы, кызди ми мучитчам».

Кызкө өтчыд, урокъяс помасьөм бөрын, учительница Пелагея Александровна юөртіс:

— Челядь, аски пасьтасьөй шоньдджыка, мунам Чож ю дорө. Сәні кутасны лэдзны вьль мельнича. Видзөдлам, кызди өзъяс электричество.

Классын здукөн лои гажа да зыка. Велөдчысыяс радлісны, кутлісны өта-мөднысө.

Мөд луннас Чож ю дорө мөдөдчисны водз. Быдөн пасьтасьөмаөсь шоныда, уналөн кианыс вөлөгә тубрасьяс, зонпоснияс дөра сумкаабсь. Асылыс буретш лөңә да гажа. Енәжсянь гылалөны кокныдик лым чиръяс. Пуяс гыөрзвөмаөсь, кокъясыныс, көнкө, кынмөны.

Отчукорнад өдйö кольо кадыс. Дуригад да гажöдчигад дженьдöн кажитчис туй помыс. Чужöмъяс быдöнлөн байисны. А кор тыдовтчис йи улö дзесбöм векныдык ю, лон ещö на гажаджык.

Ю дорын тыдалис выль керка. Улыс судгасö тэчöма кирпичысь, вылыс радъяссö — керйысь. Челядь панласигтырйи уськöдчисны стрöй-балань. Мельнича гөгөр тырыс нин йöз. Кодсюрö локталöмабсь вöвъясөн.

Дыр ковмис виччысьны би сетöмсö. Челядь вель унаысь нин матыстчылісны учительница дорö, юасисны:

— Мый нö оз öйи биыс?

— Карысь виччысьöны гөстъясöс.

Костя мöд пöрйö нии вашнитис аслас друглы:

— Иславны лэччылам ю вылас, йиыс зеркалö кодь шыльыд да югыд.

— Мый тэ?— быдөн повзыштис мöдыс.— Исласигад нинöм ог и адзылöй.

Грымöбтис музыка. Мельничаö пыран пос вылын сулалис öчкиа нывбаба да мыйкö висьталис чукöртчöм йöзлы, сөсся öвтыштис кинас öшинь дорын сулалысь мортлы. И сійö жö здукас матигөгөрсä столбъяс вылын öтпырйö югнитисны лампочкаяс. Ставөн радлöны, кутлöны öта-мöдсö, вывлань качисны шапкаяс, кушеньчаяс. Ыджыд тошка дядьö босьтис Яшаöс моздорас, качöдліс вывлань, сөсся пуксьöдис пельпом вылас да гораа шуис:

— Видзöд, пиук, гөгөр да эн вунöд тайö лунсö. Тайö Ильичлөн лампочкаяс öйисны.

А музыка ворсис и ворсис. Сылөн мыла шыясыс ылöдз искөвтисны шыльыд ю кузя, стынөн сулалысь пармалань.

Көть и ывлаыс заводитис нин рөмдыны, но югыд биасыс вöтлісны пемыдсö.

— Пелагея Александровна, пышкас вöйысылам, видзöдлам, кызди öйö биыс,— учительница гөгөр бергаліс Костя.

— Видзöдлам, видзöдлам!— тшöтш пондісны дзайгыны и мукöдыас.

Ковмис пыравны. Мельнича пытшкын шоньыд да югыд. Тыдалісны кутшöмкö машинаяс.

— Öтнад и вермин öзтыны та мында бисö,— збоймöдчис да юаліс Яша дженьыдык пальтоа мужичöйлысь.

— Ме öд ён,— серöктис ус пырыс дядьö, сөсся и висьталіс, кутшöм ногөн мельнича кутас изны нянь да сетны би. Челядь кывзисны шыч ни рач. Дыр на, колöкö, олісны сәні, но уска дядьö юөртис: онö на пö удитöй воны гортаныд, кызди и тиянылысь сиктнытö югдöдам.

— Он пöръяв?

— Ог жö!

Та бöрын челядьöс быттьö малязияс чушкисны. Ставөн уськöдчисны ывлаö. Оні найöс нинöм нин эз вермы кутны. Бордъяс кө вöліны, лэбзисны эськö чужан сиктöдзыс. Öд быдөнлы окота ас синмөн видзöдлыны. А энэжын ворсöдчис быгыд төлысь, быттьö гөгөрвоис челядьлысь помтöм радлунсö, югдöдис налы мунан туйсö. Со и мыччысис джуджыд кыр. Тасянь Собöдöдз зэв нин матын.

— Пöръяліс уска дядьöйд! Важ моз на сиктным пемыд!— горзис Костя бөрö кольччысыяслы.

— Ускыс мед сылөн сотчас,— скöраліс тшöтш и Яша.

Но сійö жö здукас сикт весьтышыннитис югыд кыа.

— Öйис! Биасыд öйисны!

Детинкаяс скачөн мөдöдчисны кыр нылыд. Вердаса чаньяс моз панласьöны öта-мöдныскöд, музöм ни лов тырöм оз төдны. Пырисны нин сиктö. Уна лыда öшиньяссянь на вылö нимкодьясьöны-видзöдөнн югыд бияс. Яшалы кажитчö, мый сійö котöртö оз аслас сикт кузя, а кутшöмкö гажа карöд. Сувтыштіс бабыс керка весьтö, сәні важ моз пемыд да гажтöм. «Вот выжывыд, кутшöм шуд воштис!»— коліс ассыс видчан кывъяссö татчö, а ачыс водзö пышйыштис.

— Яшö, видзöдлы миян öшиньясö,— көч моз йөктис другыс да шенасис пöсялöм княснас.

— А миян керкаын тиянысь на югыдджык!

— И миян!

Сэсея детинкаяс быдён уськөдчисны асланы керкаясö, вунөдисны весиг вичысьсны учительницадс да нывкаясöс.

Яша восьтис öдзөссö и шай-паймуні: керкаын сэтшөм югыд, быттö лунся шондi пырöма. Детинка читкыраліс синьясöс да радліс:

— Ок, лөсьыд.

— Лөсьыд, Яшукöй, лөсьыд,— паныд уськөдчис мамыс,— мойдын быттö.

Öнi Яшалы керка пытшкөсыс кажитчис ыджыдджыкөн, сөстөмджыкөн. Да и мамыс быттö мөд пөлөс: томджык, мичаджык.

— Ме и пешатö нин идралі,— ошйысис мамыс,— а ачыс оз-оз да и выльысь видзөдлас пөтөлөкын öшальысь лампочка вылө. Сэсея матыстчис пиыс дорö, шоныд кинас унаысь малыштіс юрөдыс.

## Абу пөтка, а лэбалö

Войвывса дженъыдик гожөм катовтчис нин аръяыв. Велөдчысьялы регыд мысти бара ковмас мунны школаö. Луньясыс сулалісны шондөсь на — то шондi сьавкнитлас асьыс югөръясö, то шочиник зэр торкасьыштас турун пуктысьялы да нянь вундысьялы.

Яша да Костя асывсянь рытөдз йирөдöны мөсьясöс ытшкөм видзьяс вылын, гортсяньыс матын. Сьöd юрсиа Яша гожөмбыднад лои ешö на сьөдджык, гожьяліс, ёнмис. А Костя пыр важ кодь, гожйыс оз мөрччы сылы. Детинкаяслөн сьөрсьыныс вугыр шатьяс. Мыйөн воас лун шөр кад, вөтласны мөсьяснысö лыа көса вылө, öзтасны кос бадьясысь бипур, сюяласны сэтчö пöжавны картофель, а асьныс вуграсьöны.

Шоналөм лыа вылын мөсьяс шойччигкості удитан и купайтчыны, и пөсь картофель сёйны.

Вуграсьны талун эз мөдны. Яша ю дорсяньыс зэв матысь казялөма ичөтик гөпт. Кор матыстчас сэтчö, турунъяс пиысь вирдыстчасны черияс. Ытва дырйиыс, тыдалö, пырöмаөсь да йөрмөмаөсь ва ямөм бөрас.

— Гудыртны эськө гөптсö,— кутіс нүөдны Яша.

— Мөсьясным оз пышйыны?

— Оз, эн пов.

Шуисны — вöчисны. Шыбитісны паськөмнысö бадь кустьяс дорö, бузгысисны-пырисны черна йөрданö. Ваыс регыд лои дзик мөд пөлөс: няйт рөма.

— Ой, кодкө кокө зургис!

— И меным тшөтш...

Öти сирпи кольмөма нин, вывлань чургөдөма ёсь юрсö, уйö береглань. Яша зiля тшапнитіс-кутіс сійөс. Сирпийан, налимьяс кольмисны унджыкөн и унджыкөн. Детинкаяс öва удитісны шыблавны найөс берегö.

— Ме тай висьталі: уна, мися, чериыс.

— Аски мамöлы черинянь тшөкта пöжавны,— радліс Костя.— Видзөдлы, кутшөм ыджыд чери мем шеді,— эз удит помавны висьталөмсö, налим песовтчис кисыс, усн бөр.— Кут, Яша, кут, вутш улас дзებსяс!

Кык друглысь кыйсьөмсö торкис кутшөмкө төдтөм шы. Первой сійö кыліс муртса-муртса, сэсея лои пыр гораджык.

— Мый, эськө, тайö?— öтарö-мөдарö чатрасис Яша, сэсея уськөдчис пасьтасыны. Костя — сы бөрся. Кавшасисны пу йылө, дзоргöны-видзөдöны гөгөр.

— Адззи! Адззи!— шенасис кинас Костя, но мый адззис, сідзи эз и удит висьтавыны, пу вожьяс костөд исковтіс муөдзыс. Бур, мый сылідзирйыс эз чег.

Яшалы öнi и аслыс тыдаліс, кызди сикт вестөд лэбзис аслысьяма ыджыдысь-ыджыд лэбач. Мыйсьяма дивö нö? Вермас öмөй лоны татшөм ыджөд лэбачыс?

— Ероплан! Дерт öд ероплан!— горөдіс Яша.— Ук, кызди жургö. Котөртам сиктö, колөкө, пуксяс.

Бордья дивö ыдждіс и ыдждіс. Лэбзис сійö уліті. Сэсея кутіс öдйö ылыстчыны, лои пыр ичөтджык и ичөтджык, а недыр мысти и дзикөдз воши.

— Вот тайö да-а...— ышловзис Костя.

— Карö, гөдөмысь, пуксяс. Ветлыны кө сэтчö, видзөдлыны,— дивуйтчис Яша.

Көть вөлі водз на, Сюрүкөс да Гөрданьөс эз нин кутны йирөдны.

Чукортисны черияссө, кыпөдисны мөсьяссө лыа вылысь, мөдисны вөтлыны гортаныс. Но мөсьяс эз тэрмасыны, пөлтчөм вөраяссө довьөдлэгтыр, өдва рунгысны буса туй кузя. Налы, тыдалө, веськодь, коді лэбзис сикт весьтөд. Ни ньөр, ни чиршөдлөмъяс эз отсавны. Тайө ёна дөзмөдис Қостяөс. «Часы, ме велөда тиянөс, дыш гурдейясөс». Сэсся калькнитис вомсө, топөдис пиньяссө и заводитис чушканзі моз дзизгыны.

— 3-3-3-3...

Қывтөм емөсьяслы абу окота паныдасыны ёсь ныра чушканзіяскөд, биысь моз полөны наысь. Крукыльтисны бөжнысө вывлань, пондисны котөртны: пышйөны, суөдны он вермы.

Сиктө воөм бөрын детинкаяслы паныд сюри беринөсь чужөма Тася. Сийө өвтчис тыртөм наберушкаөн.

— Мый ме аддзылі, мый ме аддзылі... Вотча вөлі да сэтшөма повзи, став чөдйөй кисис.

— Ми и асыным аддзылім. Тайө гидроплан либө ероплан,— тшапа вочавидзис Яша.

— Бабыд тай шуө: му вежөм пө воө. Тайө пө чөртъясыс көрт лэбачөс ыстисны йөзсө повзёдлыны,— сяргис-висьталіс нывка.

Детинаяс йөртисны мөсьяссө картаясө, сэсся кутисны лөсьөдчыны мунны карө. Сумкаө пунктисны кык иднянь, некымын пуөм картофель, лук поз. Тэрмасисны: воасны кө бать-мамныс муяс вылысь, төдөмысь, оз лэдзны.

Мөдөдчисны көмтөг, тадзнад өдйөдджык воан. Первойсө вөсьяллісны чожа, кыті котөртыштасыны, кыті подөн. Вөрса лэбачьяс дугдывтөг сьылісны-сяльгисны, тэрмөдлісны, гажөдісны карө мунысьясөс. Кокъяснысө дойдалісны посни изьяс, но детинкаяс пыдди эз пуктыны. Юыштасыны паныдасыөм шорысь васө, чышкыштасыны дөрөм сосьяенас пөсьсө и бара водзө.

Вочасөн кусі небесаын ломзыысь шонді. Сийө өні гөгыльтчис дзык нин вөр весьтөд, вот-вот сунгысяс — вошө.

Мунісны рыт, мунісны войнас, асывнас сөмын тыдовтчис Сыктыв-

динкар. Мудзөм чужөмъяс кузяыс кыкнаныслөн котөртис нюм. Сьөлөмъясыс век жө майшасисны: «Колөкө, огө и аддзылөй. Колөкө, мөдлаө нин лэбзис?»

— Ті онө төдөй, кытчө еропланыс пуксис?— полігтыр юалис Яша беддя дядьөлысь.

— Гидроплан «Смычка», тиянөс интересуйтө? Лэччөй веськыда Сыктыв ю дорас и аддзанныд,— бедьсө вадорлань чургөдліс сийө.

Воши тай кытчөкө мудзөмыд. Тэрыба на нуисны лысваөн мыськөм, изьясөн дойдалөм кокъясныс.

Берег дорын йөзыс, кызди сук вөрын пуяс. Мужичөйяс и нывбабаяс, нывъяс и зонъяс, и, дерт жө. лэчюд гөлөса челядь, натөг өд нинөм оз коль.

— Ме бөрея лок,— киөдыс босьтис другсө Яша, да кутисны писькөдчыны йөз пөвстөд. Дзескыдінад детинкаяслөн став вөлөгаыс нырсис. Қоркө тай сэсся вермисны жө матыстчыны берегань.

Гидроплан пукаліс веськыда ва вылас, быттө лөсьөдчөма искөвтны лөнь веркөсөдыс. Бокъясас сьлөн шевгөдчөмаөсь паськыд бордъяс, водзвылас пропеллер.

— Часнас сө веретысь унджык лэбзё,— чукөртчөм йөзлы висьталіс кучик картуза том морт.

— Öні ми буржуйяссыд огө полөй: асланым гидроплант эм. Уськөдчасны кө войнаөн, пузь-пазь вөчам,— сёрнитис корөсь кодь тошка дед.

— Дивө аддзылі, позьө сэсся и кувны,— лөвтис олөма нывбаба.

— Мыйла «кувны», регыд гидроплан вылас гуляйтөдны кутасыны, колөкө, тшөтш пуксьылам.

— Небесаас лэбөдасын дай...

Гидропланөн веськөдлысыяс пукалісны нин асланыс местаясын, налөн юраныс шлөмъяс, плеш вылас паськыд өчкияс. Сэсся сэтчө пыжъясөн вуджисны некымын морт, тыдалө, найөс первойөн и гуляйтөдасыны.

— Бергөдчы, Педөр, енымс ёрас!— берегыня өвтчис кос кулакнас пөч пыж нырын пукалысь мужичөйлы. Мөдыс нюмъяліс да чөв оліс.

Оні нин горзісны унаоң, óta-мөд  
вежмөн.

— Михайло Федорович, усьны кө  
кутан, Ольош дедлы тошкас кут-  
чысы!

— Сват, прөщайтчам көть лэб-  
зытөдзыд!

Горзөмъяссө венісны азым се-  
рамъяс, ёсь кывъяс. Некод, май-  
быр, эз гажтөмчы. Мыйөң кутіс  
жургыны пропеллер, йөз вылө усь-  
көдчис вына төв, нетшкис юрсьы-  
ныс картузьяссө, чышъянъяссө, ко-  
йіс чужөмъясас ва да лыа. Но бе-  
рег дорысь некод эз пышійы, быдөң  
виччысисны, мый лөө водзө.

Бордъя лэбач вөрзис места выв-  
сьыс, заводитіс пжъяснас гөрны  
васө. Ок, мый сэки вөчсис берег до-  
рын: өтияс чеччалөны, мөдъяс өвт-  
чөны киясананы, чышъянъясананы.  
Яша ылөдз котөртіс берег пөлөң, но  
регыд коли вына гидропланысь. Сійө  
кыпөдчис и кыпөдчис, сэсся кар гө-  
гөрыс вөчис кытш да лэзис водзө.

Матө час сулалісны йөзсы да ви-  
дзөдісны энэж. Көстя заводитіс нин  
шөгсьыны: «Мый нө сы дыра оз бер-  
гөдчы, пуксьөмсө колө видзөдлыны».

— Локтө! Локтө!— горөдіс кодкө,  
и ставөң топөдчисны ю бердө.

Гидроплан и збыльысь мыччысис,  
өдйө лэчис увлань да матыстчыс  
сійө местаас, кытысянь кыпөдчис.

Кор моторыс дугдіс уджавны да  
гуляйтысьясөс петкөдісны берегө.  
юасьөм-висьтасьөмъяслөң эз вөв  
помыс.

— Лөсьыд... ок и лөсьыд! Ыб сикт  
весьтөдз пыйыштлім өти здукөң.  
Подөң кө, лунтырөң эг волөй,— быт-  
тьө эз висьтав, а мойдіс Михайло  
Фёдорович.— Со кутшөм машина  
мианлы лөсьөдіс Совет властьюд.

Сэк кості гидропланө пуксялісны  
нин мукөдъяс. Лэбавны окогитысь-  
яс пыр содісны и содісны.

А Яшалы вөлісь дум вылас уси  
гортыс. Мамыс, көнкө, ёна нин вид-  
чө, да и мөссө некодлы йирөдны.  
Сэсся зэв окота лөи өдйөдзык воөд-  
чыны сиктө да висьтавны другьяс-  
ыслы аддзылөмтор йывсьыс.

Собөд сиктса нывкаяс да зонкаяс  
пысы Яша да Көстя талун вөліны  
медся шудабсь.

## Көрт вөв

Бівлаын тулыс. Лун и вой жургө-  
ны шоръяс. Шонділөң югөръясыс  
шоньдөсь, меліөсь: гильөдөны чу-  
жөмтө, ворсөдчөны, оз тшөктыны  
гажтөмчыны. Пөрыс козьяс вылын  
өшалөны оз гыряс колязьяс. Қав-  
шасьлан пу вылас — картузыд тырө  
вотөсөң. Шоръяс пөлөң сярвидзөны  
вижъяуръяс. Гөртөм муяс вылын  
чурвидзөны ёсь йыла зумыд кузьяс.

Челядь локтасны школабсь да  
котөрөң сикт сайө. Сэні пөттөдзыс  
позьө чөсмасыны тувсов козиньясөң:  
колязийөң, кузийөң, небыдик шом-  
корөң. Сэсся, дерт, ворсны да га-  
жөдчыны.

Яша көть велөдчис нин карын, но  
быд шөйччан лунө волювлө Собөд  
сиктө. И кызди он волю, кор мамыс  
сы локтігкежлө быд чөскыдторө  
пуас-пөжалас: рыська шаньга, пувъя  
пирөг, льөмъя ляз, чөдъя кисель.  
Ставыс найө веськалөны детинка  
вомө. Сиктө сійөс кыскө и мөдтор:  
вежон чөж карын олігөң ёна бырө  
гажыс другьяссыс, кодыскөд өгла-  
ын велөдчылісны, ворслывлісны, ис-  
лавлісны джуджыд кырясөд ас вө-  
чөм лямпаясөң, лызьясөң. Көть  
карад и гажа, но чужан сиктыд  
Яшалы кажитчө медся мичаөң да  
матысаөң. Гөгсюрөснас сійө көрта-  
сьөма сэтчө.

Со и талун велөдчысь воис гортас!  
Другьясыс, вөлөмкө, виччысьөны  
нин сійөс. Эз на удит матыстчыны  
сикт помланьын сулалысь керка до-  
рас, кызди уськөдчисны сылы па-  
ныд, заводитісны юасыны да вись-  
тасыны.

Яша бөръя восө төдчымөң нюжа-  
ліс, юрсыны лөи ещө на сьөдджык.  
Тшөтшьяясыс весиг вежалөны сылы.  
Детинкаяс пөвстын эз тыдав Көстя.  
Яша пыр жө юаліс, көні сійө.

— Колхозса председателёс  
районө нуис, Иван Кузьмичөс,—  
став пыддиыс вочавидзис Тася.

— Төдан мый көсйөмабсь сетны  
миан колхозлы,— шыясис Көстялөң  
ичөтдзык вокыс, сэсся ачыс и вись-  
таліс:— Трактор, вот мый. Сійөң и  
муніс Иван Кузьмичыд районас.

— Тэ, колөкө, аддзылін нин көрт  
вөвсө,— водзлань петіс Тася да шө-

ыда видзодліс Яшалы юрси кодъыс жё сьод синъясас.

Детинка котъ карын олігөн унатор нин адззыліс, но трактор некөн на эз усылы син улас.

— Эг адззыв, пөръявны ог косьы,— кыліс воча кыв.

— Ачуд ещю карын велодчан!

Яша Тасялы карыс вайис зэв мича альбом, но детинкае дырйи сетны эз лысьт, серавны кутасны ещю. Сэсся пырис гортас сёйыштны, а челядь кольччисны виччысьны сійёс ошинъ улас, мед отвылысь кайлыны Вылыс грездо, качайчыштны сэнні юръяс кольмытөдз.

Мамыс эз на удит чөсмөдлыны писо сы воигкежлө дасьтөм вөлөгайн, кызди ошинъ улын заводитисны горзыны.

— Костя локтө! Костя!

Детинка сюйис юрсө восьса ошинь и ылысян на адззис өйдю матыстчыс вөлаёс. Телега көзла вылын пукаліс Костя, кепкатөм, пинжак кежыс, еджгов юрсиыс шавкнитчөма. Кор вөв орччөдчис паныд петыс челядькөд, Костя мый вынсыс элөдіс вөжжисө да сувтөдіс тэрыб кокаяс рысакөс.

— Мый нө сувтин, вөтлы,— синъяссө восьтис телегаын вугралыс председатель.

— Локтө! Тракторыд локтө! Чож мельница дорын нин ми сійөс пановтим.— Адззис другсө, нюмъөвтис сылы, петкөдліс еджыд пиньяссө.— Важөн воин? Петалан жө од гуляйтныд?

— Висьталөй бать-мамидлы, медым чукөртчөны правление дорө,— зонкаяс да нывкаяс дорө шыасис Иван Кузьмич.

— Ставные нин сэнөс, виччысьоны правление дорын.

— Ой, кызди мунө, көльөсаясыс со кутшөмөсь.— Костя көсийс петкөдлыны кинас, но сэк кості рысак нетшыштчис водзлань, виччысьтөгыд детинка тимбыльтчис председатель вылө. Ставөн серөктисны.— Честной пионерской. Гөрны пө и вөр кыскавны кутас. Сідз өд, Иван Кузьмич?

— Асьныд регыд аддзаннит,— нурбылтіс мөдыс, сэсся таппитис ямщиклы мышкас.— Вөтлы, нуръясьыштны на колө пыравны гортө.

Костя гораа шутөвтис, и телега өйдю гөгыльтчис тєпканъяса туй куза. А зонка котыр тэрыба мөдөдчисны машиналы паныд.

Яша да сьлөн ёртъясыс котөртисны нин вель ылөдз. Тувсов шонді вөтчис на бөрся, эз көсийи кольччыны. Трактор некөн эз тыдав. Тупыль кодъ кыз Вася мудзис, пөсяліс, сэсся пуксис туй бокө.

— Таңи виччысьламө. Мыйла прөста кокъяснымөс песны.

Но некод эз кывзыс сылыс, котөртисны и котөртисны водзө. Недыр мысти сөмын вылыс сувтыштлісны. Яша топөдчис пельнас му бердө, пондіс кывзысьны.

— Кылө! Кылө!

Панласигтырйи төвзисны ещю на ярджыка, некод эз көсийи кольччыны. Регыд и паныдасисны көрт вөвкөд. Сійю локтис мургігтырйи. ыджыд да ён, ёс пиньяснас парсалө мусө, бөрсянныс колө уна серъяс. Детинкае кежисны туй бокө, кодсьорө дзєбсисны пуяс сайю. Трактор вылын пукалыс том морт мыйкө, кылө, горөдіс, но кылан өмөй татшөм шумнас.

Мургө да мунө трактор сиктлань, туйыс сы улын тіралө быдсөн. Корсьорө ас дінсыс сьөлыштас тшын ёкмылы, и нырад пыр жө өвтыштө карасин дукөн. Ас бөрсяс сійю кыкө уна амыса плуг. Детинкае оз кольччыны машинаыс, кашкөны, пошиктөны, но вөтчөны.

Мыйөн трактор пырис сиктө, паныдасис сылы вөв. Пеганөй вөв чошнитис пельяссө, сувтліс бөр кокъяс вылас, сэсся тай кызди чепөсьяс бөрвыв, чеччыштас матыса йөрө, став потшөсьяссө повзьом вывсьыд кысбтис. Челядьлы теш да серам вөчис. Ошкыс кө, колөкө, омөлджыка повзис.

Трактор бөрсянъ правлениелань люзьгисны йөз. Ставөн, кодъяс вермисны асланыс кокъясөн петны ывлаө, энөвтисны керкаяснысө, көсийсны видзөдлыны некор на адззывлытөм машина вылө. Весиг Яшалөн бабыс ваткыльтис-петис ывлаө да заводитис помывв чөвтавны пернапасъяс. Гашкө, чайтис, мый өні нин збыльыс воө «му вежөм».

Правление дорын көрт вөлөс вич-

чысисны, гашкё, вите морт. Тракторист муртеа сувтёдіс машинасё, кызди сійёс кышалісны, юасьёны и юасьёны.

— Сэсся нё он и пов пуксьынысы вылё? Пёрёдас кё либё ваё кыскас?— шензис школаса стёрёжика.

Быдён асланыс киясён малалісны тракторлысь ыджыд кольёсаясё, бергалісны плуг гёгөр, катлёдлісны юрнысё.

— Татшём ыджыд плуг ётнас оз жё вермы ыкскыны?— эскытёма юасисны колхозникьяс.

— Лои жё оландырыд: гөрны и кёдзны машинасён кутам.

— Кёсьяд кё видзёдлыны, кызди тракторыс гөрё, позьё петкёдлыны,— шыасис Иван Кузьмич сиктсаяс дінё.

— Видзёдлам, видзёдлам!— матё сё морт ётпырйё шыасисны.

— Тёда, эськё, мудзин, но ёна корёны да уважит нин,— том мортлы паныд сувтис председатель.

— Позьё,— нюжёдыштис мёдыс. Трактористлы индісны, кыті гөрны. Трактор бёрся мёдёдчисны ставён: пёрысьяс и томьяс, нывбабаяс и челядь. Детинкаяс водзвылас котёртёны, любё, мый панийёны машинасё.

Тракторист кык кытш и вёчис ставсё, а гёрис сы мында, мый ёти вёлён кё, быдса лун ковмис кытшлавны-гөрны.

— Оз пёсяв ни оз мудз, и плеть оз ков, ачыс мунё,— дивуйтчисны мужикьяс.

Ёні быдён асланыс синъясён адзисны, кутшём бур вёв сетёмаёсь колхозлы.



---

ЛОСЬЁДЧЁНЫ ЫДЖЫД ПРАЗДНИК КЕЖЛЁ.

Фото И. Петровлён.



## ЛОВЗЬОДӨМ МУ

Царскöй сенатлөн комиссия шуис: Коми му — сийö некодлы ковтöм, некытö шогмытöм, шыблас му. И тадзё вöлi шуöма эз кыксё, ни эз сё во сайын, а революцияöдз сöмын кык во водзджык — 1915 воын. Гырысь николаевскöй чиновникъяс эз первойысь петкöдлыны ассыныс «вежöрнысö», эз первойысь петкöдлыны, мый налы дзик веськодъ, кылзи олöны великöй странаса народъяс. И, вермас лоны, сюрис кö нёбысыс, найö эськö вузалiсны тайö мусö донтöм доныс, кызди сё во сайын вузалiсны американецъяслы зарни Аляска.

А öд тайö «шыблас» му пытшкас вöлины уна сё миллиард тонна медся бур из шом, кодлы мирöвöй рынок вылын доныс абу, быдса море нефть, газ...

Но тайö зэв озыр муыс збыльысь кажитчис шыблас муён. Сöмын кöнсюрö купечьясөн медалöм артельяс порöдiсны вёр. Но и тайö гежöдиник артельясыслы помтöм пармаын уджыс эз судзсыв. И кер порöдысыяслы лöб вöлi ас вöрысь муны Уралö, заптыны сэтчöс металлургическöй заводъяслы пес.

Революция вежис царскöй сенатлысь приговорсö. Октябрь бöрын некимын тöлысь мысти нин Владимир Ильич юасис Ухтаса нефть да Печораса из шом йылысь. Маяковский öд эз прöстö шу Ленин йывсыс: «адзö вöлi сийöс, мый кадыс сайöдö». Сэксянь со и заводитчис «шыблас» муяслөн выль олöмыс. Сэтчö кутiс локны öния ыджыд индустрия.

Талун ми частö казъывтам, мый коми республикалөн промышленнöй производствöс революцияöдзаса кад серти содiс 160 пöв, мый öни ми кык суткиөн вöчам сы мында продукция, мыйта вöлi вöчöма быдса 1913 во чöжөн. Локтан во ми шуам выль лыдпас — 170 либö 180 пöв. Пятилетка пом кежлö — 240 пöв. Сулалсö мяянлысь талунъя делъяснымöс муртавын тайö мерканас? Вывтi нин сийö важмис, вывтi нин лои ичтö. Он жö öд кут стöканъясөн мерайтны море, либö килограммъясөн сийö из шомсö, кодöс талун перйöны Печорскöй бассейнын. Висталам стöча да прöстъя: Сöветскöй власть чужтiс социалистическöй индустриальнöй Коми республикаёс, быдтiс

сийöс да, кызд шуласны, «морт туй сетiс».

Весиг зэв сюсь морт оз вермы водзвыв стöча тöдны, кызд артмас сылөн олöмыс. Торйөн нин миян кадö, кор рöднöй мулөн историяыс омöлик вöв вывсынь быттьöкö сölis вына да тэрыб машина вылö. Вермисны öмöй тöдны, мый найöс виччысьö, сиктса со тайö кык зонкаыс — Ваня Иевлев да Саша Паромов?

Найö пöшти тшöтшъясь ас костаныс да тшöтшъясь сiдз жö и первой пятилеткаяслы, индустриализация заводитчан кадлы. Та серти и тэчис налөн олöмыс.

Коркö кызьöд вояс помын войвывса кык сиктын чужисны кык детинка. Нинöм, дерт, торъяыс сэн абу.

А тайö кадö металлөн gryмакылис первой пятилетка. Быдмисны Днепрогес, Магнитка, Кузбасс. И на сайыс эз унаөн казаялыны, мый Воркутаö да Ухтаö вöлi мөдöдöма кык экспедиция.

А 1934 воын Ваня да Саша вермисны нин гырысьджык йöзсян кывлыны, мый Заполяръеын первой шахтаысь перйöма первой из шом. Но и сэк на найö, дерт, эз тöдны, мый сыкöд лöб йитчöма налөн олöмыс. Тайö из шомыс «восьтiс» горнiй техникум, кытчö сизим класс помалöм бöрын найö локтiсны велöдчыны. И лонны найö техникъясөн, сэсся инженеръясөн. А öни из шом перьян Печорскöй бассейнын öдвак сюрас морт, кодi эськö эз тöд Паромовс да Иевлевс. Öд найö веськöдлöны бассейн пасьята нималысь шахтаясөн.

Александр Паромов — Воркутаын кызь сизимöд шахтаса начальник. Тайö шахтаыс быд лун перйö нель тысяча сайö тонна из шом. А таыс кындзи, сийö важөн нин лоис муувса зэв ыджыд лабораторияөн, көнi испытывайтöны медся выль горнöй техника. Испытывайтöны, тöдмалöны да заводитöны уджöдны. Паромов — смел инженер. И сылөн тайö смеллун вöсна кымынкö во сайын заводъяс эз дугдыны вöчны из шом перьян комбайн «Урал-2М», кодöс бракуйтiсны странааса из шом перьян став бассейнтяс. Александр Паромов юрнуöдöм улын кызь сизимöд шахтаса горнякъяс босыт-

чисны «велодны» ыргъан машинабс. Чорыда сибдъчылысны сы днѳ новаторыяс-лѳн вежърыасыс да киясыс. И регыд тайѳ «шогмытѳм» комбайннас шахтаын тѳлыс чѳжѳн перйсны 45 тысяча тонна из шом. Тайѳ вѳлѳ всесоюзной рекорд.

Сэсса бара жѳ кызъ сизимѳдын медводз заводитысны уджѳдны из шом перьян медся выль комплекс да шахтѳй лаваѳ пѳртисны гажа цехѳ, кѳнѳ ломзѳбны лун югыд сетыс лампаяс. А сэсса ОМКТ комплекс бердас «йтисны» водзѳтджык «велѳдѳм» «Уралсѳ» да бара шедѳдисны всесоюзной рекорд.

А ѳнѳ кызъ сизимѳдыс — Печорскѳй бассейнын медся ѳна механизируйтѳм да автоматизируйтѳм шахта. Да сѳтшѳм шахтаыс и страна пасътаыс лыда. И тайѳ шахтасѳ водзѳ нудѳѳ Александр Паромов — войывваса синтыс вѳвлѳм зонка, кодѳ чужис сѳйѳ кадас, кор индустриализация заводитѳ вѳлѳ вѳчны первой воськовъяс.

Пѳшти тайѳс жѳ позѳ висьтавны Иван Невлев йылыс да шахта йылыс, кодѳн сѳйѳ веськѳдлѳ — Интаса пасъкыда нималыс ѳкмысѳ д шахта йылыс. Республикаын тайѳ дзик на ѳти шахталы сетѳма коммунистическѳя уджалыс коллективлыс ним; сѳйсѳ наградитѳма Трудовѳй Красной Знамя орденѳн. Интаса ѳкмысѳд шедѳдѳс сѳтшѳм экономической показателыс, кутшѳмъясѳн вермис эсьѳ гордитчыны странаса любѳй шахта. Эз ѳд весьшѳрѳ коммунист Иван Васильевич Невлевѳс бѳрыны СССР Верховной Сѳветса депутатѳн. Вот тапшѳм йѳзѳс кыпѳдѳс социалистическѳй индустрия мян Коми муын, кодѳс царскѳй чиновникъяс шулысны некодлы ковтѳм, шыблас муѳн. Некодлы ковтѳм... Кутшѳм тешкодъѳс ѳнѳ тайѳ кывъясыс.

...Воркутаын видзѳны Ленсѳветлыс знамя Ленинградны эм Печорскѳй улича. Найѳ висьталѳны великой дружба да братство йылыс, кодъясѳс йнтѳма вирѳн да пѳсѳн. Из шом перьян Печорскѳй бассейн сѳмын на вѳлѳ чужѳ. Ина тѳвъясѳн сквѳзъ кынтѳм му вылын кыпѳдчисны шахтаяслѳн первой копѳръяс, кор заводитчыс Великой Отечественной война. Регыд Воркуталы ковмис вежны Донбассѳс. И вѳлѳ вѳчѳма адзывлытѳм на подыг. Вывѳт сѳбкыд условиясны Заполярбеса шахтѳръяс ѳдѳй содгысны из шом перйѳм, а строительяс нудѳдсны Заполярной кочегарнаѳдз стальнѳй магистраль. Сѳйѳ лоис врагъысн кытшалѳм Ленинградлы «олѳм сетыс туйлѳн» войладор помнас, и мян из шом отсалѳс Ленинград дорйыс мужественнѳй йѳзлы дорйыны тайѳ каргеройсѳ, отсалѳс нѳйтны враѳс.

Сѳйѳ кадсянныс Печорскѳй бассейн ѳна сѳвмис. ѳнѳ сѳйѳ лоис странаса Европейскѳй Войвылын лѳмтас перьян главнѳй базаѳн, кодѳ «вердѳ» из шомѳн зѳв ыджыд металлургическѳй заводѳс — Череповецкѳйѳс. Воркутаса зѳв бур из шомыс Череповецса металлургъяс вѳчны сѳтшѳм кокс, кутшѳмыс мир пасъта абу.

И тайѳ кокс отсѳгѳн сѳйѳ жѳ Череповецъяс доменскѳкыяс «уджѳдѳны» доменнѳй пачаясѳс сѳдиз, кызѳн эѳ на «уджѳдлыны» мирас.

Но из шомыс колѳ пыр уджык и уджык. И Воркутаса да Интаса горнякъяс воысѳ-во, лунысѳ-лун содтѳны ѳдъяс. Семилетка чѳжѳн найѳ сетисны планыс вывѳт куйм миллион сайѳ тонна лѳмтас. ѳнѳ бассейнас горнякъяс вѳнас сетѳны страналы 18 миллион сайѳ тонна из шом. А водзын — выль гырысѳ могъяс, кодъясѳс сувтѳдѳс Сѳветскѳй Союзса Коммунистическѳй партиалѳн XXIII-ѳд съезд. И шахтѳръяс дасъѳс пѳртны найѳс олѳмѳ. Тайѳ дасълуноѳ найѳ петкѳдлѳны асланыс быдлуныя уджѳн — ыджыд производительности уджѳн. ѳд из шом перйѳмсѳ Печорскѳй бассейннын колѳ содтыны рабочѳйяслыс лыд содтытѳг. «Лоѳ вѳчѳма!» — шуны горнякъяс. Чорыда эскѳмѳн шуѳны, сы вѳсна мый уна показателыс серти найѳ талун нин вѳѳдчисны странаса медбур шахтаяс выйѳдз.

Тадзы талун уджалѳны мян шахтѳръяс. Но мян республика озыр абу сѳмын из шомѳн, кѳтъ из шомыс и бѳсѳтѳ сылѳн народнѳй овмѳсын мѳд места.

Первой местаас век жѳ вѳр, вѳр промышленность. Вѳрсѳ мыйтакѳ лѳдзлысны и революцияѳдз. Но ѳния вѳр промышленностыс чужис сѳветскѳй кадѳ. Сѳмын сѳг сѳйѳ лоис народнѳй овмѳслѳн индустриальнѳй юкѳнѳн. 19 кымын миллион кубометр вѳр — революцияѳдзса серти кызъ вит пѳв уджык сетѳны ѳнѳ страналы мян вѳр лѳдзысыс.

Коркѳ вѳрсѳ пѳрдѳлысны черѳн да пѳперечнѳй пѳлаѳн. А ѳнѳ черѳ аддзан сѳмын увыисысыс кысыс. Вѳрын горалѳны трелевочнѳй тракторъяс, кодъясѳс мѳдѳдѳс мянны братскѳй Карелия, таргыны бензопилаяс, кодъяслѳн «Дружба» нимыс нин висьталѳ странаса народъясѳс ѳтувтыс вынѳбра чувство йылыс. А мян республикаын чужѳм агрегатнѳй машинаяс уджалѳны и вель уна мукѳд областыасын да республикаасын, кыпѳдѳны мян республикалыс бур слаасѳ.

Бур слава... Сѳйѳ сѳдз жѳ шедѳдсѳб бур уджѳн, бур продукцияѳн, кодѳс ми сетам Рѳдиналы.

Ухтаса нефтеперерабатывающѳй завод сетѳ зѳв бур строительнѳй битум. Тайѳ битумыс вѳчѳм асфальтѳн вевтѳѳма Москваса уна уличаяс да площадъяс. А Ухтаса заводын вѳчѳм лакѳвѳй битум позѳѳ аддзыны ГДР-са, Болгарияса, Венгрияса, Чехословакияса предприятиеясыс. Мирса уна дас государствоясѳ нудны Воркутаса из шом да Жешартса фанера, бур коми вѳр да Ухтаса «Прогресс» заводлыс продукция. Нималѳны тайѳ товарясыс мировѳй рынок вылын. А тайѳ нин кыпѳдѳ ставнас мян сѳветскѳй державалыс авторитетѳ.

А со дзик неважѳн — кымындыс нин — республикалыс бур слаасѳ водѳ кыпѳдѳны геологыс — йѳз, кодъяс корсѳны му пытшкѳсса озырлуныс.

Найб адвсны Вуктылбс, коні «дзэбма» 200 миллиард кубометр газ. Геологъяс шуоны, мый тайб сѳмын на заводитчѳм. И налы позѳб ѳскыны. Найб докжитисны тайбс. Кызъ вит во сайын на, сѳбкыд военнѳй нелямын кыкѳд воын, мян медводдза геолог Александр Александрович Чернов висьталіс, мый Тѳбукын эм нефть. А талун Тѳбукусь нефтепроводіт визувтѳ сѳд зарни, вонас сійб сетѳ кык миллион сайѳ тонна нефть.

Тѳбук — нефтьлѳн медся том да медся ыджыд месторождение на лыдысь, кодъясъ ѳнѳдз аддѳма (тѳдѳмысь, лѳ на аддѳма ѳна ғырсыджыкъясѳ). Медся том... И тані бара тыдовтѳчѳ индустриальнѳй прогреслѳн выныс. Прогрессѳ вѳчѳны йѳз, а ачыс сійѳ кыпѳдѳ йѳзсѳ. Сідз, Тѳбук быдтіс уна том нефтяникъясѳ, кодъяс вермѳны решайтны медся сѳбкыд проблемаясѳ, быдтіс том, ѳнія инженеръясѳ да рабочѳйясѳ. Медся «пѳрысыс» Тѳбукскѳй нефтепромысловѳй управлениен сѳтѳс начальныкыс — Василий Чубирко. И сылы сѳмын на комын куим арѳс. Томѳс главнѳй инженер Алексей Бровенко, промыселса начальник Александр Зерунов. Да кодѳс он босыт, пѳшти ставыслы комынысь ѳтшаджык.

Том, энергичнѳй, смел йѳз уджалѳны Тѳбукун, дугдывтѳг корсѳны пыр мыйкѳ выльѳс. И абу дивѳ, мый нефтянѳй месторождениеяс эксплуатируйтан уна методъяс Тѳбук пыртіс странаын медводз. Абу дивѳ, мый Тѳбука нефтьлѳн себестоимостыс — странаын медся донтѳмъяс пын. Абу дивѳ, мый Тѳбукускѳй нефтепромысловѳй управлениеса коллектив 1966 воын куим квартал чѳж босытіс СССР-са нефтедобывающѳй промышленности кузя Министерствѳын первой места да кутіс всеѳсоюзнѳй социалистической ордѳйсыѳмын победительяслыс Гѳрд знамя.

Но том абу сѳмын Тѳбук. Том и Коми республикалѳн талунъяс став индустрияяс. Сійѳ воысь-во сѳвмѳ и томмѳ. Вѳрса туйястѳ мунѳны вѳр кыскал вына выль машинаяс, из шѳм пластъясѳ «йирѳны» выль горнѳй комбайнъяс да быдса механизируйтѳм комплексъяс, республикаын аддзылытѳм на техника нѳжѳдѳ Вуктыл — Ухта — Череповец — Торжок газопровод, Печоратѳ тѳвзѳѳны ваува бордъяса первой суднояс, Севернѳй магистральса железнодорожникъяс велалісны нин «вѳдичыны» тепловозъясѳн, мянны абу нин выльтѳр вына турбовинтѳвѳй воздушнѳй лайнеръяс.

Бѳръя воясѳ лѳсѳѳдѳма ѳнія строительнѳй индустриялысь зумыд подув. Пу да кирпич пыдди главнѳй «стрѳитчысыяс» лоины бетон да железобетон. ғыркъяс панельясысь вѳчѳм вит судта керкъясъс быдса кварталъяс да микрорайонъяс кыптисны Воркутаын да Сыктывкарын. Керкъяс стрѳитысь кык комбинат — Воркутаса да Сыктывкарса —

текумын пѳв ѳддзѳдѳсны стрѳитчѳмсѳ.

А талун нин стройиндустриялысь базасѳ колѳ сѳвмѳдны ещѳ ѳйѳдджык, сы вѳсна мый сы водзѳ сувтісны выль ғырысь могъяс. Печорскѳй бассейнын заводитисны уджавны куим ыджыд шахта — кызѳѳд да Юнь-ыгаса — Воркутаын, дас витѳд — Интаын. Бѳръя кыкыс сетѳны вонас 1200 тысяча тоннаи из шѳм. А Воркутаын стрѳитсѳб нин выль шахта — Воргашорса первой шахта, кодѳ кутас сетны воѳн 4,5 миллион тонна из шѳм. Татшѳм ыджыдыс весиг страна пасъта на абу.

Вуктылын стрѳитсѳб ыджыд газѳвѳй комплекс. Джьерын, Пашняын, Мичаюын да мукѳдлаын кутісны освоитны неважѳн вѳсыѳм нефтянѳй месторождениеяс. Ярегаын вѳсыѳма зѳв ыджыд месторождение титанлысь, кодѳс шуѳны кызѳѳд нѳмса металлѳн, Удораын да Троицко-Печорскын — вѳрзѳѳдлытѳм парма. Ставѳб тайѳс индѳма нин вѳчны. А геологъяс шуѳны, мый кад нин босытчыны Помѳсдинса бокситъяс бердѳ да на подув вылын лѳсѳѳдны республикаын алюминийевѳй промышленность. Виччысѳѳны ассъыныс ѳчередь Сереговса совъяс. Некумын во нин изыскательяс корсѳѳны, кыдзи ѳжваса да Печораса ва бурджык бергѳдны Волгаланы. Тайѳ проблемасѳ решитѳмыс сетас позянлуи заводитны использоватьны республикалысь гидроэнергетической ресурсъяс, да сійѳ кутас сетны зѳв уна электроэнергия странааса став Европейскѳй Войвывлы.

Да, нѳм джынѳн Коми республикаын зѳв ѳна кыптис индустрия, чужис да сѳвмис рабочѳй класс. Татшѳмѳс диалектикалѳн законъясыс.

Но индустриализация развивайтѳмкѳд тшѳтш республикаын чужис да сѳвмис эз сѳмын рабочѳй класс. Чужис да сѳвмис и мян асланым интеллигенция. Уна дас тысяча инженеръяс да техникъяс, промышленностьса руководящѳй работникъяс локтисны Москваса, Ленинградса да мукѳд технической учебнѳй заведениеясъс. Ачыс республика сідз жѳ гѳтѳвитѳ аслас промышленностьлы пыр унджык кадръяс. Уна тысяча зѳв квалифированнѳй специалистѳс сетисны Ленинградскѳй лесотехнической академиялѳн Сыктывкарса филиал, Ленинградскѳй горнѳй институтлѳн Воркутаса филиал, Воркутаса горнѳй, Интаса индустриальнѳй, Ухтаса горно-нефтянѳй, железнодорожнѳй да лесотехнической техникумъяс, Печораса речнѳй училище.

«Шыблас» му, мян сурѳвѳй да кѳдзыд Войвыв Советскѳй властылѳн вегымын во чѳжѳн лѳи экономика боксян зѳв развитѳй республикаѳн, конѳ кыптис ыджыд да уна отрасля индустрия. Да и вермис-ѳ лоны мѳд ногыс? ѳд ачыс мян стрѳитыс сѳтшѳм. Строй, код дьыйн ѳйѳ да план серти развивайтѳѳны странаын олысь став нацияс да народностыяс.

## Коммуса гижысьяс — юбилейлы

Пермскӧй областын эм Коми-Пермяцкӧй национальнӧй округ. Коми АССР-са уджалысь йӧзлы мян оланінным тӧдса и мӧд нимӧн — Коммуӧн.

Ӧткодь кывъя мян кык литератураным сӧвмисны Сӧветскӧй власть воясӧ быттьӧ ӧти пулӧн кык вож. Коми-пермяцкӧй гижысьяслы ыджыд отсӧг сетісны Коми сӧветскӧй литературалы подув пуктысьяс, торйӧн нин Небдінса Виттор, кодӧс мянын тӧдӧны да радейтӧны сідзи жӧ, кызди и ас чужан муас.

Коми-Пермяцкӧй литература панысьӧн ми шуам Михаил Павлович Лихачевӧс. Сылӧн петалісны торъя книгаӧн висьт да кывбур чукӧръяс, а сідз жӧ ыджыд повесть мянын гражданскӧй война йылысь — «Мирош, войтырлӧн пи». Михаил Павлович вӧлі бура тӧдса воддза коми гижысьяскӧд, ветліс мянсянь делегатӧн писательяслӧн Ставсоюзса медводдза съезд вылӧ, кӧні аддзысьліс да сӧрнитіс М. Горькийкӧд.

Кӧть он нин ӧткодяв ӧнія Коми-Пермяцкӧй литература коркӧяыскӧд, ми век кутам казтывны бур кылӧн М. Лихачевӧс, А. Зубовӧс да мукӧдӧс, кодъяс колісны мянлы бур туй ыджыд литератураӧ. Ӧні мян писательяс Союзса квайт член, мӧд ног кӧ шуны, бура сӧвмӧм квайт гижысь. А сідзсӧ мян гижысь котырным ӧна ыджыдджык — кызыысь унджык морт. Кодсюрӧлӧн эм нин книгаӧн морт вылӧ: кодлӧн — висьт чукӧр, кодлӧн — кывбур чукӧр. Дзик на ӧні, шуам, мян издательство лэдзис торъя книгаӧн висьтъяссӧ том автор Семен Федосеевлысь, кодӧді удитіс нин петкӧдлыны асьсӧ зэв сяммысь мортӧн.

Ассыным выныяснымӧс артыштӧм бӧрын мян чужис мӧвп востыны округаным писательяс Союзлысь торъя отделение. Чайтам, мянлысь корӧмнымӧс могмӧдасны. Сэки мян лоӧны нӧшта на гырысьджык позянлунъяс гижӧм вылӧ.

Матысмӧ Сӧветскӧй властылӧн юбилей. Мед не локны сэк кежлӧ куш киӧн, коми-пермяцкӧй гижысьяс зіля уджалісны бӧръя кадас, и ӧні ӧти бӧрся мӧд петкӧдчалӧны налӧн уджъясыс виль книгаясӧн. И тані медводз колӧ пасыны «Шондіа му» кывбур чукӧрсӧ мян медпӧрысь поэтлысь — Николай Васильевич Поповлысь. Сійӧ важ мозыс том сьӧлӧмӧн сьылӧ Коми мунымӧс, виль олӧм тэчысь йӧзӧс. Нель во чӧжӧн гижӧм кывбуръясысь медбуръяссӧ пыртіс поэт тайӧ книгаас.

Быд во ми вӧчам козин посни лыддысьсысялы — лэдзам «Бичирок» книга, кытчӧ чукӧртам виль висьтъяс, кывбуръяс, мойдъяс да ворсанторъяс уна авторлысь. Челядьлы воӧ сьӧлӧм вылас тайӧ книгаыс, и найӧ радпырысь виччысьӧны сійӧс. Тавоя «Бичирок» петіс жӧ нин.

Коми-пермяцкӧй поэтыяс воысь-во гижӧны виль сыланкывъяс. Найӧ уджалӧны ӧтвылысь Кудымкарса композитор Александр Клещинкӧд, кодӧді бура тӧдӧ да радейтӧ коми кывлысь мичлунсӧ. Таво Алек-

сандр Клещинлөн петіс медводдза книжка, кодӧс ёна нин виччысисны миян округса съывны радейтысьяс.

Миян лыддысьысьяслы бура тӧдса нимыс Иван Мининлӧн. Сійӧ ӧттшӧтш поэт и прозаик. Во заводитчигас на ми видлалім сылысь вильӧн дасьтӧм кывбур чукӧрсӧ да ошким. Ӑні сійӧс позьӧ нин аддзыны книгаӧн миян магазинъясысь. А матысмьысь ыджыд праздник кежлӧ Иван Минин удитіс помавны виль повесть «Кӧин ордын»— сы йылысь, кызди пионеръяс отсалӧны эрдӧдны лёк мортӧс. Тайӧ повестьыс вуджӧдсьӧ нин роч вылӧ Пермь, а комиӧн, тыдалӧ, водзджык петас Сыктыз-карын, «Войвыв кодзув» журналын.

Колӧ шуны, мый «Войвыв кодзув» журнал зэв ёна отсалӧ миянлы, ышӧдӧ водзӧ гижны, кор сетӧ мыйкӧ миян гижысьяслысь. Таысь ми висьталам зэв ыджыд аттьӧ Коми АССР-са став гижысьяслы.

Дась нин торъя книгаӧн лэдзӧм вылӧ и Степан Караваевлӧн виль кывбур чукӧрыс, кодӧс сійӧ нимтіс «Мича шорӧн». Таысь кызди Степан Караваев эштӧдіс поэма «Анна Хомякова», миян округын Сӧветскӧй власть лӧсьӧдӧм йылысь, а сідз жӧ гижис кывбура текст «Пера-багатыр» сюиталы. Тайӧ сюитасӧ миян самодетельной артистьяс сьылісны весиг Ставрокыса бӧръя смотр вылын.

Пермын рочӧдӧмӧн петіс кывбур чукӧрыс Михаил Вавилинлӧн. Книжкаыс шусьӧ «Сосновый воздух». Сэтчӧ поэт сюйис ассьыс медбур кывбуръяссӧ, кодъясӧс бӧрйис миянкӧд ӧтлайн.


Миян абу асланым журнал, и тайӧ сьӧктӧдыштӧ туйсӧ миян гижӧдъяслысь лыддысьысьяс дінӧ. Но ми быд во лэдзам литетатурно-художественной альманах «Иньва». Таво сійӧ петас буретш юбилей кежлӧ. Очеркъяс, висьтъяс, ӧти акта пьесаяс, кывбуръяс, виль гырысь гижӧдъясысь юкӧнъяс — мый чужис миян ки помьысь бурджыкыс, ставыс пырас сэтчӧ.

Поэзия да проза сӧвмӧм вылӧ кӧ миянлы элясьны нинӧмла, то драматургиянад ми кольччам на. Та йылысь висьталӧ и ӧкжужной драматрлӧн афишаыс, кытысь бӧръя воясас ми эгӧ аддзылӧй ньӧти коми пьеса ним. И нимкодъ лои миянлы, кор тӧдмалім, мый театрын видлалӧмаӧсь да шуӧмаӧсь сувтӧдны 50-ӧд Октябрь кежлӧ Спиридон Можавельсь драма «Юргӧ парма».

Юбилей кежлӧ лӧсьӧдчӧмыс миян абу сӧмын гижӧмын. Ми тшӧкыда волывлам школаясӧ да техникумъясӧ, сиктъясӧ да лесопунктъясӧ, мед бурджыка тӧдмасьны асланым лыддысьысьяскӧд, висьтавны налы миян литературалӧн сӧвмӧм йылысь, юксьыштны водзӧ вылӧ мӧвпьясӧн.

## Мыйта сълөн быдтасыс!

Игорь синсö эз вештив помост вылысь, сюся видзöдiс штанга лэпталысьяс вылö. Думсьыс пасьялис быд атлетлысь сямсö, тшöтш и тырмытöмторьяссö. Ставыс тайö згöдитчас бöрынджык. А помост вылын ордысисны спорт кузя мастерьяс да опытной штангистьяс. Öд мунисны штанга лэпталöм кузя РСФСР-са первенство вылö зональной ордысьöмьяс. Тайö жö помост вылас кутас венласьны мас-



терьяскöд и Игорьлөн быдтасыс, первой разряда тяжелоатлет Альберт Воюшин.

Со нин Альберт штанга дорын. Некедзи оз чайтсьы, мый тайö ко-

сiндзи зонмыс вермас лэптыны юр вылöдзяс 105 килограмм сьöкта штангасö.

— Смелджыка, смелджыка,— вомгорулас шöпкöдö Игорь.— Тэ верман, верман...

Альберт тэрмасьтöг зыралис кияссö магнезияөн, сэсся кутчысис штанга грифö. Кокныда нетшыштiс му бердö сибдöм сьöктасö да лэптiс морöс вылас. Сэсся пидiа лолыштiс, выныштчис да тюв-лэптiс юр вылöдзяс. И пыр жö гримöбтiсны аплодисментьяс.

— Коми республикаса атлет Альберт Воюшин шедöдiс ДСО «Урожай» областной сöветлысь рекорд,— юөртiс судья-информатор.

Уськöдчисны чолöмавны Альбертöс ёртьясыс. Ньюъялö республикаса тяжёлöй атлетика кузя ветеран Игорь Александрович Ветошкин. Öд тайö сълөн быдтасыс лои чемпионөн. Тренер топыда култö морöс бердас зонмöс да вына кияс вылас босьтöмөн петкöдö шойччан залö...

Збыль öмöй Альберт лои чемпионөн?

Игорлы бара на уси тöд вылас 7 во сайся öти серпас. Подъельск сиктса клуб дорын сiйö петкöдлiс спорт радейтысьяслы кык пудья гираөн жонглируйтöм. Кокныда, мач моз шыблалiс öтар кисяньыс мöдас. Завидьпырысь видзöдiсны сълөн ворсöм вылö, челядь: öд быдөнлы окота лоны ёнөн да пелькөн.

Игорь медбöрьяысь шыбитiс юр вылöдзяс гирасö да кежис бокö.

— Коді көсйө видлыны? Эн поллэй, абу өд сьөкыд,— корис том йөзөс.

Гира динө матыстчис косіник зон. Лөсьыда босьтис морөсөдзис да ҕна зэвтчөмөн лэптис веськыд ки вылас.

— Артмас тэысь атлет. Волы рыт-нас клубө. Кутам штанга лэптавыны,— зонмөс корис Игорьь.

Тайө вөлі Альберт Воюшин...

«Молодеч, Альберт!— нимкодясьө Ветошкин, а аслыс дум вылас усьө 1949 во. Мукөд коми войтыркөд Игорьь веськаліс служитны Германияө. «Оти кадө налөн частыын мунісны штанга лэпталөм кузя армейскөй ордысьөмьяс. Сьөлөмөдзис йиджис тайө серпасыс. Ғна сылы кажитчисны крепыд мускула войтыр. «А ме эськө верма ог на кодьөн лоны,— мөвпаліс бөрын-джык ас кежас.— Верма. Сөмын колө ҕна көсйыны».

Тайө лунсяныыс Игорьь эз дугдыв тренируйтчөмысь. Быд прөст кадө вөлі котөртө спортивнөй залө. Но сьөкыд көрт пырысь-пыртө эз сетчы. Заводитіс ичөтсянь, 60 килограммсянь (аслас сьөктаыс вөлі та мында жө). Но... вочасөн штанга вылын гөгыльяс кутісны содны. Рө-гудың Игорьь казяліс, мый өти ҕн-лунод этша на. «Колө велөдны техника!»

Заводитіс велөдчыны. Лыддис спортивнөй литература, инструкцияяс. Төдмасис спорт кузя мастерьяслөн сөветьясөн. И пыр водзө тренируйтчис.

Коли кум во. Демобилизуйтчөм салдатьяс воалісны ас чужан сиктө. И, дерт, быдөн медводз видзөдліс-ны, мый вөчсьө клубын, том йөз-лөн медся радейтана местаын. Воывліс сэтчө и Игорьь. Сылөн гимнастерка морөсас дзирдаліс спорт кузя коймөд разряда значок. Но том морт та вылын эз көсйи сувтны, сылөн юрас чужисны нин выль мөвпяс: «А мый эськө не чужтыны спорт динө муслун сиктса том йөзлысь?»

Өти субөта рытө торйөн нин унаөн локтісны клубө. Сэки и пон-діс варовитны том йөзкөд, юксы-ны аслас мөвпясөн.

— Со мый, войтыр! Куш өти йөктөмыд өд мустөммас. Вай кутам тшөтш вермасыны: чунь крукөн, паличөн кыскасьны, гира лэптавыны.

— Кысь нө гираыс?

— Гортса сарайясьсьыд видзөд-лөй. Сюрас — кыскөй татчө.

Мөд рытнас нин сиктса клуб до-рын том йөз венласисны, коді мед-унаысь лэптас кык пудья гидра. Но Игорьөс венны некод эз вермы.

Спортөн занимайтчыны том йөз көсйисны унаөн. Некумын лун мыс-ти «Дзоридаз» колхоз правлениеын муніс та йылысь сёрни. Шуисны ов-мөс бердын котыртны физкультур-нөй коллектив. Колхоз да сельсө-вет отсалісны ньөбны футбольнөй да волейбольнөй мацьяс, сеткаяс, диск, ядро, копье. Но тяжелоатле-тика радейтысьяслы колө вөлі штанга. Сэкса кадө сійөс судзөдны вөлі сьөкыд. Да и деньгаыс сы вы-лө эз вичмы.

Сэки спорт кузя водзмөстчысьяс Геннадий Шарапов, Борис Чечулин да Игорьь Ветошкин пуктісны штан-га ньөбөм вылө асланыс удждон-ысь неыджыд юкөн.

Тадзи вочасөн ҕнмис физкуль-турнөй коллективлөн спортивнөй подув, быдмисны и спортсменьяс. Быд вөскресенньө сиктын вөлі ку-тшөмкө да кутшөмкө ордысьөм. Төвнас лыжи вылын котралісны, го-жөмнас волейболөн да футболөн ворсісны. Чеччалісны кузьта и суд-та. Сиктын чужисны и асланыс чем-пионьяс. А кум во мысти Подъ-ельска легкоатлетьяс лоины нин районса чемпионьясөн.

Игорь и легкоатлетикаын вөлі водзмөстчысьөн. Сійө шыблаліс диск, тойлаліс ядро, лыйліс копье. Но эз вунөд асьыс радейтана спортсө. Клубын сельсөвет сетіс штанга лэпталысьяслы торья жыр. Сэні найө вөлі и грымгөны-трени-руйтчөны. Уна войтыр көсйисны лэптавыны сьөкыд штанга. Ставныс-көд занимайтчис тренер. Но на пи-ысь бөрыс медся вынаяссө да торья весөвөй категориясө юклөм бөрын котыртіс команда.

1956 воын районын вөлі штанга лэпталөм кузя медводдза орды-сьөм. И, дерт жө, Подъельск сикт-

са атлетъяс сәні босьтісны первой места. Тайӧ кадсяньыс найӧ районьын вӧліны пыр медводзынӧсь.

Сиктса штангистъяслӧн команда кутіс выступайтны и республиканскӧй ордйысьӧмъясын. Сідз, 1956 вося августын Ветошкинлӧн команда республиканскӧй ордйысьӧмъясын шедӧдіс мӧд места.

Игорь Александрович шедӧдмторъяс вылын эз сувт. Сійӧ зіліс, мед эськӧ районьын штангасӧ лэптәлісны унджык команда. Та могыс сійӧ аслас ӕртъясыскӧд ветлӧдліс Аныбӧ, Пӧдтыбокӧ, Вомянӧ, Керӧсӧ да Висер вожса сиктясӧ. Сьӧрсъыныс пыр новлӧдлісны 150 килограмм сьӧкта штангасӧ. Нӧвикӧ, Навӧлӧкӧ, Висер вожса ичӧтик деревнясӧ кыскалісны мыш выланьыс. Мудзлун эз тӧдлыны Игорь Ветошкин, Альберт Воюшин, Анатолий Моторин да Николай Зюзев. Зато рытьяснас эзв гажавлывлӧ сиктса клубъясын. Медводз Игорь висьталӧ районьын да республикаын тяжелӧй атлетика сӧвмӧм йылысь. Сэсся заводитчӧны показательнӧй выступлениеяс. Но медсясӧ вӧлі чуймӧдӧ Игорь.

130 килограмм сьӧкта штангаыд вӧлі сетчӧ сӧмын ӧтнаслы.

Регыдӧн Ветошкинлӧн кӧсйӧмыс збыльмис. Районса ордйысьӧмъяс вылӧ пондісны воывлыны Богородксса да Вомянса, Пӧдтыбокса да Сторожевксса атлетъяс. И тайӧ сиктясысь медся ӕн войтырыс некымын во чӧж вӧліны республикаын медводдза радъясын. Куим во чӧж сэсся Сторожевск районса атлетъяс босьтісны «Урожай» ДСО-лӧн областнӧй сӧветлысь кубок.

Но командаса войтыр быдмисны, разӧдчалісны ылі местясӧ. Роберт Горбунов ӧні уджалӧ Княжпогостын. Штанга лэптәлӧм кузя сылӧн I разряд, республикаын 1967 вося чемпион. Владимир Моторин помаліс Архангельскӧй пединститутын

физкультура кузя факультет да велӧдӧ Коми пединститутын.

На местаӧ сувтісны выль том войтыр. Василий Ширяев, Алексей Каракчиев, Василий Турьев да мукӧд спортын медводдза воськовъяс вӧчисны Игорь Александрович отсӧгӧн. Тренеркӧд ӧтлаын найӧ унаысь ветывлісны странаса мукӧд областясӧ дорйыны республикаса «Урожай» обществолысь спортивной честь.

Ӧні Игорь Ветошкинлы 39 арӧс. Паськыд пельпомъяса, зумыд мыгӧра — сирӧд мыр кодъ. Гортас ыджыд семья.

— Нель баскетболистка да ӧти штангист быдмӧны, — ошйысьӧ аслас челядьӧн тренер.

15 во чӧж нин сӧвмӧдӧ Игорь Александрович спорт. Ачыс дугдывтӧг занимайтчӧ да выступайтӧ республиканскӧй да зональнӧй ордйысьӧмъясын. Гира лэптәлӧм кузя сылӧн I спортивной разряд, штанга лэптәлӧмын республикаса рекордсмен. Сійӧ — республиканскӧй категория судья. Неважӧн на Игорь Александрович Сыктывкарын участвуйтіс Сӧветскӧй властылы 50 во тырӧм честь кузя спартакиадаын да шедӧдіс мӧд места. А Тюмень карын, зональнӧй ордйысигӧн, «Спартак» ДСО-лӧн Тюменскӧй областнӧй сӧвет сетіс сылы памятной приз-кубок, кыдзи тяжелӧй атлетика кузя ветеранлы.

А гортас почӧтнӧй грамотаяснас позьӧ нин ветъыны кӧкъямыснан стенсӧ. Спортивной пельӧсын сулалӧны кубокъяс, ӧшалӧны спортивной вымпельяс. Кумачӧн ӧзъян бархатнӧй стэнд вылын ӧшалӧны 35 жетон да значок. Кольӧм каднас сійӧ быдтіс 37 атлетӧс, кодъяслӧн штанга кузя первой да мӧд спортивной разрядъяс.

Игорь Александрович ӧні уджалӧ Сторожевскӧй леспромхозын спорт кузя методистӧн.

## КОЛО НА БУРМОДНЫ

Колан номерын ми сетім А. Лыюровлөн выль повесть йылысь статья, кодбс гижис критик А. Фёдорова. Статьяс повестьыс донъянвсис дзоньнас ошкана, индёма вёлі со-моён некымын тырмытмтор.

Е. Рочев, Москвава Литературной институтын заочнөя велөдчысь, тайö повестьсö боңъялö оз нин сэтшöм бура. Сийö индö да подулалö, мыйла А. Лыюровлөн повестьыс лои гажтöмджык, мый оз на тырмы сылы, мед лоны вылын художествова гижöдөн.

Редакция сюртчö А. Фёдоровалөн мөвп динö, мый А. Лыюров вöчис бура, кор сувтöдис война йылысь повестяс морально-этической проблемаяс, кодъяс и öни на эз вошгыны асьыныс коланлунсö. Нс такöд тиöтш ми лыддям коланаён сетны кыз и Е. Рочевлы, кодлөн, мян думысь, эмöсь жö эскана шуасöмъяс повесть кузяыс.

\* \* \*

Окота сёрнитыштны А. Лыюровлөн «Менам другъяс йылысь» повесть кузя, кодбс печатайтöма «Войвыв кодзув» журналын койлём во помын.

Тайö повестьыс кызвыннас коми зон йылысь да сылөн ёртъяс йылысь, кодъяслы пай вылö усис дорйыны Рöдинаöс фашистьыскöд тышин. Повестяса геройкöд ми адзсыям фронтбердса öти госпитальын, сийö сьöкыда ранитчöма пельпомас. Тані Юрий Зарубин төдмасö салдат Бойцовкöд, пöрысь санитар Кузьмичкöд, медсестра Огнёвакöд, паныдасö землякыскöд, Юранёвкöд. Вот и чукöртчисны геройясыс, и водзö, төдöмысь, кутасыны действующитны. Тайöс вичысьö лыддысьсысь, сылы окота олыштны налөн олöмөн, думъясөн, койсöмъясөн, кывны налысь дойяссö, радлыны и шогсыны геройяскöд öтлаын. Татшöм и могыс быд художественной гижöдлөн, сийö кө збыльсь художественной.

Кöть жалы, но татшöмторйес повестырын эз ло. Сэні оз төдчы пытшкөсса динамикаыс, коді кутö лыддысьсысьлысь вниманиесö. Кыдзсюрö тэчöм сюжетыс оз отсав петкöдлыны геройяслысь характер сöвмөмсö. «Вöрын и пусы абу öткөд»,— шуö повестьса öти герой. Но А. Лыюровлөн геройясыс артмөмадь öткөдöсь, найöс кокни дзугны, характерьясыс оз зурасылыны, а öд налөн эмöсь жö антипатияс да симпатияс. Синмö шыбитчö сийö, мый персонажысыс абу топыда йитчöмадьсö öти сюрöс динö, мөд ногөн кө, найö оз «уджавны» главной геройяслысь характерсö вöсьтöм вылö, кажитчö, автор искусственнöя көрталöма найöс. Со, шуам, автор петкөдлө ма-

родёр Головашкинöс. А кызди сийö йитчöма главной геройкöд? Мый Головашкин узылö Зарубинкöд орчча нар вылын? Либö мый Зарубин зывöктö татшöм йöзсö? Со врагкöд чорыд косыын сотчö самолётыс сөветской лётчиклөн. Лётчик чеччыштö сотчысь самолётысыс пожöма вöрын сулалысь госпиталь вёсьтö, көні бурдöдчöны повестяса геройяс. Лётчик сьöкыда ранитчöм вöсна кулö. Сэки жö эрдöдчö Головашкин—казялёны вешмөшкөсыс «трофейяссö». Головашкинöс судитö военной трибунал. Ставыс тайö ёна ньöжмөдö действие сөвмөмсö. А авторлы тайö коліс сөмын сы вöсна, медым шуны лыддысьсысылы, мый фронт вылад пö оз на быдён öтмоса кувны, öтияс героическөя, а мөдъяс трусыяс моз.

А кызди асьнысö кутöны Бойцов да пöрысь салдат-санитар Кузьмич? Найö повесть помöдз вуджөр моз вöтлысьсöны главной герой бöрес. Нинöм он вöч, сэтшöм нин служба—первой бурдöдчöны öти госпитальын, а сэсыя сюрöны öти частьö. Эз кө вöвны найö повестяс, нинöмөн повестысыс таыс эз гöлмы. Тыдалö, автор кутö жö төд вылас, мый персонажыссö колö йитны öти сюрöс динö, та вöсна повесть помас нин Кузьмич юöртö Зарубинлы, кутшöм частын служитö Огнёва, а Бойцов вайöдö ас садяс кантузитчöм Зарубинöс.

А кутшöмджык йитöдыс шöр персонажыяс костын? Сийö көть и тыдаланаджык, но веркөса жö. Зарубин да Юранёв—челядырся другъяс. Налы кыкнанныслы кажитчö Надя Огнёва, военной медсестра,

кызди коркө, война водзвылын, рабфакын велддигөн, сёлөм выланис воліс Валя Конакова. Тәні быттьокө и поэбь кон- фликтяс пыр восытны геройяслысь ха- рактерьяссө. Со кызди та йылысь гижö автор: «Дивö! Юранёвлөн да менам (Зарубинлөн) олан туй визьясным быттьö суртисис. И рабфак, и Валя, и Огнёва... Мый ыжда фронт! Сәні ми быттьö Эжвалон кык лыа чир, а колö жö бара тангысыны...» Но, ме ногөн, ыждак тангысьбмьяс эз ло- ны, геройяслөн характерьясыс ёнасö эз тангысыны.

Юранёв нывьяскöд сюсыджык Зарубин дорысь. Сийö радейтчöмас век водзалö ёрт- сө. Зарубин, дерт, неуна дузьялыштö, но нинöм оз вöч. Юранёвлы Валя ысталö пöсь писмөяс, но сылы тайö этша на, сийö тшöтш кыйдчö Надя Огнёва бöрся. Зарубинöс шемöсмöдö ёртыслөн омöль поведе- ниеыс: «Но поэбь öмöй тазикөн шыбласы- ны аслад чувствосён». Надя öдтортö Юранёвöс «лапайтчöмсыс». Мöдыс та вöс- на оз шогсы, решитö «пöдаритны» нылöс другысыны:

«— А, зэв кö колö, Юра, Огнёватö вер- ма колыны. Сöмын öд рабфакад моз жö кутан вичысыны, кор чыкышд пукяс ныр вылад, а сийöс колö кыйны да садокö йорт- ны». Та бöрын Надя казялö рамник Зарубинöс, кодöс öти арся рытö корö колльö- дыштны. Найö сэки окасöны пашкыр по- жом улын. Дерт, тайö «уджсö» Зарубин вöчö Надя тшöктöм серти. Мыйкö ворсöм кодь артмö радейтчöмас. Овлö-ö тадзи олöмас? Дерт, кöнкö, овлö. Но вöрзöдö- татшöм радейтчöмыс лыддысысьсö? Ньö- ти оз. Радейтчöмыд öд сийö шемöсмöда- на мича да джуджид чувство и сийöс пыд- сянь петкөдлөм век ёна вöрзöдлө лыдды- сысысьлысь сёлөмсö. А тәні — оз.

Мыйла лоисны татшöм тырмытöмторья- сыс? Тыдалö, автор эз на помöдз стöч- мöд ас водзас сувтöдмөгсö. Сийö сö- мын висьталö сы йылысь, мый коркө кыв- лис либö аддзвылис, сийö оз лэдз вöвлөм- торсö асла сёлөм пыр, фактыяссö донья- лигөн оз восыты нинöм выльторсö. Та вöс- на лыддысысь колльö гижöд динас кö- дзыдөн. Та вöсна геройяслөн образьясыс жибникöсь, да, дерт жö, оз колыны ве- жөрö.

Повестьян действиеыс пансö зэв нöж- йö, геройяслөн поступокаясыс оз йоткыны сийöс водзö, сы вöсна артмö интереснöй сёрни пыдди прöстöй больгöм да действие пыдди сідз-тадз ноксöм. Босстам пример вылö öти серпас, кöни аддзысöны Зарубин да Вагин.

«Ме (Зарубин) пукси Вагин дорö, кути кисö:

— Ена дойдöма тәнö, другö. Кызди нин сәні мян?

— Этшаөн колины.

— Ротнйö ловья?

— Колесниковыд?— гажа нумдис Ва- гин.— Командуйтö. Жаль сыкд торйöдчы-

ны. И Алабаев дзоньвидза. Сержант ёрт, флягаын менам эмышт... Вай кистав круж- каясö. Менö аски кöсийöны мöдöдны ылö тылö. Гашкö, сөсся огö-й и аддзысьлöй да...

— Вагин, тәныд уна оз поэбь,— шуис Ог- нёва.— Колö шойччыштны операция бöрад. Вай ме ачым кистала тиялы.— Надя бось- тис фляга да быд кружкаö сөтысь сөдзтыш- тис неуна.

— Ёртыяс пуктисны туй вылö. Сестра, колö ва: тайö чистöй спирт».

Оз сувтны син водзад и повестьяс му- кöд персонажяс. Налөн, овьясыс кын- ди, вежорад немтор оз коль. Со кызди, шуам, доньялö Бойцовöс Юранёв: «—Бой- цов, тэысь лөб бөр боец». Авторлы, ты- далö, кажитчö, мый тайö кывьяснас став- сö нин лои висьталöма морт йывсыс да лыддö лишнойөн петкөдлыны, кутшöм збыль вылас тайö боецс да мортыс. Шуис кö сы йылысь командир, быт нин лыдды- сысь эскы. Либö тшöкыда бомбёжкаясыс Вагин «дурмылö», заводитö «горзыны-грö- зитчыны». Вагинлысь татшöм поступокö ньöти абу подулалöма. Автор, тöдöмысь, тайөн кöсийö чужтыны лыддысысьлысь ыджид переживанияс, но артмö мөдарö, сийö сöмын чуймöдыштö вичысытöмторнас. «Медводз петис терпеннöсьсыс Вагин. Сийö чеччис мусыс да заводитис кулакнас грö- зитны небесаас, горзыны-видчыны, кöть, тöдöмысь, и ачыс ассысь гөлөссö эз кыв». Гижöма «медводз петис терпеннöсьсыс». Чайтан, и мукöдыяс кутасны петны «тер- пеннöсьсыс». Мися, мый со сэки лөб-а! Но нинöм сэтшöм-татшöмыс эз ло, Вагинöс ре- гылөн лөнөдöны.

Лейтенант Костенко заводитлö сувтöдны пышйысь курсантыяссö, но найöс сийö оз вермы бергöдны и... лыйсьö. Мыйла сийö тайöс вöчö, абу гөгөрвоана, öд кольчичны жö öткымын курсантыяс врагкөд тышкасы- ны. Позис жö ешö врагкөд тышкасыны и Костенколы. Либö сийö сэтшöм морт, кодi эз вермы терпитны татшöм позорсö. Сідз- кö, колi петкөдлыны сийöс сэтшöмнас. Ав- тор жö оз вöч тайöс, сийö сöмын шуö, мый оз пö ков дивитны Костенкоöс.

Повесть помасöй трагическöя: Зарубинлы ковмис вины ассысь ёртсö. Тайö сценаяс эськөн вöли ёна интереснöйджыкөн, эз кö вöв сийöс сэтшöм наивнöя пектöдлöма. Не- мецьяс уськөдчылисны и кыкисны сёрсыныс «язык» пыдди Юранёвöс. Зарубин казя- лис тайöс и... «Прицельнöй рамкалөн прорезь вестö воис... Геналөн юрыс». Гашкö, пер- вöй мушка вылас коліс босытны врагья- сö, öд Зарубин да Гена век жö вöліны другысён? Коліс жö öд сылы мөвпышт- лыны ёртсö мездöм йылысь...

Менам лои индöма А. Льюровлөн по- вестьясыс некымын тырмытöмтор вылö, кöть эськөн найöс и позис нуöдны на водзö. Мед бурмöдны гижöдсö, ме ногөн, колö на выль синьясён видзөдлыны сы вылö да ёнакодь уджавны.

# СЬӨЛӨМЫСЬ ПЕТӨМ КЫВБУРЪЯС

## ЛЫДДЫСЫСЬЛӨН МӨВПЪЯС

Ме сүвтөдү шкапө ещө өти книга. Кыз да мича кэркаа ёртъяс дїнас сїйө омөля и пондїс тыдавны — ичөтик, вижоват, вөсньыдик,—сүвтїс джаджывїса стройө яядысьысь зонка моз...

Но век жө тайө ичөтик книгасө ме эськө эг веж уна мукөд кызъяс вылө.

Мыйла?

Часлы, дженъыдика видла вочавидзны.

Медводз шүа: книгасө лыддигөн ме быттө кылї ачымөс комиөнджык. Ме выльысь, кызкө пыдїянджык кылї, мый менам эм аслам му, батъяслөн да пөляслөн пөсбөн да вирөн вынсьөдөм му; ме кызкө ясыдджыка гөгөрвон, мый менам эм аслам народ, аслас, сөмын сылы лөяслана чужөмбанөн, унатор кужысь да сяммысь народ, кодлөн гөг вужыис гөрддзасьбма кбккө эзз пыдын, дзор исторялөн йиркын; книгасө лыддигөн ме сьөлөм тырнам нимкодяси сьлөн мича, лөсьыд, быдтөр вежөртны вермысь кывйөн.

Тайө нейдждь книгас — кывбур чукөр, нимыс сьлөн — «Сьөлөм петас». Гижис Геннадий Юшков. Лэдзис Коми книжпöй издательство.

Но мыйла нө татшөмыс лонс мекөд? Буракө, сы вөсна, мый и аслыс авторыслы эзв дона чужан коми муным, сылы мусаөс аслас землякъясыс да найөс кытшалысь мича да озыр вөр-ваыс. Кывбуръяссө лыддигөн сїдзи и кылан, кызди гижысьыслөн бурмө сьөлөмыс, кор сїйө вермө висътавны коми войтырлөн кутшөмкө буртор йылысь — налөн повтөмлун да сям йылысь, уджавны кужөм йылысь; кор сїйө вермө казаяны мыйкө выльөс коми мортлөн характерыс.

Ми шудаөсь, но югид шудыс тайө  
Эз ачыс усь, эм уналөн сэн пайыс.  
Иван Куратов пемыдас на сьыліс,  
Мый аддзө нин, кызд рөммө вөртас  
йылыс.

Ми сетчим водзө. Каликова Домна  
Сэк юрөб пунктис, мичаник и том на.  
И Виктор Савин сиктысь сиктө ветліс  
Да медя тшыгөм воас сьөлөм сетліс.  
А ковмис вөр, өд стрөйтчис странаным,  
И тырыс козналіс Антөн Карманов.  
Война. Фашизм мед шуднымөс эз помаз,  
Танк улө водіс Михаил Шуктомов.  
И өні ми ог кык кн вежынь олай:  
Ми некытчө на дась вылас эг волөй.

Татшөм сяма жө руөн, ме эськө шуи, ас йөз вөсна төждысяна руөн, йиджтысьомаөсь и Г. Юшковлөн уна мукөд кывбуръяс («Кымын герой миян», «Ми — комияс», «Бара вой тэв лымсө көдзис» да сїдз водзө). Оз өд весьшөрө автор шу:

Медя кокни мортлы чужан муас:  
Век нин гортас, мый көть сїйөс суас.  
Но и медя сьөкды чужанїнас:  
Ставсө колө бөстны сьөлөм дїнас.

Кывбуръясис Г. Юшковлөн дженъыдөсь. Та вөсна первойсө весиг мөвпыштлан: «Мый со бара та ыдждаад төрөдан-а?» Но гижысь и медя дженъыдъясө төрөдө ыджыл мөвп, кодї и лөг гижөдыслы топыд сюрөсөн. Буретш татшөмтор ми аддзам «Ленин», «Коммунизм», «Рочъяс йылысь» да уна мукөд кывбуръясис. Да өд мөд ног оз и вермы лоны! Кызди быд керкалы колө ён, зумыд подув, сїдз жө и быд гижөдлы — ыджыды и ичөтлы — колө джудждь да ясыд мөвп, мед бура тыдаліс, мыйла сїйөс гижөма, мыйкөд вермасьө авторыс.

А гижны дженъыда и өттшөтш пыдїа — абу эзв кокни. Сїдзкө, поэзө гөгөрвонны, кутшөма уджалө Г. Юшков аслас кывбуръяс вылын, кызди сїйө помся шыльөдө-мольөдө найөс, корсьө налы сюрөсьяс миян слөмысь.

Ме адззылі, кызд бөрдис коркө вөв:  
Дзик миян моз жө синва сьлөн петіс.  
Эз ымзы сөмын, куйліс коньөр чөв,  
А чизыр төлыс бурысьсө пыр летіс.  
Эз вермы некызд вөрзьөдны кер додь,  
И ямцикыс эз жалит сэки сїйөс.  
И водіс, кувны лөсьөдчөма кодь,  
Деянка шөрө: колкө пө вибї.  
О, морт! О, мыйда овлө тэнад лөк,  
Кор сөмын асьтө олөмас тэ төдан!  
...А меным век на овлө таысь шог  
И век на вөсө адззывлывлa вөтөн.

Тайө куйм строфаа гижөдыс не сөмын вөрзьөдө сьөлөмтө, но и унатор йылысь виссталө... Ми вокыс, кодъяслы вичмис война кадся сьөкды удж, эзв бура төдам поэтөн вайөдөм серпассө. Кор тэныд быть колө лэчөдны кер додьсө ю дорө, а смөлик вөльд некызд оз вермы вөрзьөдны сїйөс. Татшөм драматическөй здукъясас не өтчды петкөдчылісны йөзлөн характеръясыс.

Отія бсьтлісны зор, муңлісны додь мыс-  
каныс, ээвтчылісны да, мый вермылісны,  
отавлісны вӱлыслы. А мӱдыяс сувтлісны  
вӱвныскӱд орчӱд да сэтшӱм жӱ зорйӱм  
мый выссыс кульлісны-нӱшавлісны конь-  
рӱс... Дерт, татшӱмъясыд лӱкӱсӱ не сӱмын  
кывтӱм пемӱсыскӱд. Найӱ и йӱзкӱд оз ӱна  
бурасын-меліасын, налы медтыкӱ аслы-  
сны бур вӱл. Буретш татшӱм йӱзыслы па-  
ныд и сувтӱ поэт, сьӱлӱмӱдызд мӱрччана  
серпасӱн да кывъясӱн чуксалӱ мортӱс лоны  
бурджыкӱн, мортсямаджыкӱн.

Тайӱ жӱ кывбурыс буга висьталӱ и сы  
йылыс, кутшӱм сюс сныгъясӱн видзӱдӱ  
поэт олӱм вылас, кутшӱма сійӱ мӱвпалӱ  
олӱмыслӱн сійӱ либӱ мӱд петкӱдчӱм вы-  
лын. Мукӱдлӱн, гашкӱ, татшӱм серпастӱ  
аддзигӱн некыт эз и вӱрзвыс, а сылыс со  
сьӱлӱмсӱ дойдӱма вӱвлӱн синваыс да ыш-  
дӱма воӱдчыны морт олӱм йылыс ыджыд  
мӱвпӱдз.

Сьӱлӱмад йиджыс пытшкӱсса драма-  
тизмӱн тыр и «Уса вомӱн пос» кывбур.  
Тайӱ посӱ стрӱитӱмны войналӱн сьӱкыд  
кадӱ жӱ. Кӱрт сӱки лишаланаыс эз вӱв, да  
лои дзоньнас вӱчны пуыс. А пуыд сійӱ  
пу и эм! Сӱсся посӱ вӱчыны... политза-  
ключӱнӱяс, «народлӱн врагъяс». И, гаш-  
кӱ, врагъясыд нарӱшӱ вӱчыны тупки-  
ляпки, мед из шом тыра медводдза соста-  
выс вармунас поскыс. Сӱки... Сьӱкыд ду-  
мыштны, мый эськӱ лои сӱки коньӱр йӱз-  
кӱд. И со, уна-уна морт сулалӱ-видзӱдӱ,  
кызди дӱна груза поезд нӱбжӱйӱнӱкӱн пырӱ  
пос вылас. Пескыс некыт весиг эз рати-  
мун. И вӱлыс

...Уна-уна жугыль син

Сӱдз мича нӱмӱн тырліс сӱки.

Ме ногӱн, тайӱ кык строчкаыс, кодъяс  
кывкӱрталӱны моз кывбурсӱ, ээв вынаӱс.  
Наын — и мыжтӱг мыжалӱм йӱзлӱн ыджыд  
дой, и налӱн югыд радлун, мый, мед кӱтӱ  
и вӱлӱ ӱна сьӱкыд, найӱ сяммысны буга  
вӱчны посӱ; радлун сысыс, мый со мунӱ  
из шом Ленинградлы, кодлы ӱнӱ сійӱ колӱ  
«кызди биалӱмлы ва».

Мукӱд дырыыс Г. Юшков вылӱ шуасы-  
лӱны: сійӱ пӱ радейтӱ корсявны олӱмсыс  
вуджӱраджыкинъсӱ, быттьӱ бурсӱ оз  
аддзы. Ме эськӱ тадзи эг шу. Ме ногӱн,  
Г. Юшков зиль петкӱллыны олӱмсӱ сӱ-  
тшӱмӱн, кутшӱм сійӱ эм збыль вылас, и,  
дерт, сылӱн гижӱдъясӱ быдсямаыс весь-  
калӱ — югыдныс и пемыдныс, сы вӱсна  
мый олӱмас ӱтныс и мӱдыс жӱ эм.

Ми быдӱн тедам и аддзам, кутшӱм ше-  
мӱсмӱданаторъяс вӱчис миян народ Совет  
власть воясӱ, кор ветымын во чӱжӱн ми  
нинкӱмъян воим космосӱ качыс ракета-  
ясӱд. Но ӱд гижысыс кӱ пондасын сӱмын  
ошйысыны, петкӱллыны сӱмын мичасӱ, бур-  
сӱ, сӱки найӱс омӱля кутасын лыддыны.  
Йӱзыс пондасын шуны: мый нӱ пӱ тайӱ  
лӱма гижысысыскӱд, тамышмӱмадӱс али  
мый найӱ — ӱтар бансӱ сӱмын казалӱны  
олӱмыслыс. Петкӱдлӱны пӱ олӱмсӱ рай  
кодӱн, а сӱк костӱ кодьяскӱ ыджыдӱ пук-  
сьӱнӱ, гусясьӱнӱ, ылӱдчӱнӱ, юнӱ, усьла-  
сьӱнӱ йӱз вылӱ пемыд воясӱ.

А ӱд литературайд — сійӱ, кызди шулис  
великӱй роч критик, — олӱмсӱ збыль ногӱн

серпасалӱм (воспроизведение действитель-  
ности). Литературайд сійӱн и вына, мый  
трачкӱдӱ ӱта-мӱдыскӱд олӱмсыс бсьтӱм  
бурсӱ да лӱксӱ, мисьтӱмыскӱд да туйтӱ-  
мыскӱд чорыда тышкасигӱн зиль тшӱтш  
сӱвмӱдны-бурмӱдны мортӱс, отсалӱ матыст-  
ны югыд аския лун. Сідзкӱ, быд ыджыд  
писательлӱн сьӱлӱмыс оз вермы не нӱйт-  
чыны-пессыны нелючкисӱ аддзигӱн. Сійӱ

ӱти ӱдӱн небыдика тӱпкӱ,

Лӱна вӱчӱ олӱм кутан мӱг.

Не, а шог кӱ — морӱспанькӱ дӱпкӱ,  
Торйӱн сӱк, кор модлы конкӱ шог.

Сӱк оз вермы овны сійӱ чӱла,  
Бурӱдны он вермы, мый кӱтӱ доль.  
Менам сьӱлӱм, быттьӱ гувсов йла,  
Воча кывтӱг нинӱмтор оз коль.

Буретш татшӱм мӱвпӱ и всан Г. Юшков-  
лыс вылӱ книгасӱ лыддигӱн. Со, шуам,  
сійӱ гижӱ сы йылыс, мый сиктын этша  
кутӱс коллыны том йӱз. Найӱ муңны и му-  
нӱны каръясӱ, кӱтӱ эськӱ гортас ӱнӱ пӱтӱса  
нин олӱны. Тӱдчӱ, мый авторлыс сьӱлӱм-  
сӱ ӱна дойдӱлӱ тайӱ. Та вӱсна сійӱ висьта-  
лӱ нӱти чуклӱдлӱтыг: «Кӱсъян чӱскыда  
сӱйны-юны. Оз кӱ сиктыд сет — сӱсся  
кыс!» Кор тӱнад сьӱлӱмыд доймасть тад-  
зи, сӱки, дерт, и сӱрныд лӱб ӱсджыкӱн  
да мӱрччанаджыкӱн. Г. Юшков оз пырму-  
нӱгмоз казтыс тайӱ ыджыд проблема йы-  
всыс (кызди унаӱн мукӱдъяс вӱчлывлӱны),  
сійӱ зиль сӱйны нырсӱ пӱтшваӱдзыс,  
помӱдз тӱдмавны, мыйла лӱб тадзисӱ:

...Пыдди пуктыны зӱисӱ колӱ,

А не пинявны: «тыр» да «быр».

Пӱтӱс сылӱн мед тшӱтш и лолыс,

Со мый колӱ ӱд. Пырыс-пыр!

Сӱсся дугдыны колӱ сӱрны,

Сӱмын уджын мый мортлӱн шуд.

Мортыд чужӱ оз сӱмын гӱрны,—

Сылы этша нин татшӱм пуд.

Тшӱтш и серавны чужӱ, сьывны,

Панны мустьмӱкӱд чорыд вен.

Чужӱ сьӱлӱмнас ставсӱ кывны,

Ставсӱ вежӱртны, кон мый эм.

И колӱ шуны, мый Г. Юшков аслас вылӱ  
сборникын уна мӱвпалӱ сы йылыс, ку-  
тшӱмӱн колӱ лоны мортлы. Тайӱс ми ка-  
зьям и гырысджык кывбуръясыс, и  
книга помланьын вайӱдӱм ӱти строфаа ги-  
жӱдъясыс.

Олӱмыд — олӱм на! Сӱтӱн эм

Уджлӱн кодӱ панас и пом:

Чужан да — ним тӱныд сӱтӱны,

Кулан да — дои.

Ме чайта, татшӱм кывбур-мӱвпӱясыс  
лыдысысыс оз жӱ веськодӱн коллы.

Но абу нач философкӱй мӱвпӱясӱн ты-  
рӱма Г. Юшковлӱн книгаыс. Сӱтыс ми  
аддзам тшӱтш и мича лирической кыв-  
бурьяс, конӱ мелӱ чувствӱн шӱнтӱм кывъ-  
яс сӱльгӱны-визувтӱны сӱдз апа парма ӱль  
моз:

Тӱнад синьясыс

Зарни киньясыс

Менсым сотисны

Сьӱлӱм шӱр.

Тэнад синъясыс  
Зарни киньясыс  
Менё кыскёны татчө бөр.  
Мича ижемка,  
Эськө гижас кё  
Тэныд кысянькө  
Оти зон,—  
Мича ижемка,  
Эськө гижас кё,  
Сылы вочакыс  
Сетан он?

Не сёмын лирической сыланкывъяс, ставнас «Сьёлём петас» гижёма мича, сётём коми кывйён, кодэ быд комилы сэтшөм жö гөгөрвоана, кызди, шуам, гажа берегъяса Эжваным да яла нитшка пожёма гульд яг. Со кыть босётам татшөм поэтической метафораяс: «И быттö чирйыссёма кыа, яг пасьта öзийё воём пув». «Матрен пöчөлөн мугөв чужёмöд кадяс агасöи быттö вуджёма...» Лыддян татшөм кывъясё и кызкө тöдлытгө мөвпыштан: «Видзöд со, кутшөм бура позьё быдтор вержöртны коминад: удж и вөр-ва, олём и мөвпалём, радейтчөм и шөг. Сөмын колö кужны вöдитчыны сийөн...»

Се, буракö, и ставис, мый ме кöйи висьтавны Г. Юшковлөн виль кывбуръяс

йылысь. Гашкө и лои мыйтакö ошкыштöма. Вермас лоны, мый критикъяслөн сюсь синъясыс, найöс гөгөрбоксянджык видлалём бöрын, аддзасны тшöтш и тырмытöмторъяс. Вермас лоны татшөмыс... Ме жö висьталышти сөмын сы йылысь, мый чöбсис менам сьёлёмö кывбуръясё первойсыс лыддигөн, мый чужис вержöрын.

А веськыда шуа: эг весьшөрö вошты ассьым кадö книгасö лыддьём вылö. Лыддысыгкостыс ме унагор йылысь думышти: и чужан му йылысь, и ас йылысь, мортлөн сям йылысь и водзö лоесь олём йылысь. Таясь окота висьтавны ыджыд аттьö и авторыслы, и книгасö лэдзсысяслы.

Ме чайта, «Сьёлём петас» книга менам шкапын оз ёна кут бусöссыны: öнисянь нин сьёлёмөн кыла, мый водзö вылö ме не öтчыдысь на босётла сийёс киö, не öтчыдысь на востытывла. А кор чукöртчам öтчукөрö другъяскöд, томдырся ёртъяскöд, ме и налы на лыддя книгасысь медкажитчана кывбуръясё.

Таясь гижысь вермас сөмын нимкодъясны. Öд кор сылысь книгасö лыддьöны öтчыд, дай мöдысь, дай коймöдысь — тайö, ме ногөн, писательлөн медся ыджыд шудыс.

Ив. Торопов.

## ВÖР-ВА ЙЫЛЫСЬ ВЫЛЬ КНИГА

Неважөн Коми книжнöй издательствоын петис Иван Коданевлөн вөр-ва йылысь висьтъяс чукөр «Водз чеччан — унджык аддзылан».

И. Коданев — литератураын абу виль морт. Во дас вит сайын нин журналы да газетъясын петкöдчисны сылөн первой висьтъяс. Автор виллис ассыс вынсö драматургияын.

Ме тані гк кöйи донъявны И. Коданевлысь пьесаяс да повестьяс, но век жö окота шуны, мый сылөн медся бура артмöны вөр-ва йылысь, вöралысьяс да чери кыйысыяс йылысь гижöдъяс. Тайö сы вöсна, дерт, мый авторыс ачыс зэв ёна радейтö уявны вөрöд да вад, коल्याвны сэнi ассыс прöст кадö.

«Водз чеччан — унджык аддзылан» — вөр-ва йылысь И. Коданевлөн коймöд книжка. Таöдз петавлісны «Югьд войяс» да «Вөрöд-вад ветлігөн» нима книжкаяс. Тавкө найöс арталö-

ма шөр да ыджыдджык арлыда велöдчысыяслы лыддьём вылö.

Бөръя книгаас чукөртöма кызь кык висьт. «Чеччы, друг, шондi петö», — шуö автор да заводитö петкöдлыны том лыддысысьсылы, кызди пуксьö мян му вылын виль лун, кутшөм мича мян вөр-ваным, кутшөм сийö озыр да лышкыд. Сөмын зиль казавны вөр-валысь мичлунсö, куж вöдитчыны сылөн озырлунö. Иван Коданев зильö чужтыны лыддысысь сьёлөмын ас му дiнö муслун.

Лыддысысь, кодi этша на ветльвліс пармаын, тöдмалас И. Коданевлөн книгаысь, кутшөм олан сямыс зверь-пöткэлөн: ошлөн, туланлөн, көчлөн, гарлөн, байдöглөн, юсьлöя, скворецлөн... Челядылы гижөм висьтъясын тайö зэв колантор. Öд быд книга лыддьём бöрын налөн содöны тöдöмлунъясыс. И. Коданев тайö висьтъясын оз пункты

могөн востыны сийö либö мöд геройяслысь характеръяс, либö вöчö тайöс скупиника некымын висьтын. Тані тайö оз и ков. Книгаыслөн могыс, кызди пасйим нин выльнджык, буретш сыын, мед петкöдлыны вөр-валысь мичлунсö да озырлунсö. И автор дзоньнас пöртö өлмö ассыс кöйсöмсö.

Тайö неыджыд пасйодас окота сувтлыны и öткымын тырмытöмторъяс вылö, кодъяс, ме ногөн, кутшөмакö чинтöны книгаыслысь збыль тöдчанлунсö.

Тöдчö, мый висьтъясё вöлі гижлöма разнöй кадö, разнöй кадö йöзöдлöма. Найöс öтлаö чукөртём бöрын коліс эськө öтпырйö шыльöдны-мольöдны, мед эз лоны повтöръяс. А татшөм повтöръясыс эмöсь.

Öткымын гижöдъясын И. Коданев сувтö аслыс паньд. Сидз, нель рабочей дас лунысь дырджык нин олöны да уджалöны ылі

вөрүн, кольоны ньоти саян-тот. Нянь чир нин абу. Оти мортос мөдөдөны посёлоко саян-юанла, а мукөдыс вичысыны, оз нин вермыши уджавнысө тшыгысла. Рабочёйясыс өти, кодос шутоны Коляён, аддэ да кутө ранитчөм байдөгөс, вайө чомйө. Коляён другьяс корёны пуны пөткасө, но мөдыс оз сет, мавтө доймөминсө йөдөн да бөр лэдзө вөля вылө.

Тадзи автор кёсийс петкөдлыны мортлыс бур сьбөлөмсө. Тшыг, а ловья ловбс оз сөй. Та йылыс вьссталөма «Ранитчөм байдөг» вьсстын. А со орчөн мөд вьсэт «Том кад казь-тылгөн», кбни вьсставсө вөралөм йылыс. Автор гижө: «Кытчө сөмын эг волбй! Көтө мешөкьясын куйлис нель-вит сьбөлаөн, но кыкнанным вөлим долы-дөсь».

«Сетин кб кыв...» вьсстын гижөма тадзи:

«Недыр мысти жбырки-тис мянланы өти сьбөла. Сийө пукис пожөм вом вылө, ьджьд да мича. Василий казялис сийөс, чургө-дис пишальсө, дыр метиг-чис. Ме эг мешайт друглы, өд вөралыслөн некор оз вун, кьдзи сийө льяс мед-воддза уткасө либө сьбө-ласө.

Ружье сьбөлшгис свинечөн, здук кежлө ойөстлис парма. Эз на удит разавны порок тшыныс, а Василий котөртис нин пу дорө, вом дорас лышкьд нюм. Дыр на сийө эз суй мешөкас ассыс первой трофейсө: то пуктылас муб, то кнас босьтлас. «Лоас таыс вөралыс»,— мөвпалі ме.

Кьдзи жө эскины авторлы, кор сийө өтмоза симпа-

тизируйтө байдөгөс жалитыс Колялы и сьбөлабс лыйыс Василийлы?

Бьдөлны төдса, мый вөралыс — эм вөралыс. Сийө муно пармаө сы ради, мед кыйны унджик прөмыс. И сылы дзик веськодь, кутшөм байдөг да сьбөла шедас: мича да дзоньвидза либө водзти ранитчылөмин.

Первой вьсътас автор вежис правдасө лбсвятөм вымыселөн. Та вөсна льддысысылы сьбөкьд эскины, мый тшыг йөз өткажигчисны байдөгьсыс.

Художественной гижөдьясын пейзаж отсалө пьдисянджык вьсстыны геройясылыс характерьяс, налыс настроение. И. Коданев тайөс унаыс оз артав. Оти и сийө жө вьсстын, орчча абазьясын гижө тадзи:

«Асывсыяныс уси лым. Вославны сьбөкьд. Көтасьөм сапөгьясө сибдис лым, өдва кыскам кокьяснимөс. А муныи ковмис эз этша. Окота сдйөджык вөдчыны вөр керкаб, медым шойчө-дыштны музөм ки-кокьяс».

«Лым усьө и усьө, небьдик, кокныдик, быттьө бобув чуокьяс лэбалөны».

Авторыс норасьө и лобуйтчө өтпырийөн. И мөд абзацыс татчө ньоти оз лөсаяв.

Ота-мөдыскөд унатор оз йитчы «Тувсовья праздник» вьсстын. Автор гижө, мый ичөтик ю, бокии пукалө ичөтик посёлок. «Коркө тані овлөмабсь вөр лэдзысыяс. Сулалөны вит-кьвайт керка. Олысыясыс тані өни лыда йөз. Медьясө пенсионерьяс, кодьяс дөзмөмабсь нин чиганьяс моз(!) ветлыны местаныс местаб».

Автор эскөдө, мый олөны пенсионерьяс, а некодлөн керка помас пон ни пишаль абу. Вөрүн абу ни өти пон! Вөр шөрүн вит-кьвайт керка, а тані видзөдөны телевизор. Сидзкө, эм электростанция либө ешө мыйкө электрелиния сьма, а та йылыс автор оз казтыв. Олөны вөр шөрүн пенсионерьяс, а посёлок гөгөрыс эм веж өзим, кытчө лэччывлөны кочьяс.

«Войбьд чукасис көч» вьсстын автор гижө, кьдзи апрель төлысыи, кор кбнсьюрө муыс нин тыдалө, көчлы оз узсыс көдыдысла. Юавсьө: а кьдзи нө либө сылы овсьө төв шөрнас? Дерт, авторлы бура төдса та йылыс, но артмис тадзи, буракө, сы вөсна, мый гижис тэрмасьөмөн, бура думыштчывтөг.

Өткьмынлаын парскө льддысысысөс И. Коданевлөн стилис. Пөшти бьд вьсстын, бьд абзачын паныдасьөны предложенияс, кодьясөс тэчөма «көт» да «а» союзьясөн. И тайө медбөрын өна дөзмөдө.

Книгалөн редактор В. А. Поповлы колө вөлі лоны требовательнойджыкөн и автор динө, и ас динас. Вайөдөмторьясыс, гашкө, сөмын шылльө-мылльө, нө өд и найө кутшөмакб чинтөны книгалыс донсө. Шулөны тай: пань дьбгөдь вермө тшыкөдны ма бөчка.

Но ме шуи нин, мый дзоньяна книгаыс төдчана, став тырмытөмторьяс вылө видзөдтөг сетас льддысысысылы, торийөн нин школь-никьясылы, пөльза.

Вл. Ширяев.

## ЖОНИК ВОИС

\* \* \*

Быд морт муно аслас туй визьод.

Никон ичотсяньыс вөлі мича чу-жёма. Окота вөлі сійос малыштны еджыд юрсидыс да оқыштны гөрд бандзибъясас. Школа помалігас нин сы бөрся вөтлысисны нывъяс. Та вөсна, тыдалө, сійо кутіс лыддыны нывбабаясөс кокни вежөраясөн.

Никон Петрович гөтрасьліс өтчыл дай мөдыс. Өти гөтырыс эз кажитчы: вөлі вывті вөсни. Мөдыс эз жө во сёлөм вылас: вөлі вывті кыз. Дай кыкнанныс горшасисны деньга вылө, Сюзьпелевөс пыдзравлісны медбөрря көпейкаөдзыс. А өд Никон ачыс кыйөдіс кокниа олыштны.

Коймөдыс гөтрасьны эз нин вөв окота. Мынтөдчыны гөтыръясыыд абу кокни: бөрдөны, синтө перйыны грөзитчөны, месткомө норасьөны.

Сэся өд и олөмыс Никонлөн торксыыліс. Чотасис сійө да веськаліс көрт тасьяса өшинь сайө.

— Дзик прөстаысь мыжми, — норасьліс бөрас Никонид. — Министралөмысь пуксьөдлісны.

Вөлөмкө, Никонид өтчыл локтөма карбердса посёлокө, вөйысьөма узьны өти пөрысь пөчө ордө. Пансис сёрни-басни. Пөчыд кутіс норасьны:

— Ковөр вылө деньга чөжи, дона ковөр көсья ньобны, а оз и вайлыны. Карө ньобасьны ветлыны пөрысь нин, пыркөдө машинаыс, лысьөмөй ешө киссяс.

— Ме, бабө, ковөртө тэныд вая, — нем виччысьтөг көсьысис Никон. — Регыд вежон чөж гані кута совещание нуөдны. Сэк кежлө ковөртө ньоба да кильчө дінөдзыд югыд

машинаөн журкнита-вая. Медся мичасө.

— Пөръялан али он пөръяв?

— Ог жө пөръяв. Ме өд, бабө, абу прөстөй морт.

— Код нө тэ? — эскытөма юалис пөчыд. — Мыйын уджалан?

— Министрын, бабө, уджала. Министр ме. Со, колөкө, документ петкөдла.

— Министр? — дзикөдз чуймис пөчө. — Эсійө полномоченнойясыд пыравлөны, а министртө эг на адзыв. Кыдзи нө татчө, кулигаас, веськаліс?

— Прөверкаөн локті. Медым водзвыв немтор эз саймовтны, гусьөн моз локті. А сідзсө ме ветла югыд машинаөн. Машинаөс татчө вотөдз бөр бергөді. Сэся и врачьяс тшөктөны подөнджык ветлыны. — Никон перйис сумкасыс коньяк суля да кисьтис дона винасө тшөтш и пөчөлы. — Со аддзан, кымын медала да кодзула сулеяыс? Татшөмъяссө сөмын ыджыд чина войтыр юоны.

— Аддза, абу на синтөм, — довкйөдліс юрнас пөчыд. — Миян тані эсійө водкатө ёна жө сысьялөны, а донаджыкторьястө оз убөлитны. Юаныд тай эськө неуна лудік дука жө да.

— Дыр сулөдөмаөсь, да сійөн дуксьөма.

— Ковөртө, сідзкө, збыльысь ваян?

Никон, дерт, көсьысис. Пөчө кыськө гөбөчсыс петкөдіс деньга да мыччис Сюзьпелевлы куим дас шайтабс:

— Ваян ковөртө да дзик пыр жө

өстаткисө сета. Сөмын эн пөръяв. Крөвать динө ошода. Ена жө нин веж петө. Быдөнлөн нин ошалоны, менам сөмын абу.

Никон чиганитчыштис, эз көсийв босьтны деньгасө. Та вөсна пөчюд ешө ёнджыка кутис сылы эскыны. Корөм бөрад министрэд суйис жө зептас деньгатө.

Мөд лунас бабыд мунөма участкөвөй динө юасыны, кутшөм министр таті прөйдитлис да вермас-ө сийө ковөр нөбны. Участкөвөй звөнитлис кытчөсюрө. И Никон веськалис, кытчө колө. Симөм решеткаа өшинь пыр видзөдигөн Никон мөвпалис:

— Тадзи абу ладнө. Татшөм ногнад шудтө он дор. А кызди?

Камераын мөвпавнысө кадыс тырмис, луньяс да войяс тані кузь-өсь. Но озырлунсө, лөсьюд олөмсө Сюзьпелев честнөя корсьны эз көсий, татшөм туйыс сылы кажитчис мустөмөн.

— Кута тай ме ишачитны!— шулис аслыс.— Менам сюслунөн өти часөн позьө сөрвитны сы мында, мыйта төлысьөн станок бердад он најөвит.

Со и бөр воссис көрт өдзөсьс. Сюзьпелевлы сетисны көлуйсө да шуисны:

— Ов честнөя, гражданин. Мөдысь татчө эн лок.

— Ог,— скөра нурбыльтис Никон Петрович.

Юрас Сюзьпелевлөн вөлі виль план. Оні, дерт, сылы удайтчас нин дженьыд кадөн ыджыд деньга најөвитны.

Военной паськөм судзөдны эз вөв сьөкыд. Военкоматысь төдса лейтенант донтөг сетис веж дөрөмсө да лөз гачсө. И Сюзьпелев мөдөдчис ылі сиктө.

«Йөзыд сиктад олөны важ ногөн на,— мөвпалис Никон.— Карад лун шөр лунө гортаныс иган сайын пукалөны, камөдчан кө өдзөсас — дзонь допрос вөчасны: коді тэ да мый тэныд колө? А сиктад пө өдзөс-сө весиг оз томнавлыны, тас пуктасны, дай — ставыс. Эскысьсөсь войтырыс, гортса пөткаяс кодьсөсь жө, оз повны-видзчысьны».

Но колө пасйыны, мый Сюзьпелев эз лөсьөдчы керкаяс петкөдны.

Сийө төдис, мый көлуй кө гусялан, тэрыба корсясны и грездысь, весиг карад серти өдийөджык на.

Сюзьпелев надейтчис сы вьлө, мый грездын не сөмын өдзөсьяс восьсаөсь. Нывъяслөн да дөваяслөн сьөлөмъясныс тшөтш восьсаджыкось. Газетьясын весиг гижлөны, сиктьясын пө оз тырмыны жөникьяс. Зоньяс мунөны вөрө да карө, а нывьяс кольччөны дояркаө да свинаркаө. А быд свинаркалы кытысь пастукыс?

«Кута жөникавны,— долыда нюмдис Никон.— Медся бур профессия!»

Мыччысис сикт. Юкмөс динь чепняөн ва лэптис том ичмонь, а гашкө и ныв на. Никон нюмъялгытыр матыстчис сы динө:

— Чолөм татчөс медся мича нылыслы!

— Видза олан!

— Тиян невестаяс абуөсь? Ме эськө гөтрасьны локті да.

— Невеста нө мый абу! Сөмын мед жөникыс вөлі прамөй-а.

— Ме прамөй,— шпыннылис Никон.— Демобилизуйтчи вот. Окота лои сиктын олыштны.

— Олышт,— кусөдис ичмоньыд нюмсө да копыртчис ведраысла, водзө кыв сөсса эз шу.

«Нинөм,— гарыштис аслыс Никон.— Кылө менам сьөлөм — виччысьө менө тані озыр ичмонь». Вой узьны патера сийө аддзис олөма нывбаба ордын, кодөс нимтисны Пуля Марьяөн. Тыдалө, визув вөлөма том дырйыс тьөтөыс, татшөм ним кө сылы сетөмаөсь. Пуля Марьялөн оні ныр улас мыччасисны сьөд усьяс, көсичаас кайөма гөгрөс йөг, но синьясас кодзлалөны на бикиньяс, а нырыс век быттьө исалө сьнөдсө, оз-ө кыв кыськө чөскыд дук.

Никон рытнас висьталис сылы гөтрасьны окотитөм йылысь. Пуля Марьялөн горша өзийисны синьясыс:

— Гөтралам, муса пи, гөтралам! Пируйтам-паруйтам! Ме тэныд медся мича невестасө корся. Сө зөлөта, сэтшөм свадьба вөчам, деревня джынсө кок йывысыс уськөдам. Медтыкө деньгаыд вөлі-а. Вайлы, ноко, меным сө шайт. Сөрнитчыны да мый да.

— Сё шайт? Сё шайтыд, Марья Гавриловна, менам абу.

— Абу? Мун, ачюд ещö офицерөн висьтасян! Вайлы либö ветымынöс.

— Абу жö, уважайтана Марья Гавриловна.

— Кутшöм нö тэ, сідзкö, жöник? Коді нö тэ сайö прамöй мортыс мунас? Уна-ö нö эськö эм деньгайд?

— Ньöти абу, Марья Гавриловна. Сійöн и гöтрасьнысö кöсья.

Пуля Марья паськöдіс синъяссö:

— Тэ тай нö, сідзкö, шыш?!

— Абу шыш, абу. Вот мый, вай тöлкуйтыштам...

Тöлкуйтисны. Пуля Марья бöрас шензис:

— Со мый думыштöмыд! А меным нö уна-ö сетан, удайчас кö? Этша вылад ог миритчы! Юр яндзим öд лоö, пышъян да.

— Сета, уна сета, Марья Григорьевна.

Пуля Марья плешсö чукрöдлöмөн мөвпаліс:

— Прамöй морт тэ сайö оз мун. Öти невеста — депутат, мöдлы металь сетисны, а найöс он босьт... Семö Клавди эськö, гашкö, мунас, да сылөн деньгаыс абу... А, вот мый! Чукля Надьöбс коралам. Син пöла, дерт, дай öти кокыс дженьыд-джык, мунигас öтарö-мöдарö катласьö дзибыр пыж моз. Но тэныд нö мый мичасыс? А деньгайд сылөн эм.

— Корав!

Чукля Надьö окотитіс сійö жö рытнас видзöдлыны жöник вылö.

Надьö вöччöма, краситчöма. Шöвк платтьöыс лöзалö, моревывса гыö! пöртмасьö. Сюзьпелев анекдотъяс висьтавлö, Надьöлы зильö кажитчыны. Надьö быд кыв бöрын сералö, быттьö сійöс гильöдöны, векни синъяссö читкырöдлö.

— Профессор висьталöма, первой видзöдлассяныд пö любовыд медся крепыд, — нюмъялігыр висьтавлö Никон. — Ті меным зэв ёна кажитчинныд, Наденька.

— А ті татчö дыр кежлö?

— Нэм кежлö. Запасса офицерлы уджыд тані сюрас.

— Сюрас, дерт... Гашкö, гöтрасьны кöсьяныд и?

— Тэ вылö, сöмын тэ вылö, — чорыда вочавидзö Сюзьпелев.

— Ок! — Надьö гөрдöдіс, лэдзис синъяссö.

Воссис öдзöс, порог вылас сувтис Дзöля Наста, дзöргыны кутис тöдтöм морт вылад.

— Истöгтö водзсавлы, Надьö! — шуис сэсся.

«Локтöма видзöдлыны, помка пунктö, быттьö истöг ковмис», — скöра думнас броткис Надьö да мыччис истöг көрöбсö. Но Настаыд эз на мун, пукис лабичö.

— Надьö, йöрад кöза пырöма! — горöдіс посводзас кодкö, сэсся пырис Гаддя Петыр гöтыр. — Но, тэнад тай, Надьö, гөсть эм! — Коді нö?

— Сідзи, тöдса, — букуштчöмөн нурбыльтис Надьö.

— Гашкö, жöникыд нин? — Петыр гöтыр шавксьöдіс джодж шöрöдзыс. — Ничево, дзик пötöса порсь кодь.

— Ланьтыштлы, ачыс öд кылö! — öлөдіс Наста.

— А кылö кö и мед. Йöй бабаяс вылад оз лөгасы. Пуля Марья мыйкö вöлі больгö да, гашкö, мися, сöрис, а збыль и вöлөм.

Со ещö кодкö локтысь лои. Пырис бригадир Кöсьта Öльöш, читкыльтис чуньнас буденовскöй усьяссö.

— Тані тай зэв унаöнöсь, — шуö. — Заседание али мый нин Надежда ордас? Кутшöмкö тöдтöм гражданин эм и. А ме тэнö, другö, кытыськö аддзылі. Сё збыль!

— Öдвакö, — лэптыштліс пельпомъяссö Сюзьпелев. — Ме тан эг овльы, матігöгöрас.

— Овлін! О, дум вылö уси, кытысь ме тэнö аддзылі! Тэнö вöлі нуöны кык милиционер костын.

— Оз вермы лоны, — нарoшнö спокойнöя вочавидзис Никон. — Ме честнöй офицер, кöть и запасын. Тэ менö оскорбляйтан, гражданин!

— Э! — эз öвсы Кöсьта Öльöш. — Менам паметыд бур. Мыйысь нö тэнö пуксьöдлісны?

— Эз пуксьöдлыны. Мый ті, гражданин, кодсь кö-а?

— Ме асысяныд некор ог юльы. Рытнас верма дзибыртны, дерт... Сідзкö, тэ, гражданин, кыдзи тэнад

фамилияд, миянлысь колхозницаёс  
косьян вайны? Пуля Марья коть  
водзджык висьталіс... А тэ, Надеж-  
да, тѳдан, мый тайѳ тюрьмаын пу-  
кавліс? Сиктѳ ѳд татшѳмыс локтас,  
а меным, бригадирлы, беспокойство.

— Ме нинѳм ѳг тѳд,— шѳпнитіс  
гѳрдѳдѳм Надѳѳ.

— А офицер кѳ тэ, гражданин,  
петкѳдлы документъястѳ!— Кѳсьта  
ѳльѳш сувтіс да лѳдзис сѳбкыд ка-  
бырсѳ Сюзьпелевлы пельпом вылас.

— Эн во кинад!— чеччис Никон  
да нетшыштчис.— Ме абу ѳбязан  
петкѳдлыны тѳныд документъяс. Тэ  
абу милиционер!

Кѳсьта ѳльѳш ыджыда воськовтіс  
ѳдзѳслань.

— Қорам, колѳкѳ, и милицио-  
нерѳс. Ті, бабаяс, кутлѳй тайѳс гач  
шырѳдыс, мед оз пышйы!

Мыйѳн бригадир петіс да саймовт-  
чис керкаяс сайѳ, Сюзьпелев уськѳд-  
чис ѳдзѳсѳ. Бабаяс эз лысьтны  
сылы паныд сувтны.

Сюзьпелев гѳгѳрвоис, мый сиктын  
ѳмѳльтор вѳчны карын серти ешѳ  
ѳпаснѳйджык. Сиктад потшѳс и  
майѳг синмаѳсь да пеляѳсь. Мор-  
тыд сѳні йѳз син водзас — быттѳ  
ки пѳдѳс вылын.

Техн. редактор *И. Оплеснин.*

Адрес редакции: г. Сыктывкар, ул. Советская, 13.

Слано в набор 25/VIII-1967 г. Подп. к печати 11/IX-1967 г. 70 × 108<sup>1/16</sup>. Печ. листов 4.  
Приведенных печ. листов 5.48. Тираж 3883 экз. ЦО/056. Заказ № 4691. Цена 15 коп.

г. Сыктывкар, Республиканская типография Управления по печати  
при Совете Министров Коми АССР

# ВОЛНА РОДЪ

ИНТА. 15-од ВЪЛЪ ШАХТА.

Фото В. Вежевлон.



# „ВОЙВЫВ КОДЗУВ“

## БЫД ТӐЛЫСЯ КОМИ ЖУРНАЛ

Карын и медылі сиктын, вӧр лэдзанинын и газ корсянінын уна сӧрс морт судзӧдӧны да лыддӧны сійӧс. Выльӧн чужӧм бурджык коми гижӧдъяс медводз петӧны «Войвыв кодзув» журналын.

Нелямын кыкӧд во кутас воны журнал коми лыддысьысыяслы. Найӧ бара аддзасны сзсь кывбуръяс да висетьяс, повестьяс да пьесаяс, критическӧй да публицистическӧй статьяяс, важ да талунья олӧм йылысь пасйӧдъяс, серамбана гижӧдъяс. Быд номерын лӧӧ и челядылы кӧкӧн.

Ассьыныс выль гижӧдъяс локтан 1968-ӧд воын йӧзӧдасны журналын: Илля Вась, Николай Попов (Жугыль), Геннадий Федоров, Николай Дьяконов, Яков Рочев, Иван Изъюрров, Серафим Попов, Иван Вавилин, Федор Щербаков, Сергей Морозов, Александр Льюров, Василий Леканов, Александр Ларев, Владимир Ширяев, Иван Торопов, Михаил Игнатов, Иван Коданев, Петр Шахов, Леонид Палкин, Геннадий Юшков, Владимир Попов, Альберт Ванеев, Василий Власов, Юрий Васютов, Александр Вежев, Анна Федорова, Степан Раевский, Анатолий Микушев, Дмитрий Конюхов, Вера Латышева, Александр Матвеев, Алексей Тимушев, Владимир Безносиков, Леонид Огнев, Егор Рочев, Николай Щукин да унаӧн мукӧд.

*Во кезлӧ журнал вылӧ гижсян донис 1 шайт 80 кӧп., во джын кезлӧ — 90 кӧп., куим тӧлысь кезлӧ — 45 кӧп.*

СУДЗӧДӧЙ ДА ЛЫДДӧЙ „ВОЙВЫВ КОДЗУВ“ ЖУРНАЛ!